

୨୫୨

ବୁଦ୍ଧେର ଜୀବନ ଓ ବାଣୀ

ଶ୍ରୀଶରଂକୁମାର ରାୟ

ମୂଲ୍ୟ ଦାମେ ଆନା ଦାଢ଼

প্রকাশক
শ্রীপ্রিয়নাথ দাশগুপ্ত
ইণ্ডিয়ান পাব্লিশিং হাউস
২২।১ কর্ণওয়ালিস ষ্ট্রীট, কলিকাতা

কাস্টিক প্রেস
২০, কর্ণওয়ালিস ষ্ট্রীট, কলিকাতা—শ্রীকৃষ্ণচরণ মাস্তা দ্বারা মুদ্রিত
এই পুস্তকের ১ হইতে ৬৪ পৃষ্ঠা কলিকাতার ২৯নং কালিদাস সিংহ লেন
“কিনিস প্রিন্টিং ওয়ার্কস”এ মুদ্রিত।

উৎসর্গ

ঈড্যো বন্দ্যাস্ত । অথর্ক ৫, ১২, ৩

ইমা ব্রহ্ম ক্রিয়ত আবর্হিঃ সীদ । অথর্ক ২০, ২৩, ২৩

স চেতসো মে শৃংহেদ মুক্তম্ । অ ১, ৩০, ২

দদামি তদ্ যৎ তে অদত্তো অস্মি ।

দেহিহু মে যন্ মে অদত্তো অসি ।

সখা নো অসি পরমং চ বন্ধুঃ ॥ অথর্ক ৫, ১১

হে অর্চনীয়, হে বন্দনীয়, এই কয়টি ব্রহ্মবাণী রচিত হইয়াছে, তুমি এই আসনে উপবেশন কর । মনোযোগ করিয়া আমার এই উক্তি শ্রবণ কর । তোমাকে যাহা আমার দেওয়া হয় নাই, তাহা আজ আমি তোমার চরণে নিবেদন করিতেছি । তুমিও যাহা আমাকে এখনও দাও নাই, তাহা আমাকে দাও । তুমি যে আমাদের সকলের সখা, আমাদের সকলের পরম বন্ধু ।

(অথর্ক সংহিতা)

যিনি সমগ্র জগতের কবি, এই আশ্রমের আচার্য্য এবং আমাদের অর্চনীয় ও বন্দনীয় সেই পূজ্যপাদ আচার্য্য শ্রীযুক্ত রবীন্দ্রনাথ ঠাকুর মহাশয়ের শ্রীচরণে আমার রচিত এই সামান্য অঞ্জলি ভক্তিভরে নিবেদন করিতেছি । তিনি রূপাশ্রয় হইয়া গ্রহণ করিয়া তাঁহার প্রসন্ন আশীর্বাদের দ্বারা আমাকে চরিতার্থ করুন ।

শান্তিনিকেতন,

২৫এ বৈশাখ, ১৩২১ }

ভক্তি-প্রণত

শ্রীশরৎকুমার রায় ।

নিবেদন

এই গ্রন্থে মহাপুরুষ বুদ্ধের সাধনার সংক্ষিপ্ত ইতিহাস এবং স্থূল স্থূল উপদেশগুলি সঙ্কলিত হইল। এই রচনাকার্য্যে আমি বৌদ্ধ শাস্ত্রীয় কয়েকখানি গ্রন্থ এবং রিসডেভিড, পলকেরাস, এড্‌মাণ্ডহোমস্, ভিক্টোরীলাকর, স্কজুকি প্রভৃতি মহাত্মাদিগের রচনা হইতে সাহায্য পাইয়াছি। উল্লিখিত গ্রন্থকার মহাশয়দিগের নিকটে আমি অন্তরের কৃতজ্ঞতা জানাইতেছি।

শ্রদ্ধাপদ বন্ধু শ্রীযুক্ত ক্ষিতিমোহন সেন ও ভক্তিভাজন পণ্ডিত শ্রীযুক্ত বিধুশেখর শাস্ত্রী মহাশয় আমার রচিত এই গ্রন্থখানি আদ্যন্ত পাঠ ও সংশোধন করিয়া দিয়াছেন। ক্ষিতিমোহন বাবু এই পুস্তকের ভূমিকা লিখিয়া দিয়াছেন। পূজনীয় পণ্ডিত শ্রীযুক্ত হরিচরণ কাব্যবিনোদ মহাশয় গ্রন্থের প্রথম সংশোধন করিয়া দিয়াছেন। এই সকল শুভার্থী বন্ধুদিগকে আজ গভীর কৃতজ্ঞতা জানাইতেছি।

এই পুস্তকের জন্য শ্রীমান মুকুলচন্দ্র দে, শ্রীমান সন্তোষ কুমার মিত্র এবং শ্রীমান মণীন্দ্রভূষণ গুপ্ত চিত্র অঙ্কন করিয়া দিয়াছেন। তাহাদিগকে আন্তরিক ধন্যবাদ দিতেছি। যাহাদের উৎসাহে এই পুস্তক রচিত এবং মুদ্রিত হইয়াছে তাঁহাদের মধ্যে অধ্যাপক শ্রীযুক্ত চুণীলাল মুখোপাধ্যায় ও সুরহদ্বর শ্রীযুক্ত হরেন্দ্র নারায়ণ কবিরঞ্জন

মহাশয়দের নাম বিশেষভাবে উল্লেখযোগ্য। তাঁহাদিগকে আমি
আন্তরিক কৃতজ্ঞতা জানাইতেছি।

নানা অনিবার্য কারণে এই পুস্তকখানি দুই প্রেসে মুদ্রিত
হইল এবং মুদ্রাঙ্কণে বহু ত্রুটি ও ভ্রম-প্রমাদ রহিয়া গেল।

শান্তিনিকেতন
বোলপুর
৯ই বৈশাখ ১৩২১

}

শ্রীশরৎ কুমার রায়

ভূমিকা

(অধ্যাপক শ্রীযুক্ত ক্ষিতিমোহন সেন, এম্‌এ
মহাশয় কর্তৃক লিখিত)

মহাকবি কালিদাস তাঁহার মহাকাব্যের প্রারম্ভে পূর্ববর্তী কবিগণের চরণে প্রণাম করিতে গিয়া এই চমৎকার কথাটি বলিয়া ফেলিয়াছেন যে যাহারা শক্তিমান তাঁহারা বজ্রসূচীর জ্বালায় শক্তিশালী। সকল মহাজীবনী রত্নের জ্বালা উজ্জ্বল ও রত্নেরই জ্বালা কঠিন। সেই সব জীবনী মানুষ ব্যবহার করিত কেমন করিয়া যদি না মহাকবি তাঁহাদিগকে সর্বমানবের গ্রহণযোগ্য করিতেন? হীরকের সূচী যেমন রত্নের মধ্যে ছিদ্র করিয়া তাহাকে সর্বলোক লভ্য করিয়া দেয় তখন যে-কেহ সেই রত্নে প্রবেশ করাইয়া কঠোর ধারণ করিতে পারে, তেমনি যাহারা কবি ও শক্তিমান তাঁহারা এই জগতের রত্নবৎ ভাস্কর ও রত্নবৎ দৃঢ় মহাপুরুষ চরিত্রকে সকলের গ্রহণীয় করিয়া দেন। এমন দুঃসাধ্য কৰ্ম্মে কালিদাসও হাত দেন নাই, তিনি পূর্ববর্তী মহাকবিগণের কৃত রত্ন আশ্রয় করিয়া তাঁহার কাব্যমালা গাঁথিয়াছিলেন। বজ্রসূচীর কৰ্ম্ম নিজে করিতে সাহস পান নাই। অন্ততঃ এইরূপ একটা বিনয় গ্রন্থারম্ভে তিনি করিয়াছেন। কিন্তু আমরা অল্পশক্তি বলিয়াই সেইরূপ বিনয় বাদ দিয়া থাকি। আমার জ্বালা লোককেও যে এইরূপ একখানি ভক্তচরিত গ্রন্থের ভূমিকা লিখিয়া গ্রন্থখানিকে গ্রহণযোগ্য করিয়া দিতে হইবে তাহা কে জানিত? অনেক অল্পবয়স্ক বিনয় কাকুতি

মিনতিতেও নিষ্কৃতি মিলিল না। অতুরোধে, অতুরোধ অপেক্ষা আরও কঠিন শ্রীতির শাসনে আমায় এই ভার লইতে হইল। কালিদাসের বোধ হয় কোন বন্ধু ছিলেন না, অন্ততঃ সেই সব বন্ধুদের কেহ গ্রহকার ছিলেন না এবং মুদ্রায়ত্ত্বও তখন ছিল না, তাহা হইলে দেখিতাম কেমন করিয়া বিনয় রক্ষা পাইত? কালিদাসের কবিত্ব শক্তি বাদ দিয়াও সেই নিষ্কণ্টক যুগটির প্রতি অত্যন্ত লোভ উপস্থিত হয়।

গ্রহকার আমার বন্ধু; একই কর্মে আমরা পরস্পরের সহযোগী। এমন অবস্থায় তিনি আমার শক্তিহীনতা দেখিয়াও দেখিলেন না কেন?—প্রেমে।

প্রেম একটি অপূর্ব বজ্রহুটী, ইহার প্রসাদেই একজন আর একজনকে, মানব সকলকে লাভ করে। এই নানা লতাপাদপ-রম্য, নানা জীবজন্তুদেবমানববিচিত্র নিখিললোক আমার নিকট একটি নির্বাসন ভূমি হইত যদি প্রেম না থাকিত; তবে সকলের মধ্যে আমি একা, গৃহের মধ্যে আমি বন্দী। প্রেমেই আমরা একজন আর একজনকে পাইয়া কৃতার্থ হই। মন-প্রাণ-ইন্দ্রিয় সকলের মহোৎসব লাগিয়া যায়।

এমন যে মহামূল্য প্রেম, তাহাকে ত বিনামূল্যে কিনিতে পারি না। এই প্রেমটি পাওয়া মাত্র সীমাসংখ্যার বোধখানি বিসর্জন দিতে হয়। পুত্রের রূপ কতটা তার সন্ধান মার কাছে মিলিবে না; সেই নয়নে ঐ রূপের সীমা নাই; পুত্রের কি গুণ তাহা পিতা বলিতে পারেন না, প্রেমে তিনি সীমাকে যে ছাড়াইয়া বসিয়াছেন।

তবে কি প্রেমের ধর্মই অসত্য? একথা সত্য নহে। আমরা মনে করি প্রত্যেক বস্তুর চারিদিকে যে ক্ষুদ্রতার সীমা আছে

তাহাই বুঝি একান্ত সত্য। কিন্তু এই কথাই কি পরম সত্য ? প্রত্যেক বস্তুই ও প্রত্যেক মানবই যে আবার তাহার ইজির গ্রাস সকল সীমা অতিক্রম করিয়া মহাগোরবে বিরাজমান এই লীলাই ত সাধক দেখিতে চাহেন ? সাধকের সাধনাপূত নয়নে অণু আর অণু নাই—“সমস্ত গিরি সর্ষপয়োঃ”—“সর্ষপ ও পর্ষত দুই-ই সমান” এইখানেই দর্শক ও পূজক একান্ত বিভিন্ন হইয়া গিয়াছেন। যে কেবলমাত্র চাহিয়া দেখিতেছে সে ত বস্তুর চতুর্দিকস্থ ক্ষুদ্র সীমাগুলিকেই বড় করিয়া দেখিবে ; কিন্তু যে হৃদয় দিয়া দেখিতেছে ও পূজা করিতেছে সে ত এই সীমার বন্ধন হইতে মুক্তিলাভ করিয়া বসিয়াছে।

এইখানেই ঐতিহাসিকে ও ভক্তে প্রভেদ। ঐতিহাসিকের কাছে কোন বিশেষ ব্যক্তি কোন বিশেষ স্থান বা কোন বিশেষ কাল তাহার আপনার চতুর্দিকের সীমার মধ্যে আবদ্ধ ; কিন্তু ভক্তের নয়নে সেই সব সীমা কোথায় মিলাইয়া যায় ! সকল জগৎ যেমন, ব্রজভূমিও তেমনি, কিন্তু বৈষ্ণবের নয়নে সেই ভূমির কি আর তুলনা আছে ? সে যে দেখে না, সে পূজা করে। যখন মহাপ্রভু চৈতন্য জন্মগ্রহণ করেন তখনও দিনরাত্রি আজিকারই মত নিষ্পন্ন হইত ; কিন্তু সেই পুণ্যযুগে জন্মগ্রহণ করেন নাই বলিয়া ভক্ত বৈষ্ণব বাসুদেব ঘোষ জীবনকে যিকার দিয়া বলিয়াছেন—“জীবন বৃথা,” নরোত্তম দাস বলিয়াছেন—“নরোত্তম দাস কেন না গেল মরিয়া।”

বুদ্ধ খৃষ্ট মহান্দ চৈতন্য প্রভৃতির জ্ঞান যে সব মহাপুরুষ জগতে জন্মগ্রহণ করেন, তাঁহারা যে কেবলমাত্র এই জগৎকে পবিত্র করিয়া যান তাহা নহে ; তাঁহারা আমাদের একটা সুগভীর উপকার

করিয়া দিয়া যান। আমাদের অন্তর আত্মাকে প্রাণ দিয়া যান, আমাদের আত্মাকে খাওয়া দিয়া যান; এই পৃথিবীর মাটিতে যে রস আছে, আকাশে যে সার আছে তাহাতো আমরা গ্রহণ করিতে পারি না। বৃক্ষগণ নিঃশব্দে বসিয়া বসিয়া তাহা গ্রহণ করে এবং আমরা বৃক্ষমণ্ডলীর উপার্জিত ফল মূল পত্র কাণ্ড গ্রহণ করিয়া প্রাণ রক্ষা করি। আকাশে এবং মাটিতে যে সার আছে তাহা নিজ্জীব (Inorganic), তাহাতে জীবন সঞ্চার করিয়া সজীব (Organic) করে কে?—ঐ পাদপমণ্ডলী। জীব ও জড়ের মাঝখানে দাঁড়াইয়া তাহার ক্রমাগত জড়লোক হইতে সকল সার লইয়া জীব মাত্রেয় গ্রহণীয় করিয়া দিতেছে। বৈষ্ণবেরা ভক্তকে বৃক্ষের স্থায় বলিয়াছেন। এই বৈজ্ঞানিক রহস্যটুকু তবু তাঁহার জানিতেন না।

জগতে এমন কত কত জ্ঞানগম্য সত্য আছে যাহাতে জীবন-সঞ্চার করা হয় নাই। তাহা আমরা জানে জানি কিন্তু অন্তরে গ্রহণ করিতে পারি না। এই সব মহাপুরুষ সেই সব নিজ্জীব সত্যকে সাধন করিয়া তাহাতে জীবন সঞ্চার করিয়া দেন, তখন সকলেই সেই সত্যকে গ্রহণ করিতে পারে। ভৃগুভোজনে অসমর্থ প্রাণীর জন্ত গাভী ভৃগু ভোজন করিয়া উদ্বোভাণ্ডে দুগ্ধ সঞ্চার করে; অন্নগ্রহণে অসমর্থ শিশুর জন্ত মাতা স্তনে অমৃতরস ভরিয়া তোলেন। তখন জীবকুল পরিতৃপ্ত হয় এবং শিশুকুল বাঁচিয়া যায়।

পরমেশ্বর সৰ্বলোক চরাচরের পিতা, জানে এই কথা কে না জানে? কিন্তু মহাপুরুষ খৃষ্ট আসিয়া পুত্ররূপে সাধন করিলেন আর অর্মান জগদ্বাসী কত লোক ভগবানকে পিতা বলিয়া গ্রহণ করিয়া বাঁচিয়া গেল। ভগবান ত্রিলোকের পতি সকলেই জানে,

মহাপ্রভু চৈতন্য সেই প্রেমসম্বন্ধ সাধন করিয়া গেলেন। বৈষ্ণব-গণ সেই রস হাতের কাছে পাইয়া বাঁচিয়া গেলেন।

তাই বলিতেছিলাম, মহাপুরুষেরা নিজ্জীব সত্যগুলিকে ধরিয়া সাধনা দ্বারা জীবন্ত করিয়া দেন, তখন সত্য আমাদের জিজ্ঞাস্য মাত্র থাকে না, তাহা আমাদের অন্তরের খাণ্ড এবং প্রাণের আশ্রয় হইয়া উঠে।

এই পন্থায় বিপদও আছে। জগতে কোন্ মহামূল্য নিধি বিনামূল্যে মানুষ লাভ করিয়াছে? ইহারও মূল্য দিতে হয়, বড় বিষম মূল্য দিতে হয়। যত দিন জ্ঞান নিজ্জীব থাকে তত দিন তাহা পচে না কিন্তু যেই তাহা জীবন্ত হইয়া উঠে, তখন তাহা জীবন্ত বস্তুর স্থায় প্রাণহীন হইলেই পচিতে আরম্ভ করে। ধর্মের এই-রূপ বিকারে জগতে বত রক্তারক্তি ও মহাঅনর্থপাত ঘটিয়াছে ততকি নীচতম স্বার্থসাধন করিতে গিয়াও ঘটিয়াছে? কত হত্যা, কত দাহ, কত অত্যাচার, কত নিষ্ঠুরতা, কত কুসংস্কার, কত নির্যাতন! বড় কঠিন মূল্যে জীবন্ত সত্যকে গ্রহণ করিতে হয়।

কিন্তু উপায় নাই, এই ভাবেই জীবন্ত সত্যগুলিকে মানব এ বাবৎ গ্রহণ করিয়াছে এবং এই বিপদ বাদ দিয়া সাধনাকে গ্রহণ করিবার উপায় আজও উদ্ভাবিত হয় নাই। বাঁহারা অতিশয় সাবধান হইতে গিয়াছেন তাঁহাদের স্মৃতির নানা বন্ধনেই সত্যের প্রাণ উড়িয়া গিয়াছে। সত্য জীবন্ত হইবে অথচ বিপদ থাকিবে না এমন উপায় আছে কোথায়? তাহার একমাত্র উপায় আছে যাহা সর্বাপেক্ষা সরল ও সর্বাপেক্ষা উদার কিন্তু সেই জগ্গই অতিশয় কঠিন। সেই উপায় সদা প্রাণবান্ থাকা। আচারে

ব্যবহারে জানে মতে সাধনার সেবার কোথায়ও প্রাণহীন হইও না, তবে এই গলিত বিকারের প্রলয় হইতে রক্ষা পাইবে।

যাক সে কথা। মহাপুরুষেরা সত্যকে এই জীবন দেন বলিয়া সাধকমণ্ডলী যে তাঁহাদের কাছে কি উপকৃত তাহা বলিয়া শেষ করা যায় না। ঐতিহাসিক সেই সব মহাপুরুষকেও অগ্ৰাভ্যাস মানুষের মত করিয়াই দেখেন কি না, তাই স্থান কাল ঘটনা ও নানাবিধ সীমার মধ্যে বদ্ধ করিয়াই তাঁহাদিগকে দেখেন; কিন্তু সাধক মহাপুরুষকে বাহিরের ইন্দ্রিয়লোকে রাখেন না তাঁহাকে একেবারে অন্তরলোকে লইয়া গিয়া “মনের মানুষ” করেন, তখন আর ত সীমার বা পরিমাণের বোধ থাকে না, তাই ভক্তদের হৃদয়ে মহাপুরুষগণ চিরদিনই সীমা অতিক্রম করিয়াই বিদ্যমান। খৃষ্ট ঐতিহাসিকের কাছে একজন মানুষ, পুণ্যবান্ সম্ভবিত্র হইলেও একজন মানুষ মাত্র কিন্তু খৃষ্টীয় সাধকের কাছে তিনি প্রেমলোক-বিহারী মনের মানুষ অতএব আর তাঁহাকে স্থানকাল ঘটনার সীমার মধ্যে রক্ষা করা চলিল না।

কত মানব জগতে আছে কিন্তু আমার গৃহে যখন একটি মানব-শিশু জন্মলাভ করে তখন ধূপ ধূনা শঙ্খ ঘণ্টারবের মঙ্গলাচারে তাহাকে গৃহে গ্রহণ করি। জীর্ণচীর দরিদ্র যেদিন বিবাহে চলে সেদিন তার রাজসজ্জা, রাজাও তাহার জ্ঞাত পথ ছাড়িয়া দেন, আজ যে সে প্রেমলোকে প্রবেশ করিবে, আজ সে রাজ্যেরও বড়। মহাপুরুষ আমার অন্তরের প্রেমলোকে আসিবেন কি প্রতিদিনেরই জীর্ণচীর পরিয়া? কণ্টকক্কতচরণে, রৌদ্রদগ্ধবদনে, ক্ষুৎক্ষাম-দেহে? না, তিনি আসিবেন রাজ্যের জ্ঞান সমারোহে জয়বাধ বাজাইয়া, সর্বৈশ্বর্যে মণ্ডিত হইয়া।

যে মুহূর্তে সাধকদের অন্তরমধ্যে মহাপুরুষগণ প্রবেশ করেন, সেই মুহূর্তেই তাঁহারা ঐতিহাসিক জন-স্বলভ সব সীমাকে অতিক্রম করেন। তখন কোথায় সীমা নাই, শেষ নাই এবং কোনরূপ পরিমাণ নাই। সবই অনন্ত সবই অসীম সবই অশেষ। প্রেমের পরশমণির সিংহাসনের একেবারে উপরে যে তিনি আজ বসিয়াছেন। এই জন্তই বুদ্ধের দুই রূপ আছে, এক রূপ ঐতিহাসিকের নেত্রে, সেখানে তিনি রাজার পুত্র, কপিলবাস্তুতে তাঁহার জন্ম, নিরঞ্জনীর তীরে তিনি সাধনা করিয়াছেন ইত্যাদি। কিন্তু আর এক রূপ আছে ভক্তের অন্তরে, সেখানে ভক্তের হৃদয়কমলে তাঁহার জন্ম, ত্রিলোকের ঐশ্বর্য তাঁহার ভূষণ, সকল বিচিত্র ব্যাপারই তাঁহার লীলা ইত্যাদি।

এই পন্থার বিপদ বিস্তর। একটু প্রাণহীন হইলেই পচিয়া উঠিবার আর শেষ নাই। কিন্তু সাধনা অন্তরের বস্তু প্রেমের ধন। মহাপুরুষকে অন্তরলোকে না নিয়া সাধক যে পারেন না; উপায় যে নাই।

তাই ইতিহাসে বুদ্ধের এক রূপ, বৌদ্ধ সাধকদের কাছে আর এক রূপ, সেখানে তাঁহারা তাঁহাকে পূজা করেন, একেবারে বুদ্ধেরই তপস্তা করেন। এই দুই রূপে সামঞ্জস্য কোথায়? সামঞ্জস্য করা কি কঠিন, সত্যের জরীপে মহাপুরুষের চরিত্র যায় শুকাইয়া, ভক্তের প্রেমবারি সেচনে অনেক সময় যায় পচিয়া। সামঞ্জস্য হইলে যে বাচা যাইত।

এই গ্রন্থে সেই সামঞ্জস্যের জন্ত, গ্রন্থকার প্রাণপণ চেষ্টা করিয়াছেন। বড় কঠিন কাজ, সত্যকে রক্ষা করিতে হইবে অথচ ভক্ত মহাপুরুষের জীবনীকে প্রাণহীন করাও হইবে না, বড় কঠিন ব্রত। মহাদেবের কুণ্ঠিত নৃত্যের চিত্র মনে পড়ে। আনন্দ তাঁহার

অসীম অথচ সীমার জগতে তাঁহার নৃত্যলীলা করিতে হইবে। তাই সকল দিগ্‌গুলের সীমায় সীমায় তাঁহার নৃত্যলীলা কুণ্ঠিত হইয়া উঠিতেছে। এই দুরূহ ব্রতে গ্রন্থকার প্রাণপণ চেষ্টা করিয়াছেন এবং যে পরিমাণ সাফল্য আশাও করি নাই তাহাও লাভ করিয়াছেন দেখিয়া বিস্মিত হইলাম। এই দুই বিরুদ্ধ ধারাকে মিলিত করিয়া দীর্ঘ সময় চলা অসম্ভব, এই পথখানি যে “ক্ষুরস্ত্র ধারা নিশিতা হ্রতয়া।” এইরূপ গ্রন্থ দীর্ঘ হইতেই পারে না, তাই এই দীর্ঘ গ্রন্থখানি খুব দীর্ঘ হয় নাই, তথাপি গ্রন্থখানি অপূর্ণ। অ-বৌদ্ধ সাধকের কাছে এইরূপ একখানি গ্রন্থের একান্ত প্রয়োজন ছিল; এই গ্রন্থে বুদ্ধের ঐতিহাসিক গুণ মূর্তিও নাই, আবার তিনি একেবারে দেবতা হইয়া অতি প্রাকৃত হইয়া উঠেন নাই। এখানে তাঁহার সাধক বেশ। যে বেশে তিনি নিজে সাধনা করিয়াছেন সেই বেশেই সকল দেশের সকল যুগের ও সকল সম্প্রদায়ের সাধকের হৃদয়ে অসাধারণ সেবা-রস ও অপূর্ণ সাধন-রস সঞ্চার করিতেছেন। তাই এই গ্রন্থে তিনি অতি প্রাকৃত নহেন। এই হরিহরের মিলনে যজ্ঞটি বড় মধুর হইয়াছে।

গ্রন্থকার গ্রন্থের সমস্ত বস্তুই বৌদ্ধশাস্ত্র হইতে বা ভক্তদের লেখা হইতে গ্রহণ করিয়াছেন। নিজ-কল্পনার আশ্রয় গ্রহণ করেন নাই। শাস্ত্রে অবশ্য বুদ্ধবাণী ও বুদ্ধকাহিনী আছে কিন্তু ঐতিহাসিক বুদ্ধের স্থায় শাস্ত্রের বুদ্ধবাণীও গুপ্ত। মহাপুরুষদের বহু বাক্য শাস্ত্র ঠিক বুঝিতে পারে না—তাহা তাঁহাদের সাধকেরাই বোঝেন, কারণ তাঁহারা তো জ্ঞান বা দর্শন বলিতে অসম্মত নাই যে শাস্ত্রে বা দর্শনে তাঁহাদের সব কথা ধরা পড়িবে। তাঁহাদের সাধনার গভীর বাণী বহু সময় শাস্ত্রে ধরা পড়েই না এমন কি অনেক সময়

তঁাহারা নিজেরাও তার সবটা ভাবিয়া দেখেন না। সাধক সাধনা করিয়া সেই সব তাৎপর্য বাহির করিয়া লয়েন।

মহাসাধকদের বাণী-ই মন্ত্র। মন্ত্র মাত্রেই বীজমন্ত্র। বীজের মধ্যে যে রূপটি প্রচ্ছন্ন আছে তাহা কি শস্ত্রের দোকানের পাষণ-ভিত্তিতে স্তূপীকৃত বীজের মধ্যে প্রকাশ পায়? ভক্তের সরস চিন্তা-উত্তানে তাহার অন্তর-নিহিত শ্রামলতা, নানা পুষ্পবর্ণ বিচিত্রতা, নানা ফলনিহিত মাধুর্য্য ধরা পড়িয়া যায়। তার স্পন্দন, কম্পন, ছায়া রূপরসগন্ধ দেহমনপ্রাণকে জুড়াইয়া দেয়।

বুদ্ধ সাধক ছিলেন না, একথা যিনি বলেন তঁাহাকে বলিবার মত আমার কিছু নাই। যে মহাসাধক তিনি ছিলেন—তঁাহার বাণী কি মন্ত্র না হইয়া যায়? তাহা না হইলে কি জগতের সর্বাপেক্ষা অধিক মানব তঁাহার বাণীতে আশ্রয় পাইয়া বাঁচিয়া যায়? শাস্ত্র দেখিয়া কি সেই বাণীর সব সার্থকতা বুঝা যায়? তাই গ্রন্থকার যত পারেন শাস্ত্র হইতে রত্ন সংগ্রহ করিয়াছেন কিন্তু মাঝে মাঝে সেই রত্নাবলীর তাৎপর্য্যের জ্ঞান বুদ্ধের সব সাধকদের দ্বারা হাত পাতিয়াছেন, তঁাহার গ্রন্থে এমন একটি পংক্তি নাই যাহা হয় বৌদ্ধ-শাস্ত্র, না হয় কোন ভক্তজনের গ্রন্থ হইতে না লইয়াছেন! শাস্ত্রের এবং ভক্তের কাছে বাণী ও উপদেশ ভিক্ষা করিয়া ঐতিহাসিক যথাতথ্যের দিকে চক্ষু রাখিয়া সাধক বুদ্ধের চরণে মন নত করিয়া যে অমৃত তিনি আজ আমাদের কাছে পরিবেষণ করিয়াছেন তার জ্ঞান তঁাহার কাছে কৃতজ্ঞতা প্রকাশ না করিয়া পারি না।

এমন গ্রন্থের আরম্ভে প্রগল্ভতা সাজে না। ইতিপূর্বেই যতখানি অপরাধ করিয়াছি তাহার জ্ঞান ক্ষমা ভিক্ষা করিয়া আমি এখানেই নিবৃত্ত হইব।

সূচী

জীবন—

শাক্যবংশ ও শাক্যদেশ	১
বুদ্ধের বাল্য ও গার্হস্থ্য জীবন	৬
বৈরাগ্যসংস্কার	১০
গৃহত্যাগ ও দেশপর্যটন	১৩
সাধনা ও বোধিলাভ	২২
বুদ্ধ ও তাঁহার পঞ্চ শিষ্য	৩০
নবধর্মের প্রচার ও ব্যাপ্তি	৩৬
অন্তিম জীবন	৫১

বাণী—

বুদ্ধের সার্বভৌমিকতা	৭১
বুদ্ধের আহ্বান	৭৭
বৌদ্ধ নীতি	৮২
বৌদ্ধ গৃহ ও গৃহী	৯০
বৌদ্ধজীবন	৯৫
বৌদ্ধকর্ষ	১০১
বৌদ্ধসাধনা	১০৮
বৌদ্ধসাধনা (দ্বিতীয় প্রস্তাব)	১১৮
বৌদ্ধ সাধকের আদর্শ	১২৮
বৌদ্ধ সাধকের নির্বাণ	১৩৪

ଜୀବନ




বুদ্ধদেব

মুন্দের জীবন ও বাণী

প্রথম অধ্যায়

শাক্যবংশ ও শাক্যদেশ



কুশীনগর হইতে কুমায়ুনপর্যন্ত ভূভাগ এককালে শাক্যবংশীয় ক্ষত্রিয়দের নিবাসভূমি ছিল ; এই প্রদেশের উত্তরে হিমগিরিশ্রেণী তরঙ্গাকারে বিরাজিত, পূর্বে প্রতাপশালী মগধ ও লিচ্ছবিদের রাজ্য, এবং পশ্চিমে কোশল রাজ্য অবস্থিত ছিল। বিষ্ণুপুরাণে বর্ণিত হইয়াছে যে, মগধরাজ নন্দ এক সময়ে ধরা নিঃক্ষত্রিয় করিয়া-ছিলেন ; তাহার অভ্যুদয়ের বহুপূর্বে হইতেই ক্ষত্রিয়েরা হীনবীৰ্য্য হইয়াছিল ; দেশের এই দুর্গতির দিনে শাক্যেরা দেশরক্ষার ভার গ্রহণ করেন।

শাক্যরাজ্যের রাজধানী কপিলবাস্তু নগর রোহিণীনামক একটি পার্বত্য শ্রোতস্থিনীর তীরে অবস্থিত ছিল। এই নগরটি ধ্বংসপ্রাপ্ত হইয়াছে। চীন দেশীয় পরিব্রাজকেরা যখন ভারতবর্ষে আসিয়াছিলেন, তাহার পূর্বেই এই নগর বিনষ্ট হইয়াছিল।

বুদ্ধের জীবন ও বাণী

সুপণ্ডিত কার্লাইল সাহেব ১৮৭৫ খৃষ্টাব্দে কপিলবাস্তুর অবস্থান নির্ণয় করিয়াছেন। এই প্রাচীন নগরটি যেখানে বিদ্যমান ছিল, উক্তস্থান এখন ভুইলাগ্রাম নামে পরিচিত। গ্রামের সমীপে একটি হ্রদ আছে এবং অনতিদূরে একটি নদী প্রবাহিত। বুদ্ধের জন্মভূমি কপিলবাস্তু বারাণসীধাম হইতে শতাধিক মাইল উত্তরে এবং অযোধ্যা হইতে ২৫ মাইল উত্তরপূর্বে অবস্থিত।

বুদ্ধচরিত-প্রণেতা অশ্বঘোষ বলেন যে, এই স্বভাবসুন্দর নগর এককালে কপিল ঋষির সাধনক্ষেত্র ছিল এবং সেইজন্তই নগরটির নাম কপিলবাস্তু হইয়াছে। অশ্বঘোষের অপর কাব্য সৌন্দর্য্যবোধে কথিত আছে যে, সূর্য্যবংশীয় একব্যক্তি পিতৃশাপগ্রস্ত হইয়া কপিল মুনির আশ্রমে আশ্রয় লাভ করিয়াছিলেন; কালক্রমে তাঁহার বংশধরেরা এখানে রাজ্য প্রতিষ্ঠা করিয়া রাজত্ব করিতে থাকেন। ইহারা শাকবন-বেষ্টিত ঋষির আশ্রমে বাস করিতেন বলিয়া “শাক্য” আখ্যা পাইয়াছিলেন।

শাক্যবংশীয়েরা যে এককালে ভুজবলে ও সমৃদ্ধিতে প্রাধান্য লাভ করিয়াছিলেন, সে বিষয়ে সন্দেহ করিবার কোন হেতু নাই। ইহারা যে প্রদেশ অধিকার করিয়া বাস করিতেন, তাহার মধ্যে কপিলবাস্তু, শিলাবতী, স্কন্ধর, দেবদহ প্রভৃতি অনেকগুলি সমৃদ্ধ নগরীর উৎপত্তি হইয়াছিল। হলচালন ও পশুপালনই যে নাজ্যের অধিবাসীদের প্রধান উপজীবিকা, সেখানে খুব পাশাপাশি বহু নগর গঠিত হইতে পারে না। সুতরাং সমৃদ্ধিশালী শাক্যরাজ্য যে বহুদূরব্যাপী ছিল, তদ্বিষয়ে সন্দেহ নাই।

পুণ্যবান্ গুহ্মোদন এই সুবিস্তৃত রাজ্যের রাজা ছিলেন।

সাধারণতঃ রাজা বলিতে আমরা যাহা বুঝি তিনি তেমন সর্ব-
শক্তিমান ভূপতি ছিলেন না। সগোত্রদের মধ্যে প্রধান ছিলেন
বলিয়া, তিনি তাহাদের নায়ক নির্বাচিত হইয়াছিলেন। রাজপদ
তখন বংশগত ছিল না ; শাক্যেরা তাহাদের নির্বাচিত নায়ককে
“রাজা” বলিয়া সম্বোধন করিত।

রাজ্যসংক্রান্ত ব্যবসায় কার্যের সহিত দেশের যুবা বৃদ্ধ সকলেরই
যোগ ছিল। রাজকার্য্যপরিচালনার জন্ত কপিলবাস্তু নগরে
“সঙ্ঘাগার” নামক একটি বিচারশালা ছিল ; তথায় সর্বজন সমক্ষে
রাজা বা নির্বাচিত দেশনায়ক সাধারণ প্রশ্নসমূহের মীমাংসা
করিতেন। একমাত্র রাজধানীতে নহে, প্রধান প্রধান নগরেও
“সঙ্ঘাগার” থাকিত। পল্লীবাসীরাও নিজদের ছোটবড় প্রশ্নগুলি
প্রকাশ্য সভায় মীমাংসা করিত। আম, কাঁটাল, গুবাক, নারিকেলের
বাগানে খোলা জায়গায় পল্লীবাসীদের বৈঠক বসিত।

শাক্যেরা ক্ষত্রিয় হইলেও কৃষি ও পশুপালনই তাহাদের প্রধান
উপজীবিকা ছিল। হিমালয়ের অদূরবর্তী সমতল ভূভাগে শস্তক্ষেত্রের
পাশে পাশে শাক্যদের ঘরগুলি অবস্থিত ছিল। কুম্ভকার, স্বর্ণকার,
হস্তধর প্রভৃতি শিল্পীদের বাসের জন্ত স্বতন্ত্র স্বতন্ত্র গ্রাম নির্দিষ্ট
থাকিত। সুবিশৃঙ্খত বনভাগের দ্বারা গ্রামগুলি ব্যবহৃত ছিল।
কেহ কেহ বলেন, এই সকল অরণ্যে দস্যুরা বাস করিত ; কিন্তু
তাহাদের উপদ্রবের কোনও বিশ্বাসযোগ্য বিবরণ পাওয়া যায় না।
এই সময়কার গ্রামগুলিকে এক একটি ক্ষুদ্র ক্ষুদ্র স্বাধীন রাজ্য বলা
যাইতে পারে।

গ্রামবাসীরা সরল সুন্দর জীবন যাপন করিত। কেহ ধনী

বুদ্ধের জীবন ও বাণী

কেহ দরিদ্র এইরূপ অর্থগত বৈষম্য তাহাদের মধ্যে দেখা যাইত না। তাহাদের গ্রামাচ্ছাদন অল্ল্যাসে চলিয়া যাইত—চোর ডাকাতের উপদ্রব ছিল না—আপনাদের পল্লী মধ্যে তাহারা পূর্ণ স্বাধীনতা সম্ভোগ করিত। পল্লীবাসীদের মধ্যে যেমন কেহ প্রবল ভূস্বামী ছিল না, তেমনি নিরন্ন পথের ভিখারীও দেখা যাইত না।

পল্লীবাসীদের সাধারণ সুখস্বাচ্ছন্দ্যের কোন অভাব ছিল না। তাহাদের দিনগুলি একরূপ অনায়াসেই শান্তিতে কাটিয়া যাইত। কেবল যে বৎসর অনাবৃষ্টি হেতু শস্ত নষ্ট হইয়া যাইত সেই বৎসর গৃহে গৃহে হাহাকার ধ্বনি শোনা যাইত। বৌদ্ধধর্ম-গ্রন্থে একরূপ দুর্ভিক্ষের বিবরণ পাওয়া যায়।

পল্লীবাসীদের বাসগৃহগুলি কাছাকাছি সন্নিবিষ্ট ছিল। বিচ্ছিন্ন গৃহের উল্লেখ কোপায়ও দৃষ্ট হয় না। ছুইখানি গৃহের মধ্যে একটি অপ্রশস্ত রাস্তাঘাতের ব্যবধান থাকিত।

প্রত্যেক গৃহস্থই কতগুলি গোমহিষাদি পশু রাখিত। এই সকল পশুর জন্ম পল্লীবাসীদের সাধারণ একখানি চারণভূমি থাকিত। শস্তক্ষেত্রের ফসল যখন উঠিয়া যাইত, তখন পল্লীবাসীদের গৃহপালিত পশুগুলি ঐ ক্ষেত্রেই চরিয়া বেড়াইত; কিন্তু ক্ষেত্রে ফসল থাকিলে তাহাদের পক্ষ হইতে একব্যক্তি পশুগুলির তত্ত্বাবধানের জন্ম নির্বাচিত হইত। সাধারণতঃ বিদ্বাসী ও সুর্যোগ্য ব্যক্তি উপর এই কার্যের ভার অর্পিত। এইরূপ বর্ণিত আছে যে, পশুরক্ষক তাহার প্রতিপালিত পশুর আকৃতি গাত্রের বিশেষ বিশেষ চিহ্ন বলিয়া দিতে পারিত। পশুদের গাত্র হইতে মশক মক্ষিকা প্রভৃতি

তাড়াইয়া দিবার কোশল, ক্ষত আরোগ্য করিবার চিকিৎসাপ্রণালী প্রভৃতি বিষয়ে ইহার বিশেষ অভিজ্ঞতা থাকিত ।

কৃষিকার্য্য-পরিচালনারও মোটামুটি সুব্যবস্থা ছিল । নালী কাটিয়া ক্ষেত্রে জলপ্রদানের ভার পল্লীসম্প্রদায়কে গ্রহণ করিতে হইত । সম্প্রদায়ের নায়ক স্বয়ং ইহার তত্ত্বাবধান করিতেন । কোন ব্যক্তি আপন ক্ষেত্রের চারিদিকে বেড়া দিতে পারিত না ; সমগ্র ক্ষেত্রের চতুর্দিকে প্রাচীর দেওয়ার বিধান ছিল । ক্ষেত্রখণ্ডগুলিকে লইয়া সমগ্র ক্ষেত্রের যে আকৃতি হইত, উহা দেখিতে অনেকটা বৌদ্ধ ভিক্ষুর চীবরখণ্ড-তুল্য ; উল্লিখিত প্রকার জনপাদেই সেকালের ভারতবাসীদের অধিকাংশ বাস করিত ; সমগ্র দেশের মধ্যে অতি-অল্পসংখ্যক লোকই নগরে ছিল ।

দ্বিতীয় অধ্যায়

—::—

বুদ্ধের বাল্য ও গার্হস্থ্য জীবন

বাহার সাধনা পৃথিবীকে নূতন আলোকে উদ্ভাসিত করিয়াছে এবং এককালে ভারতবর্ষের ধর্ম, সাহিত্য, বিজ্ঞান, শিক্ষা-দীক্ষা, শিল্প-কলা ও স্থাপত্য, সকল বিভাগকে সম্ভব করিয়া দিয়াছিল, আমরা সেই মহাপুরুষ বুদ্ধের জীবন সংক্ষেপে আলোচনা করিব।

আমাদের আলোচ্য বুদ্ধদেব—ঐতিহাসিক মহাপুরুষ ; স্মরণ্য সর্বপ্রকার অলৌকিকত্ব ও আতিশয্য বর্জন করিয়া তাঁহার চরিত্র-অঙ্কনের চেষ্টা করিব।

বুদ্ধদেবের পিতার নাম শুদ্ধোদন, মাতার নাম মহামায়া। অনুমান খৃঃ পূঃ ৬২৩ অব্দে কপিলবাস্তুর অদূরবর্তী লুম্বিনীনামক প্রমোদকাননে বৈশাখী পূর্ণিমা তিথিতে তাঁহার জন্ম হয় ; কথিত আছে, উজানে বেড়াইতে বেড়াইতে জননী মহামায়া যখন শালতরুর একটি পুষ্পিত পল্লব ছিন্ন করিবার জন্ত হস্ত উত্তোলন করিয়াছিলেন, তখন তাঁহার পুত্র প্রসূত হয়। কুমারের জন্মে রাজ্যে সকলেরই অর্থসিদ্ধি হইয়াছিল বলিয়া, শুদ্ধোদন তাঁহার নাম “সর্বার্থসিদ্ধ” (বা “সিদ্ধার্থ”) রাখিলেন। পুত্রপ্রসবের সপ্তমদিনে জননী মহামায়ার মৃত্যু ঘটে।

পুরবাসীদের কল্যাণকারিণী এবং নৃপতি শুদ্ধোদনের প্রাণতুল্যা

মহামায়ার অকাল মৃত্যুতে সকলেই বিষম হইলেন ; শুদ্ধোদন নব-
কুমারের মুখ চাহিয়া কোনরূপে পত্নীশোক সংবরণ করিলেন । শিশু
সিদ্ধার্থ বিমাতা ও মাতৃষসা গৌতমীর অঙ্কে দিন দিন বর্দ্ধিত হইতে
লাগিলেন ।

ভোগ ও সম্পদের মধ্যে প্রতিপালিত হইয়াও সিদ্ধার্থ বাল্যকাল
হইতেই গম্ভীর ও সংযত ছিলেন । বালমূলভ চাপল্য তাঁহার
ছিল না ; বিবিধ শাস্ত্র অধ্যয়ন করিয়া তিনি সুপণ্ডিত হইলেন ।
ঋত্রিয়োচিত যুদ্ধবিদ্যাতেও তিনি পারিদর্শিতা লাভ করিয়াছিলেন ।
শাক্যকুলে অশ্বারোহণ ও রথচালনে কেহই তাঁহার সমকক্ষ ছিল না
বলিয়া প্রকাশ । উত্তরকালে যে করুণার দ্বারা তিনি সকল মানব
ও প্রাণীকে আপনার করিয়া ফেলিয়াছিলেন, বাল্যে ও কিশোর-
কালেই তিনি তাহার প্রথম অভাস প্রদান করেন । দলের সঙ্গে
মিশিয়া তিনি শিকার করিতে যাইতেন বটে, কিন্তু কখনও কোন
প্রাণীর প্রাণসংহার করিতেন না ।

এই সময়কার একটি প্রসিদ্ধ আখ্যায়িকা সিদ্ধার্থের জীবপ্রীতির
প্রকৃষ্ট পরিচয় প্রদান করে । কথিত আছে, একদা নির্মূল্য বসন্ত-
প্রভাতে তিনি রাজবাটীর উদ্যানে ভ্রমণ করিতেছিলেন, এমন সময়ে
একঝাঁক কলহংস মধুর কলরবে আকাশ মুখরিত করিয়া তাঁহার
মাথার উপর দিয়া উড়িয়া যাইতেছিল । সহসা তীরবিদ্ধ হইয়া
একটি হংস সিদ্ধার্থের সম্মুখে ভূতলে পতিত হইল । হংসটির শুভ্র
বক্ষঃস্থল রক্তে রঞ্জিত হইয়া গিয়াছিল । সিদ্ধার্থ ক্ষণবিলম্ব না
করিয়া আহত হংসটিকে কোলে লইয়া তীরটি তুলিয়া ফেলিলেন
এবং স্নেহশীতল হস্তে তাহার সেবা করিতে লাগিলেন । পক্ষীটি

বুদ্ধের জীবন ও বাণী

কেমন বেদনা পাইয়াছে পরীক্ষা করিবার জন্য সিদ্ধার্থ তীরের অগ্রভাগ নিজ হস্তে বিধাইয়া দিলেন এবং তদনন্তর সজলনয়নে আবার তাহার সেবায় রত হইলেন। তাঁহার করুণ শুশ্রূষায় পাখী বাচিয়া উঠিল।

ইহার মধ্যে সিদ্ধার্থের জ্ঞাতিব্রাতা দেবদত্ত উদ্ভানে উপস্থিত হইল। তাহার অব্যর্থ সন্ধানেই হংস ভূতলশায়ী হইয়াছিল বলিয়া দে পাখীটি দাবী করিল। সিদ্ধার্থ বিনীতভাবে কহিলেন “আমি এই পাখীটি কিছুতেই তোমাকে দিতে পারি না, ইহার যদি মৃত্যু ঘটিত, তাহা হইলে তুমিই পাইতে, আমার সেবায় এই পাখীটি বাচিয়া উঠিয়াছে, সুতরাং ইহাতে এখন আমারই অধিকার।” এই পাখীর অধিকার লইয়া দুইজনের মধ্যে তুমুল বাদানুবাদ হইল। অবশেষে প্রবীণ ব্যক্তিদের সভায় ইহার বিচার হইল। তাঁহারা বলিলেন “যিনি প্রাণরক্ষা করেন জীবিত প্রাণীর উপর তাঁহারই অধিকার, সুতরাং সিদ্ধার্থই এই পাখী পাইবেন।” সিদ্ধার্থের যে করুণরাগিণীতে একদিন সমগ্র মানবের হৃদয়তন্ত্রী ঝঙ্কত হইবে এই ঘটনায় কৈশোরেই তাহার পূর্বাভাস লক্ষিত হইল।

কপিলবাস্তু নগরে প্রতিবৎসর হলকর্ষণোৎসব হইত। এই দিন রাজা, অমাত্য পারিষদ ও পোরজনসহ মহাসমারোহে হলচালনা করিতেন। একবার কিশোর সিদ্ধার্থ এই উৎসবে যোগদান করেন। উৎসবমন্ত পুরবাসীদের কলকোলাহলের মধ্যে তিনি একটি জঘ্ন-বুদ্ধের মূলে আসন গ্রহণ করিলেন। তাঁহার গভীর দৃষ্টির সম্মুখে নিষ্ঠুরতার ও হিংসার বীভৎসভাব প্রকাশিত হইয়া পড়িল। তিনি দেখিলেন উদরান্ন-সংগ্রহের জন্য প্রথর সূর্য্যকিরণে কৃষকগণ ঘর্ম্মাক্ত-

কলেবরে কি কঠোর সংগ্রাম করিতেছে ! ক্লিষ্ট বলীবর্দদের স্নকোমল
অঙ্গে মুহুমুহঃ কি নিশ্চয় আঘাত পড়িতেছে ! ইহাদের পদতলে
পড়িয়া কত অসংখ্য ছোট ছোট প্রাণী নিহত হইতেছে ! এই সকল
মৃতদেহ লইয়া পক্ষীদের মধ্যে কি ভীষণ কাড়াকাড়ি পড়িয়া গিয়াছে !

সিদ্ধার্থের করুণ আঁখি ধীরে ধীরে নিমীলিত হইয়া আসিল ।
অসংখ্য নরনারী জীবজন্তুর দুঃখ তাঁহার স্নকুমার চিত্ত স্পর্শ করিল ।
জন্ম মৃত্যুর দুঃস্থের রহস্য তাঁহার চিন্তার বিষয় হইল । জন্মবৃক্ষতলে
চিত্তার্পিতের ন্যায় তিনি ধ্যানস্থ হইয়া রহিলেন ।

উৎবাস্তে গৃহে কিরিবার সময়ে কুমারের খোঁজ পড়িল ।
কিয়ৎকাল অনুসন্ধানের পরে পৌরজনেরা দেখিল তিনি নিম্পন্দ-
দেহে নিমীলিতনেত্রে জম্বুতরুতলে ধ্যানমগ্ন হইয়া আছেন ।
বিশ্বপ্রাণী করুণায় উদ্ভাসিত কুমারের দিব্য মুখকান্তি দেখিয়া
শুদ্ধোদনের বিশ্বয়ের সীমা রহিল না । বহুক্ষণ পরে ধ্যান ভাঙ্গিলে
পিতাকে প্রণাম করিয়া তিনি করুণকণ্ঠে কহিলেন—“পিতঃ,
কুষিকার্য্যে অসংখ্য জীবের প্রাণবিনাশ হয়, এই কার্য্য হইতে আপনি
বিরত হউন ।”

পুত্রের গাভীর্ঘ্য ও বৈরাগ্য বিষয়াসক্ত পিতাকে চিন্তিত করিয়া
তুলিল । সিদ্ধার্থের মন ভোগস্বথের প্রতি আকৃষ্ট করিবার জন্ত
পিতা তাঁহাকে বিবাহপাশে বন্ধন করিবার ইচ্ছা করিলেন ।
দণ্ডপাণি-দুহিতা গোপার সহিত কুমারের বিবাহ হইল । তাঁহার
উদাসীন চিন্তকে ভোগাসক্তির দিকে লইয়া যাইবার জন্ত শুদ্ধোদন
প্রত্যহ নৃত্য গীত আমোদ-প্রমোদের বিবিধ ব্যবস্থা করিলেন ।

রূপবতী ও গুণবতী গোপাকে জীবনসঙ্গিনীরূপে লাভ করিয়া

বুদ্ধের জীবন ও বাণী

সিদ্ধার্থ আপনাকে ভাগ্যবান মনে করিলেন। হিতৈষিনী সাধ্বী পত্নীর সাহচর্য্যে তাঁহার জীবন সুখময় হইল। গার্হস্থ-জীবনের সুখভোগে তাঁহার জীবনের কয়ংকাল কাটিয়া গেল।

— — —

তৃতীয় অধ্যায়

— — :: — —

বৈরাগ্যসংকার

সমগ্র মানবজাতিকে দুঃখ হইতে মুক্ত করিবার কল্যাণকর সূত্রহং ব্রত বাঁহাকে গ্রহণ করিতে হইবে, সংসারের ক্ষণস্থায়ী সুখ-ভোগ তাঁহাকে কেমন করিয়া বাধিয়া রাখিবে? রাজ-অন্তঃপুরের প্রচুর ভোগবিলাসের আড়ম্বরের মধ্যে অবস্থিত হইলেও সিদ্ধার্থ আপনার চিন্তে কখন কখন বাহির হইতে করুণ আহ্বান শুনিতে পাইতেন। জরা, ব্যাধি ও মৃত্যু নিরন্তর সমস্ত প্রাণীর জীবন দুঃখনয় করিয়া রাখিয়াছে; ইহাদের আক্রমণহইতে কি উপায়ে জীবকুল নিষ্কৃতি লাভ করিতে পারে, এই চিন্তা বিদ্যৎ-ক্ষুরণের ছায় সনয়ে সময়ে তাঁহার মনে উদ্ভিত হইত। জীবনের উচ্চ লক্ষ্য ক্ষীণভাবে তাঁহার নিকটে প্রকাশ পাইত। মনের এইরূপ অবস্থায় সিদ্ধার্থকে ভোগবিলাস শাস্তিদান করিতে পারিত না। গভীর দুঃখে তাঁহার হৃদয় পরিপূর্ণ হইয়া উঠিত। -

একদা বসন্তকালে সিদ্ধার্থের নগরভ্রমণের বাসনা হইল। তিনি

পিতার নিকটে নিজের অভিপ্রায় ব্যক্ত করিলেন। রাজার আদেশে নগর, পত্রে পুষ্প পতাকায় ও মঙ্গলকলসীতে সুসজ্জিত হইল। সারথি ছন্দকে লইয়া রথারোহণে সিদ্ধার্থ ভ্রমণে চলিলেন। এই সময়ে তিনি প্রথমদিনে পলিতকেশ শিথিলচর্ম কম্পিতপদ জরাজীর্ণ বৃদ্ধ, দ্বিতীয় দিনে শুষ্ক শীর্ণ বিবর্ণ চলৎশক্তিহীন রোগী, এবং তৃতীয়দিনে এক মৃতদেহ দেখিতে পাইলেন।

চরিত-আখ্যায়কগণ ঐ তিনদিনেব মনোহর বিস্তৃত বিবরণ লিপিবদ্ধ করিয়াছেন। উক্ত বর্ণনা পাঠ করিলে ইহা অনায়াসেই হৃদয়ঙ্গম হয় যে, জরা ব্যাধি ও মৃত্যুর অপরিহার্য্য দুঃখ এই সময়ে সিদ্ধার্থকে ব্যাকুল করিয়া তুলিয়াছিল; কিন্তু এই সকল অতিরঞ্জিত আখ্যানগুলিকে সর্ব্বাংশে সত্য বলিয়া স্বীকার করা যায় না। সিদ্ধার্থ ঊনত্রিশ বৎসর বয়সে গৃহত্যাগ করেন, ঐ সময়পর্য্যন্ত তিনি জরা ব্যাধি ও মৃত্যু সম্বন্ধে শিশুতুল্য অজ্ঞ ছিলেন একথা শ্রদ্ধেয় নহে। তীক্ষ্ণবী ও স্বভাববিরাগী সিদ্ধার্থকে তাঁহার পিতা ভোগসুখে আসক্ত করিবার জন্ত এত দীর্ঘকাল জরা, ব্যাধি ও মৃত্যুহীন প্রমোদলোকে আবদ্ধ করিয়া রাখিতে পারিয়াছিলেন, একথা বিশ্বাসযোগ্য নহে। তবে এই সময়ে এই তিনের রহস্ত তাঁহার চিত্তকে গভীরভাবে নাড়া দিয়াছিল, জীবকুলের অপরিহার্য্য অনন্তদুঃখ তাঁহার অন্তর্দৃষ্টির সম্মুখে উদ্ঘাটিত হইয়াছিল, এতদিন কেবল মাঝে মাঝে যে তত্ত্ব তাঁহার মনে আসিত, এক্ষণে উহা চির দিনের জন্ত গভীরভাবে তাঁহার হৃদয় অধিকার করিল। গৃহজীবনের সুখভোগ হইতে তাঁহার মন চিরদিনের জন্ত ফিরিয়া আসিল। আপনাকে সম্পূর্ণ ত্যাগ করিয়া তিনি জীবের দুঃখমুক্তির উপায় আবিষ্কার করিতে প্রস্তুত হইলেন।

বুদ্ধের জীবন ও বাণী

এই মঙ্গল ব্রত সাধনের নিমিত্ত তাঁহাকে কি করিতে হইবে, কোন পথ অবলম্বন করিতে হইবে, এই মহতী চিন্তা তাঁহাকে আবিষ্ট করিল। যখন মনের এইরূপ অনিশ্চিত অবস্থা সেই সময়ে চতুর্থ দিনে নগরে ভ্রমণকালে প্রশান্তমূর্ত্তি গৈরিকধারী এক সন্ন্যাসী তাঁহার দৃষ্টি আকর্ষণ করে। সাধুর শাস্ত্র সংযত নির্বিকারভাব সিদ্ধার্থকে মুগ্ধ করিল। তিনি স্থির করিলেন, মুক্তির পথ আবিষ্কার করিবার জন্ত সসারের ভোগবিলাস ত্যাগ করিয়া সন্ন্যাসব্রতই গ্রহণ করিতে হইবে। তিনি বুঝিলেন, মহাত্যাগ ভিন্ন মহাকল্যাণ লাভের দ্বিতীয় কোন উপায় নাই।

সিদ্ধার্থের মনে তুমুল সংগ্রাম চলিতে লাগিল। একদিকে বাহির হইতে ত্যাগের গভীর আহ্বান, অপরদিকে স্নেহময় জনক, স্নেহময়ী বিমাতা ও পতিপ্রাণা গোপার মমতার বন্ধন। তাঁহার আহ্বারে রুচি নাই, নয়নে নিদ্রা নাই, নৃত্যগীতে আসক্তি নাই।

সিদ্ধার্থের মনে যখন এইরূপ চিন্তার ঘাতপ্রতিঘাত চলিতেছিল, এমন সময়ে একদিন তিনি সংবাদ পাইলেন গোপা একটি পুত্র প্রসব করিয়াছেন। এই সংবাদশ্রবণে তিনি বিন্দুমাত্র আনন্দলাভ করিতে পারিলেন না, পরন্তু গৃহত্যাগের বাসনা তাঁহার মনে বলবতী হইয়া উঠিল।

চতুর্থ অধ্যায়

—:~:—

গৃহত্যাগ ও দেশপর্যটন

গৃহত্যাগের অবিচলিত সংকল্পে মন দৃঢ় করিয়া সিদ্ধার্থ উৎসব-প্রমত্ত রাজভবনে প্রবেশ করিলেন। স্নেহকোমল-হৃদয় জনককে না জানাইয়া গৃহত্যাগ করিলে তাঁহার হৃদয় শোকে ভাঙ্গিয়া পড়িবে, মনে করিয়া সিদ্ধার্থ পিতার সমীপে উপস্থিত হইয়া যুক্তকরে নিবেদন করিলেন—“জরা. ব্যাধি ও মৃত্যুর আক্রমণে জীবের জীবন দ্ব্যর্থময় হইয়া আছে, এই মহাদুঃখ হইতে মুক্তির উপায় নির্ধারণ করিবার জন্য আমি সন্ন্যাসব্রত গ্রহণ করিব, স্থির করিয়াছি ; আপনি অনুগ্রহপূর্বক আমাকে অনুমতি প্রদান করুন।”

এই কথা শুনিয়া শুদ্ধোদনের মাথায় যেন বজ্রপাত হইল। তিনি পুত্রকে তাঁহার সঙ্কল্প ত্যাগ করিয়া সংসারধর্ম্য পালন করিতে বলিলেন। সিদ্ধার্থ বলিলেন,—আপনি আমাকে চারিটি বর প্রদান করিলেই আমি গৃহে থাকিতে পারি—(১) জরা যেন আমার যৌবন নাশ না করে ; (২) ব্যাধি যেন আমার স্বাস্থ্য ভগ্ন না করে ; (৩) মৃত্যু যেন আমার জীবন হরণ না করে ; (৪) বিপত্তি যেন আমার সম্পৎকে অপহরণ না করে।

পুত্রের কথা শুনিয়া অবাক হইয়া শুদ্ধোদন কহিলেন—“বৎস, তোমার প্রার্থিত বিষয়গুলি পূরণ করা মানবের অসাধ্য। অসম্ভবের

বুদ্ধের জীবন ও বাণী

অনুসরণ করিয়া জীবনের সুখসন্তোষ ত্যাগ করিও না । সম্যাস-
গ্রহণ-ইচ্ছা পরিত্যাগ করিয়া গৃহেই বাস কর ।”

যে মহাভাবের আবেশে সিদ্ধার্থ আবিষ্ট হইয়াছেন, সার্থকতার
যে ভাবী আশায় তাঁহার হৃদয় বল লাভ করিয়াছে, বিষয়ী শুদ্ধোদন
তাহা কেমন করিয়া বুঝিবেন ? সিদ্ধার্থ অবিচলিতভাবে সবিনয়ে
বলিলেন, “পিতঃ, মৃত্যু আসিয়া একদিন আমাদের বিচ্ছেদ
ঘটাইবেই—সুতরাং আমার সাধনার পথে আপনি বাধা উপস্থিত
করিবেন না । যে ঘরে আগুন লাগে সে ঘর পরিত্যাগ করাই শ্রেয়ঃ,
সংসার ত্যাগ করা ভিন্ন আমার শ্রেয়োলাভের দ্বিতীয় উপায় নাই ।”

পিতার চরণে প্রণাম করিয়া সিদ্ধার্থ চলিয়া আসিলেন । হতাশ
হৃদয়ে শুদ্ধোদন গৃহত্যাগে বাধা জন্মাইবার নিমিত্ত প্রহরী নিযুক্ত
করিলেন ।

জীবের প্রতি অপার করুণায় সিদ্ধার্থের হৃদয় কানায় কানায়
ভরিয়া উঠিয়াছে । সেই মহাদুঃখ-পূর্ণ হৃদয় লইয়া তিনি অন্তঃপুরে
প্রবেশ করিলেন । সুন্দরী নর্তকীদের নৃত্যগীত তাঁহার ভাল লাগিল
না । তিনি মোনী হইয়া রহিলেন । সান্থনী গোপা স্বামীর একপ
ভাব দেখিয়া উৎকণ্ঠিতভাবে জিজ্ঞাসা করিলেন “প্রিয়তম, আজ
তোমাকে এত বিষন্ন দেখিতেছি কেন ? কি হইয়াছে আমাকে
প্রকাশ করিয়া বল ।”

সিদ্ধার্থ উত্তর করিলেন—“প্রিয়ে, তোমাকে দেখিয়া আজ
আমি যে আনন্দলাভ করিতেছি, তাহাই আমাকে পীড়িত করিতেছে ।
আমি স্পষ্টই বুঝিয়াছি এই আনন্দ ক্ষণস্থায়ী । জরা, ব্যাধি ও মৃত্যু
আমাদের আনন্দভোগের পথে চির বাধা হইয়া রহিয়াছে ।”

সাধবী গোপা স্বামীৰ বিষয় মুখ দেখিয়া একান্ত চিন্তিত হইলেন । সিদ্ধার্থেৰ মনে একেণে আৰ দ্বিতীয় কোন চিন্তা নাই, কি কৰিয়া জীবকুল জৰা ব্যাধি মৃত্যুৰ হুংথ হইতে মুক্তিলাভ কৰিবে। তিনি অহোৱাত্ৰ তাহাই ভাবিতে লাগিলেন । এই মহাভাৱেৰ নেশায় তিনি এমনি মত্ত হইলেন যে, সৰ্বস্ব ত্যাগ কৰিয়া এই মুক্তিৰ পথ অবিষ্কাৰ ব্যতীত তাঁহাৰ সুখ নাই, শান্তি নাই, আনন্দ নাই । সংসাৰবন্ধন ছিন্ন কৰিয়া তিনি গৃহত্যাগ কৰিবাৰ শুভমুহূৰ্ত্ত খুঁজিতে লাগিলেন ।

গভীৰ ৰাতি, ৰাজপুৰবাসীয়া নিদ্রিত । সিদ্ধার্থ বিনিদ্রভাবে তাঁহাৰ সুপ্ত পত্নী গোপাৰ কক্ষে গভীৰ ধানে নিমগ্ন ছিলেন । তখন তিনি তাঁহাৰ সদয়েৰ নিভৃত স্থানে “বাণী” শুনিলেন—“সংসৰ উপস্থিত ।”

নিদ্রিতা পত্নীও সুখসুপ্ত নবজাত পুত্ৰেৰ মুখেৰ দিকে একবাৰ স্নেহকৰুণ দৃষ্টিতে চাহিয়া সিদ্ধার্থ ধীৰভাবে কক্ষেৰ বাহিৰে আসিলেন । সেই শুদ্ধ নিশীথে চন্দ্ৰ, তাৰকা, অসীম আকাশ, সকলে যেন সমতানে তাঁহাকে সীমাহীন উন্মুক্ত পথে বাহিৰ হইবাৰ নিমিত্ত আনন্দে আহ্বান কৰিতে লাগিল ।

তিনি তাঁহাৰ সারথি ছন্দককে জাগাইয়া কহিলেন—“অবিলম্বে অশ্ব শ্ৰান্তত কৰ, সংসাৰ ত্যাগ কৰিয়া আমাকে সন্ন্যাসব্ৰত গ্ৰহণ কৰিতে হইবে, তুমি আৰ এক মুহূৰ্ত্তও বিলম্ব কৰিওনা ।

সিদ্ধার্থকে ফিৰাইবাৰ জন্ত বুদ্ধিমান সারথি নানা যুক্তি দেখাইলেন, নানা তৰ্ক উত্থাপন কৰিলেন, কিন্তু তাহাৰ কোন যুক্তি কোন তৰ্ক টংকিল না । সেই গভীৰ নিশীথে অশ্বপৃষ্ঠে একমাত্ৰ সারথিকে

বুদ্ধের জীবন ও বাণী

লইয়া তিনি রাজভবন ত্যাগ করিয়া অসঙ্কোচে অপরিজ্ঞাত পথে বাহির হইয়া পড়িলেন ।

এই সময়ে সিদ্ধার্থের মনে যে সংগ্রাম চলিতেছিল, বৌদ্ধগ্রন্থে তাহার রূপকবর্ণনা প্রদত্ত হইয়াছে । কথিত আছে, গৃহত্যাগের দিন রাত্রিকালে কামলোকের অধিপতি “মার” শত্মমার্গে থাকিয়া সিদ্ধার্থকে রাজৈশ্বর্যভোগ-সুখের প্রলোভনে প্রলুব্ধ করিতে চেষ্টা করেন । বাহির হইতে অনন্তজীবের অব্যক্ত আস্থানে সিদ্ধার্থ যখন সর্বত্যাগী হইয়া পথে দাঁড়াইয়াছিলেন, তখন স্ত্রী পুত্র জনক জননী স্নেহপাশ এবং আজন্ম অধুষিত প্রাসাদের সুখস্থিতি যে তাঁহাকে পশ্চাৎ হইতে টানিতেছিল সে বিষয়ে সন্দেহ নাই । এই মানস সংগ্রাম যতই কঠোর হউক, সিদ্ধার্থ কিছুতেই বিচলিত না হইয়া সমস্ত রাত্রি ক্ষিপ্ৰবেগে চলিতে লাগিলেন এবং বহুযোজন পথ অতিক্রম করিয়া অণোমানদীর তীরে প্রভাতের শিশির-স্নাত শিথল অরুণালোক দেখিতে পাইলেন ।

নদী অতিক্রম করিয়া সিদ্ধার্থ অশ্ব হইতে অবতরণ করিলেন । নদীসৈকতে দাঁড়াইয়া তিনি আপনাকে নিরাভরণ করিয়া পরিচ্ছদ সারথির হস্তে সমর্পণ করিলেন এবং বলিলেন—“তুমি আমার আভরণ ও অশ্ব লইয়া গৃহে ফিরিয়া যাও ।” ছন্দক কহিলেন, “প্রভু, আমাকেও সন্ন্যাসব্রত-গ্রহণের অনুমতি দান করিয়া আপনার সেবক হইবার আদেশ করুন ।”

সিদ্ধার্থ বলিলেন—“না ছন্দক, তোমাকে অবিলম্বে কপিলবাস্ত-নগরে ফিরিয়া গিয়া, জনক জননী আত্মীয়স্বজনদিগকে আমার সংবাদ জানাইতে হইবে ।” ইহার পরে সিদ্ধার্থ তরবারির দ্বারা



বুদ্ধ ভিগারী

তাঁহার কেশজাল কাটিয়া ফেলিলেন এবং এক ব্যাধের ছিন্ন কাষায় বস্ত্রের সহিত আপনায় বসন বদল করিয়া ভিখারী সাজিলেন । কুমারের এই দীনবেশ দেখিয়া ছন্দক রোদন করিতে লাগিল । সিদ্ধার্থ তাহাকে সাধুনা দিয়া কপিলবাস্তুতে পাঠাইয়া দিলেন ।

ভগ্নহৃদয় শুদ্ধোদনের সাংসারিক স্নেহের আশা চিরদিনের জন্ত অতর্কিত হইল । পতিপ্রাণা গোপা সর্বপ্রকার বিলাস বর্জন করিয়া যৌবনে যোগিনী হইয়া রহিলেন ।

এদিকে সিদ্ধার্থ একাকী অপরিজ্ঞাত পথ ধরিয়া চলিতে লাগিলেন । কোথায় আছেন, কোথায় যাইবেন, তাহা তিনি জানেন না ; তবে তাঁহার মনে এই দৃঢ় প্রত্যয় ছিল যে, অনন্ত জীবের জন্ত তিনি মুক্তির একট উদার পথ আবিষ্কার করিবেন ।

অণোমা নদীর তীর হইতে সিদ্ধার্থ দক্ষিণপূর্বদিকে অগ্রসর হইতে লাগিলেন । একে একে তিন জন ঋষির আশ্রমে তিনি আতিথ্য গ্রহণ করেন । কোন্ পথ অবলম্বন করিয়া সাধনায় প্রবৃত্ত হইলে তিনি শ্রেয়ঃ লাভ করিতে পারিবেন, তাহা তিনি জানিতেন না । এই নিমিত্ত দেশপ্রচলিত সাধনার বিভিন্ন পদ্ধতির আলোচনায় তিনি নিযুক্ত হইলেন ।

এক আশ্রমে তিনি দেখিলেন যে, তথাকার সাধুরা কেহ পক্ষীর খায় শস্ত্র কুড়াইয়া ভক্ষণ করেন, কেহ মৃগের খায় ঘাস খাইয়া জীবন রক্ষা করিতেছেন, কেহ বা সর্পের খায় বাতাহারে দিন যাপন করিতেছেন । সিদ্ধার্থ প্রশ্ন করিয়া জানিলেন, এই সাধুরা বিশ্বাস করেন যে, ইহলোকে এইরূপ কঠোর সাধনা করিলে জন্মান্তরে তাঁহারা স্বর্গে স্থান পাইবেন । স্বর্গে দুঃখের লেশমাত্র নাই—চির

বুদ্ধের জীবন ও বাণী

সুখ চির আনন্দ। ইহলোকে যিনি যত দুঃখ স্বীকার করিয়া সাধনা করিবেন, স্বর্গে তিনি তত বেশী আনন্দলাভ করিতে পারিবেন।

সাধুদের মুখে এইরূপ উত্তর শুনিয়া সিদ্ধার্থের মনে স্বর্গসম্বন্ধে প্রশ্ন উঠিল এবং তিনি সাধুদের সহিত যে আলোচনা করিয়াছেন উহার সংক্ষিপ্ত মর্ম এইরূপ—

সাধুরা যে স্বর্গে বিশ্বাস করেন সেখানে স্বর্গগত মানব নির্দিষ্ট কালের জন্য বাস করেন, নির্দিষ্ট সময় অতিবাহিত হইয়া গেলে আবার তাঁহাকে পৃথিবীতে জন্মগ্রহণ করিতে হয়। সুতরাং স্বর্গলাভ দ্বারা নিত্যানন্দকে লাভ করা যায়, একথা স্বীকার করা যাইতে পারে না।

পৃথিবীতে আমরা যে সুখ অল্প পরিমাণে অল্পকালের জন্য ভোগ করি স্বর্গে সেই সুখ অধিক মাত্রায় দীর্ঘকালের জন্য ভোগ করা যাইতে পারে। শাস্ত্রবর্ণিত স্বর্গে দৈহিক সন্তোগসামগ্রীর কোন অভাব নাই—দেবতাদের প্রমোদভবনে উর্বশী মেনকা রজ্জ প্রভৃতি যুবতীরা নৃত্য গীতে সকলের মনোরঞ্জন করেন। স্বর্গবাসীরা কেহই কামনাবর্জিত নহেন, মর্ত্যবাসীদের ত্যায় তাঁহাদেরও কাম ক্রোধ হিংসা ঘেব আছে।

স্বর্গগত মানবদের ও দেবগণের দেহ আছে, অতএব দেহ সম্বন্ধীয় সর্ববিধ কামনা তাঁহাদের থাকিবেই। সুতরাং স্বর্গবাসীরা মর্ত্য-মানবের মতই সুখ দুঃখ ভোগ করেন। মর্ত্যবাসীদের জীবনের পরিসর অতি অল্প বলিয়া তাহারা অল্পকাল অস্থায়ী সুখ দুঃখ ভোগ করিয়া থাকেন—স্বর্গবাসীদিগকে এই সুখ দুঃখের ঘাত প্রতিঘাত

বহুকাল ভুগিতে হয়। স্বর্গে নিত্য সুখ নিত্য শান্তি থাকিতে পারে না।

যে সাধনা কামনার অগ্নিশিখা নির্ঝাঁপ করিয়া দেয় না, যাহা সাধককে সুখ দুঃখের উল্কে অবস্থিত নিত্য শান্তির লোকে উত্তীর্ণ করে না, তেমন সাধনা গ্রহণ করিলে কি লাভ হইতে পারে ?

জীবের অনন্ত দুঃখ সিদ্ধার্থকে গৃহত্যাগী করিয়াছে—কামনাই এই দুঃখের মূলে রহিয়াছে। যে স্বর্গে বিলাসবাসনা, কাম্যবস্ত ও ইন্দ্রিয়সুখের প্রাচুর্য্য রহিয়াছে, সেই স্বর্গ তিনি কেমন করিয়া স্বীকার করিবেন ? তিনি মনে মনে স্থির করিলেন, শাস্ত্রবর্ণিত স্বর্গ মানবমনের কল্পনামাত্র। তিনি যে নিত্য অমৃতের সন্ধানে বাহির হইয়াছেন কল্পিত স্বর্গলোক তাহা নহে।

সিদ্ধার্থ মগধের রাজধানী রাজগৃহের অভিমুখে চলিলেন। এইখানে প্রতাপশালী নরপতি বিম্বিসার রাজত্ব করিতেছিলেন। বিদ্যাগিরির পাঁচটি শাখা এই নগরটিকে পরিবেষ্টন করিয়া ইহাকে এক অপূর্ব্ব স্বাভাবিক শ্রী দান করিয়াছিল। এখানকার শৈলনালার অভ্যন্তরে বহুসংখ্যক গুহা ছিল। রাজধানীর সমীপবর্তী এই সকল নিভৃত ও রমণীয় গিরিগহ্বর অসংখ্য সাধুর সাধনভূমি হইয়া উঠিয়াছিল। মহামতি সিদ্ধার্থ এখানকার একটি গুহায় আশ্রয় গ্রহণ করিলেন।

সমগ্র মানবজাতির কল্যাণকামনার সুমহানু ভাব সিদ্ধার্থের চিত্ত অধিকার করিয়াছিল। কি উপায়ে মানবের দুঃখ দূর করিবেন, কি উপায়ে মুক্তিলোক আবিষ্কার করিবেন, নিৰ্জ্জনে তিনি তাহাই ভাবিতে লাগিলেন। এইখানে সিদ্ধার্থ একক ও অসহায় হইলেন।

বুদ্ধের জীবন ও বাণী

ভিক্ষা করিয়া তাঁহাকে তুলা সংগ্রহ করিতে হইত—নিজের হাতে তাঁহাকে আপনার আহাৰ্য্য প্রস্তুত করিতে হইত। মনকে দৃঢ় করিয়া তিনি আজন্মের বিলাস বিসর্জন করিলেন।

উদরান্নসংগ্রহের জন্ত সিদ্ধার্থকে নগরে ভ্রমণ করিতে হইত। তাঁহার রমণীয় শাস্তোজ্জ্বল মূর্তি নগরবাসীদিগকে বিম্বিত করিয়াছিল—তাঁহার মুখকান্তি দেখিয়া সকলে ভক্তিতে বিহ্বল হইত। ভৃত্যদের মুখে এই অপূৰ্ণ তরুণ সাধুর খ্যাতি শুনিয়া মগধরাজ বিম্বিসার সিদ্ধার্থের সহিত দেখা করেন। তাঁহার পরিচয় পাইয়া রাজা আশ্চর্য্যান্বিত হইলেন এবং তাঁহাকে কঠোর সন্ন্যাসব্রত ত্যাগ করিয়া সংসারধর্ম-গ্রহণের জন্ত মনির্বন্ধ অনুরোধ করিলেন। বলা বাহুল্য, সিদ্ধার্থের মন আর ভোগবিলাসের দিকে ফিরিল না।

সিদ্ধার্থ লোকমুখে শুনিতে পাইলেন, বৈশালীতে আকাড়কালানামক জনৈক শাস্ত্রজ্ঞ সুপণ্ডিত ঋষি হিরণ্যবতী নদী তীরে বাস করেন। এই ঋষির তিন শত শিষ্য আছে। সিদ্ধার্থ ইহার শিষ্যত্ব স্বীকার করিলেন। এখানে তিনি কিছুকাল চর্চা করেন অত্যুগ্র প্রতিভাবলে অল্পদিনের মধ্যেই তিনি গুরুর জ্ঞাত সর্ববিদ্যা আয়ত্ত করিলেন কিন্তু যে মুক্তিলোকের সন্ধানে তিনি যৌবনে গৃহত্যাগ করিয়া ভিখারী হইয়াছেন, তাহারা কোনো গাঁজই পাইলেন না।

অতঃপর এক শৈলগুহায় রামপুত্র রুদ্রকের সহিত তাঁহার দেখা হয়। এই সুপণ্ডিত শাস্ত্রজ্ঞ ঋষি সাত শত শিষ্যকে শাস্ত্রাভ্যাস করাইতেন। শিষ্যত্ব স্বীকার করিয়া সিদ্ধার্থ কিছুকাল ইহার নিকটে শাস্ত্র পাঠ করেন। অল্পকাল-মধ্যেই তিনি গুরুর সমকক্ষতা লাভ করিলেন। রুদ্রক এই প্রতিভাশালী শিষ্যকে তাঁহার আশ্রমে রাখিয়া

ছাত্রদের অধ্যাপকত্ব গ্রহণ করিতে অনুরোধ করেন। কিন্তু সিদ্ধার্থের মন সেই অনুরোধ রক্ষা করিতে সম্মত হইল না। তিনি স্পষ্টই বুঝিলেন যে, তাঁহার গুরু তাঁহাকে কিঞ্চিৎ শাস্ত্রজ্ঞান দান করিয়াছেন বটে, কিন্তু মুক্তির যে উদার পন্থা আবিষ্কারের জন্ত তিনি আত্মোৎসর্গ করিয়াছেন, তাহা গুরুর অধিগম্য নহে। অগত্যা তিনি তাঁহার আশ্রম ত্যাগ করিলেন। আধ্যাত্মিক সত্যানুধানের জন্ত সিদ্ধার্থের ঐকান্তিক অনুরাগ দেখিয়া রুদ্রকের পাঁচজন শিষ্য তাঁহার অনুগামী হইলেন। ইহাদের নাম কৌণ্ডিন্য, অশ্বজিৎ, ভদ্রিক, বপ্র ও মহানাম।

দৈহিক সুখভোগের লালসা সাধনার পথে বিঘ্ন উপস্থিত করিয়া থাকে; এই জন্ত কৃচ্ছ্রসাধনা দ্বারা দেহকে নিপীড়িত করিবার অস্বাভাবিক উপায় অবলম্বন করা এক সময়ে ভারতবর্ষে প্রবল হইয়া পড়িয়াছিল। সিদ্ধার্থ মনে মনে সংকল্প করিলেন যে, কঠোর তপশ্চর্যা দ্বারা তিনি ইন্দ্রিয়গুলিকে দমন করিয়া নিজের মনকে বাসনামুক্ত করিবেন, এবং তাহা হইলেই তিনি দুঃখের হাত এড়াইয়া পরম শান্তি লাভ করিতে পারিবেন। তিনি বুঝিলেন যে, শাস্ত্র অধ্যয়ন বা শ্রবণ করিয়া সত্যলোক লাভ করা যায় না, একমাত্র সাধনার দ্বারা ইহা লাভ করা যাইতে পারে। স্মরণে অবিলম্বে তিনি অনুকূল ক্ষেত্রের সন্ধান বাহির হইলেন। ভ্রমণ করিতে করিতে তিনি गयाশীর্ষ শৈলের সমীপে উপস্থিত হইলেন। ইহার সন্নিকটে নৈরঞ্জনা ও মহানদী ফল্গুর সহিত মিশ্রিত হইয়াছে। কিয়দূর অগ্রসর হইয়া উরবিল্ল গ্রামে প্রবেশ করিলেন। তথাকার নৈসর্গিক শোভা তাঁহার চিত্ত স্পর্শ করিল। স্বচ্ছসলিলা নৈরঞ্জনার

বুদ্ধের জীবন ও বাণী

পবিত্র তীরে সিদ্ধার্থ ছয়-বৎসর কাল কঠোর সাধনায় প্রবৃত্ত
রহিলেন ।

পঞ্চম অধ্যায়

—:~:—

সাধনা ও বোধিলাভ

মহাপুরুষদের বিশেষত্ব এই যে, তাঁহারা মনুষ্যত্বকে মনোমোহন
নব শ্রী দান করিয়া থাকেন । শরীর যেমন জলের সহিত সর্বতো-
ভাবে গলিয়া-মিশিয়া জলকে মধুর করে, মহাপুরুষেরাও তেমনি
মানবজাতির সাধনাসমুদ্রে তাঁহাদের জীবনের সাধনার ধারা
মিশাইয়া দিয়া মানবসাধনাকে নবীন গৌরব দান করেন । একনিষ্ঠ
সাধনার দ্বারা মানব আপনার চরম সাফল্য নিজের চেষ্টাতেই অর্জন
করিতে পারেন ; মানব আপনিই আপনার ভাগ্যানিগ্ৰহা এবং
আপনিই আপনার উদ্ধারকর্তা ; মুক্তিলাভের জন্ত তাঁহার দ্বিতীয়
কোন অবলম্বনের প্রয়োজন নাই—মহাপুরুষ সিদ্ধার্থের সাধনা
মানবত্বকে এই গৌরবমুকুট পরাইয়া দিয়াছে ।

সিদ্ধার্থ যে সাধনায় বিজয়ী হইয়া মানবত্বের শিরে এই গৌরব-
মুকুট পরাইয়াছেন, সেই সাধনাপ্রণালী নির্ধারণ করিতে তাঁহাকে
বহু সংগ্রাম করিতে হইয়াছে । তিনি শাস্ত্রের আশ্রয় ত্যাগ করিয়া,
গুরুদের আশ্রয় ত্যাগ করিয়া, আপনিই আপনার অবলম্বন হইলেন ।

মন হইতে বাসনার শর তুলিয়া ফেলিবার জ্ঞান অনলস হইয়া কৃষ্ণ-সাধনার প্রবৃত্ত হইলেন। তাঁহার সাধু চেষ্টা ও চিত্তের কৃতা-দেখিয়া পঞ্চশিখ বিস্মিত হইলেন। কঠোর যোগী বলিয়া সিদ্ধার্থের খ্যাতি দেশদেশান্তরে পরিব্যাপ্ত হইল। তিনি দেহের দিকে কিছু-মাত্র আশ্রয় না করিয়া যোগাসনে উপবিষ্ট হইয়া সর্বজীবের হুঃখ দূর করিবার জ্ঞান মনন ও ধ্যান করিতে লাগিলেন। জন্মমৃত্যুর সমুদ্র অতিক্রম করিয়া নির্বাণলাভের জ্ঞান তিনি কঠোর যোগ দ্বারা দেহ ও মনকে সংযত করিতে লাগিলেন। আহারের মাত্রা হ্রাস প্রাপ্ত হইতে২ একটিমাত্র তণ্ডুলকণায় আসিয়া দাঁড়াইয়াছিল! একদিন নয়, দুই দিন নয়, এক মাস নয়, দুই মাস নয়, স্তূর্দীর্ঘ ছয় বৎসর-কাল এইপ্রকার কঠোর সাধনা চলিতেছিল। কত রৌদ্র, কত বৃষ্টি, কত শীত, কত গ্রীষ্ম, তাঁহার মাথার উপর দিয়া চলিয়া গিয়াছিল, সিদ্ধার্থ তাহা জানিতেও পারেন নাই। তাঁহার দেহের দিবাকান্তি বিলুপ্ত হইল, দৃঢ় বলিষ্ঠ বিশালবপু কঙ্কালে পরিণত হইল।

কিন্তু এত ক্লেশ ও এত যাতনা স্বীকার করিয়াও সিদ্ধার্থ তাঁহার চিরবাহিত বোধিলাভ করিতে পারিলেন না। তাঁহার চিত্তের ব্যাকুলতা কিছুতেই দূর হইল না। তিনি পরিশেষে এই সিদ্ধান্তে উপনীত হইলেন যে, কৃষ্ণ-সাধনা দ্বারা বাসনার অগ্নি নির্বাপিত হইতে পারে না, এবং ইহা দ্বারা সত্যের বিমল আলোক লাভের আশাও দুরাশামাত্র। একদা একটি জম্বুতরুতলে উপবিষ্ট হইয়া সিদ্ধার্থ তাঁহার মনের অবস্থা এবং কৃষ্ণ-সাধনার ফলাফল-বিচারে প্রবৃত্ত হইলেন। তিনি ভাবিলেন—“আমার দেহ ক্ষীণ ক্ষীণতর হইয়াছে; উপবাস দ্বারা আমি কঙ্কালে পরিণত হইলাম, কিন্তু

বুদ্ধের জীবন ও বাণী

তথাপি নির্বাপলোকের ত কোন সংবাদ পাইলাম না। আমার অবলম্বিত এই কুচ্ছ সাধনার পন্থা কিছুতেই আধ্যাত্মিক হইতে পারে না। অতএব এক্ষণে উপযুক্ত পানাহার দ্বারা দেহকে বলিষ্ঠ করিয়া মনকে অহুসন্ধানে নিযুক্ত করা কর্তব্য।”

এইরূপ সিদ্ধান্তে উপস্থিত হইয়া তিনি নৈরঞ্জনার নির্মল নীরে অবগাহন করিয়া স্নান করিলেন; তাঁহার শরীর এমন দুর্বল হইয়া পড়িয়াছে যে, স্নানান্তে চেষ্টা করিয়াও নিজের শক্তিতে তীরে উঠিতে পারিতেছেন না। অবশেষে নদীবক্ষে অবনত একটি বৃক্ষশাখা ধরিয়া তিনি কূলে উঠিলেন।

সিদ্ধার্থ আপন কুটারের দিকে চলিলেন। পথিমধ্যে বনপথে তিনি সংজাহীন হইয়া ভূতলে পড়িয়া গেলেন। পঞ্চ শিষ্য মনে করিলেন, সিদ্ধার্থের মৃত্যু ঘটিয়াছে। কুচ্ছ সাধনার প্রতি সিদ্ধার্থ বীতশ্রদ্ধ হইয়াছেন বটে, কিন্তু তিনি কোন্ সাধনাপ্রণালী অবলম্বন করিবেন ভাবিয়া স্থির করিতে পারিতেছেন না। ভাবনার পর ভাবনার তরঙ্গ উঠিয়া সিদ্ধার্থের সংশয়াকুল চিত্ত দোলাইতে লাগিল। এই সময়ে তিনি একদিন নিদ্রিত অবস্থায় স্বপ্নে দেখিলেন—“দেবরাজ ইন্দ্র একটি ত্রিতন্ত্রী হস্তে লইয়া তাঁহার সম্মুখে উপস্থিত হইয়াছেন; উহার একটি তার অতি দৃঢ়রূপে বাঁধা ছিল। তাহাতে আঘাত করিলামাত্র শক্তিকটু বিকৃত সুর বাহির হইল; অতঃপর একটি তার নিতান্ত শিথিল ছিল, উহা হইতে কোন সুরই নির্গত হইল না। মধ্যবর্তী তারটি না-শিথিল না-দৃঢ় এমনই ভাবে যথাযথরূপে বাঁধা ছিল; সেই তারটিতে ঘা পড়িলামাত্র মধুর সুরে চারিদিক পূর্ণ হইয়া উঠিল।”

নিদ্রাভঙ্গে সিদ্ধার্থের হৃদয় মৃত্যুর বিমল জ্যোতির আবির্ভাবে পূর্ণ হইল। সাধনার উদার মধ্য পস্থা তাঁহার মনশ্চকুতে প্রত্যক্ষ হইল। ভোগবিলাস ও কৃচ্ছ্র সাধনার মধ্যবর্তী সত্যমার্গ অবলম্বন করিয়া তিনি বোধিলাভের জন্ম স্থিরসংকল্প হইলেন।

নিষ্ফল কঠোর সাধনায় স্বাস্থ্য ভগ্ন হইয়াছে বলিয়া সিদ্ধার্থ চিন্তিত হইলেন। তিনি বুঝিয়াছেন, বলিষ্ঠ দেহ এবং বলিষ্ঠ মন বোধিলাভের পক্ষে অনুকূল। দেহকে সবল করিয়া মনকে জাগ্রত করিয়া তিনি নবীন সাধনায় পুনর্ব্বার প্রবৃত্ত হইবেন, স্থির করিলেন। এই সংকল্পে উপস্থিত হইয়া তিনি একদিন শেষ রজনীতে স্নানান্ত শুচি হইয়া একটি সুপরিস্ফুট তরুমূলে ধ্যান উপবিষ্ট হইলেন।

সমীপবর্তী সেনান্নিগ্রামে এক ধনবান্ বণিকের পুণ্যবতী দুহিতা স্নজাতা বহু সাধনার ফলে একটি পুত্রলাভ করিয়া স্বর্ণ-পাত্রে পায়স লইয়া একদিন বনদেবতার পূজা দিতে আসিলেন। তাঁহার একটী দাসী অগ্রে অগ্রে আসিতেছিল। তরুমূলে উপবিষ্ট ক্ষীণাঙ্গ সিদ্ধার্থের ধ্যানসুন্দর মুগের অপূৰ্ণ জ্যোতিঃ দেখিয়া সে বিস্মিত হইল এবং দৌড়িয়া গিয়া স্নজাতাকে জানাইল যে, দেবতা প্রসন্ন হইয়া তাঁহার ভক্তিঅর্ঘ্য গ্রহণ করিবার জন্ম সশরীরে অবতীর্ণ হইয়াছেন। হৃষ্টচিত্ত স্নজাতা দ্রুতপদে তরুমূলে উপস্থিত হইয়া শ্রদ্ধাবিকম্পিত করে দেবতার হস্তে পায়সান্নের পাত্র প্রদান করিলেন। “তোনার কামনা পূর্ণ হউক” বলিয়া সিদ্ধার্থ তাঁহার মহৎ দান গ্রহণ করিলেন। সুস্বাদ পায়সান্ন ভোজন করিয়া তাঁহার দুর্ব্বল দেহে বলের সঞ্চার হইল। তিনি

বুদ্ধের জীবন ও বাণী

মধুর কণ্ঠে সৃজাতাকে কহিলেন—“ভদ্রে, আমি দেবতা নই, তোমারই মত মানুষ, তোমার মঙ্গল হস্তের মহৎ দান আজ আমার প্রাণরক্ষা করিল, মনে নবীন উৎসাহের সঞ্চার করিয়া দিল। আমি যে সত্যের সন্ধানে রাজ্যসুখ ছাড়িয়া সম্যাসী হইয়াছি, তোমার এই অন্ন সেই সত্যলাভের সহায় হইল। আমার মনে আজ দৃঢ় ধারণা হইয়াছে যে, আমি সেই সত্যলাভ করিয়া কৃতার্থ হইতে পারিব। তোমার কল্যাণ হউক।”

এই ঘটনার পরে সিদ্ধার্থ নিয়মিত পামাহারে প্রবৃত্ত হইলেন। তাঁহার এই পরিবর্তন পঞ্চ শিশুর মনে গভীর সন্দেহের সঞ্চার করিল। তাঁহারা ভাবিলেন, সিদ্ধার্থ তাঁহার জীবনের মহৎ উদ্দেশ্য বিস্মৃত হইয়া সাধনার সত্য পথ হইতে দূরে সরিয়া যাইতেছেন। এতদিন তাঁহারা যাহাকে গুরু বলিয়া মানিয়াছেন, এখন তাঁহারা তাঁহাকে ত্যাগ করিয়া চলিলেন। বিমুখ শিষ্যদের এই শ্রদ্ধাহীনতা সিদ্ধার্থকে পীড়িত করিল; অন্তরের সেই বেদনা কাড়িয়া ফেলিয়া তিনি প্রশান্তচিত্তে একাকী মহাসাধনায় প্রবৃত্ত হইবার জ্ঞাত প্রস্তুত হইলেন।

নৈরাশ্রের মেঘ কাটিয়া যাওয়ায় সিদ্ধার্থের চিত্ত আনন্দে ভরিয়া উঠিল। তাঁহার হৃদয়ের আনন্দে বিশ্বপ্রকৃতি প্রসন্নমূর্তি ধারণ করিল। তিনি যখন মৃচ্ছলগমনে বোধিদ্রুমের দিকে অগ্রসর হইতেছিলেন, তখন তাঁহারই আনন্দপুলকে পদতলে ধরিয়া যেন শিহরিয়া উঠিতেছিলেন। আপনার মহাসাধনার সফলতাসম্বন্ধে সন্দেহের শেষ রেখাটুকু পর্য্যন্ত যখন নিঃশেষে দূর হইল, তখন সিদ্ধার্থ অন্তর ও বাহির হইতে ক্রমাগত আশার বাণী শুনিতে লাগিলেন।



বুদ্ধগয়া'র মন্দির

অন্তর ও বাহির তাঁহাকে আহ্বান করিয়া যেন ইহাই বলিতেছিল,—
“হে সাধক, হে বরেণ্য, সিদ্ধিলাভের মাহেন্দ্রক্ষণ সমাগতপ্রায়,
তুমি মহাসাধনায় সিদ্ধিলাভ করিয়া কল্যাণের আকর নির্বাণ
আবিষ্কার কর।”

স্বিদ্ধ শ্রামল সন্ধ্যাকালে সিদ্ধার্থ বোধিগ্রন্থমূলে নবীন তৃণ
বিছাইয়া সমাসীন হইলেন। সাধনায় প্রবৃত্ত হইবার পূর্বেই তিনি
সঙ্কল্প করিলেন—

ইহাসনে শুশ্রুতু মে শরীরঃ
ত্বগস্থি মাংসং প্রলয়ঞ্চ যাতু ।
অপ্রাপ্য বোধিং বহুকল্পতুল্যভাং
নৈবাসনাং কায়মতশ্চলিষ্যতে ॥

এই আসনে আমার শরীর শুকাইয়া যায় যাক্, ত্বক্, অস্থি,
মাংস, ধ্বংস প্রাপ্ত হয় হউক, তথাপি বহুকল্পতুল্যভ বোধিলাভ না
করিয়া আমার দেহ এই আসন ত্যাগ করিয়া উঠিবে না ।

পুরুষসিংহ সিদ্ধার্থ সঙ্কল্পের বশে আবৃত্ত হইয়া সাধনসময়ে
প্রবৃত্ত হইলেন। শুদ্ধ ও নিষ্পাপ হইবার জন্ত তিনি আপনার
অন্তরের অন্তরতম প্রদেশের প্রস্রুপ্ত পাপলালসাগুলি উৎপাটিত
করিয়া ফেলিবার নিমিত্ত যুদ্ধ করিতে লাগিলেন। নির্বাণের পূর্বে
দীপশিখা যেমন দাউ দাউ করিয়া জলিয়া উঠে, সিদ্ধার্থের পাপ-
লালসাগুলি চিরকালের জন্ত নির্বাপিত হইবার পূর্বে অল্প সময়ের
জন্ত তেমনি আর একবার প্রদীপ্ত হইয়া উঠিল। এই বিদ্রোহী পাপ-
সমূহের সহিত তাঁহার অন্তরে যে, তুমুল কুরুক্ষেত্রের যুদ্ধ ঘটিয়াছিল,
বিবিধ কাব্যে ও ধর্মগ্রন্থে তাহার চমৎকার রূপক বর্ণনা রহিয়াছে ।

বুদ্ধের জীবন ও কাণী

পাপবাহিনীর সহিত সিদ্ধার্থের সেই সংগ্রামের বর্ণনা পাঠ করিলে মৃতকল্প ব্যক্তির হৃদয়েও অপূৰ্ণ বলের সঞ্চার হয়। নানা প্রলোভন দেখাইয়া কামলোকের অধিপতি মার সিদ্ধার্থকে প্রলুব্ধ করিতে উদ্যত হইবামাত্র তিনি স্তব্ধ কণ্ঠে বলিলেন :—

মেরু পর্বতরাজ স্থানতু চলেৎ সৰ্ব্বঃ জগন্মোভবৎ
সৰ্ব্বে তারকসজ্জ ভূমি প্রপেতৎ সজ্জ্যোতিষেন্দ্রা নভাৎ ।
সৰ্ব্বে সত্ত্ব করেয় একমতয়ঃ শুশ্রোমহাসাগরো
নশ্বেব দ্রুমরাজ মূলোপগতশ্চাল্যেত অশ্বদ্বিধঃ ॥

যদি পর্বতরাজ মেরু স্থানচ্যুত হয়, সমস্ত জগৎ শূন্যে মিশিয়া যায়, সমস্ত নক্ষত্র জ্যোতিষ্ক ও ইন্দ্রের সহিত আকাশ হইতে ভূমিতে পতিত হয়, বিশ্বের সকল জীব একমত হয় এবং মহাসাগর শুকাইয়া যায়, তথাপি আমাকে এই দ্রুমমূল হইতে বিন্দুমাত্র বিচলিত করিতে পারিবে না।

একে একে নানা পাপ প্রলোভন সিদ্ধার্থকে প্রলুব্ধ করিতে চেষ্টা করিল। কিন্তু তাঁহার অবিচলিত চিত্তের অনিত বিক্রম তাহাদের সকল চাতুরী ব্যর্থ করিয়া দিল। অবশেষে স্বয়ং মার নানা আয়ুধে সজ্জিত হইয়া সন্মুখসংগ্রামে অগ্রসর হইল। পুরুষ-সিংহ সিদ্ধার্থ বজ্রগস্তীর কণ্ঠে কহিলেন “ভূমি একাকী কেন” :—

সৰ্কেয়ঃ ত্রিসাহস্র মেদিনী যদিমারৈঃ প্রপূর্ণা ভবেৎ
সৰ্কেষাঃ যথ মেরু পর্বতবরঃ পানীষু খড়্গো ভবেৎ ।
তে মহাঃ ন সমর্থ লোম চালিতুঃ প্রাগেব মাং যাতিতুঃ
কুৰ্ব্বাচ্চাপি হি বিগ্রহে স্ম বশ্মিতেন দৃঢ়ঃ ॥

এই তিন সহস্র মেদিনী যদি মারদ্বারা প্রপূর্ণ হয়, প্রত্যেক

মারের হস্তের খড়্গ যদি পৰ্ব্বতবর মেরুর ন্যায় প্রকাণ্ড হয়, তথাপি
বিগ্রহে দৃঢ়বর্ষিত আমাকে পরাস্ত করা দূরে থাকুক, একবিন্দু
টলাইতেও পারিবে না।

মার পলায়ন করিল। সকল বাসনা, সকল সংস্কার হইতে
মুক্তিলাভ করিয়া সিদ্ধার্থের চিত্ত সত্যের বিমল আলোকে পরিপূর্ণ
হইল। সাধনায় সিদ্ধিলাভ করিয়া তিনি এখন “বুদ্ধ” হইলেন।
তাঁহার মনঃচক্ষুর সম্মুখে জীবের যাবতীয় দুঃখের মূলীভূত কারণ
প্রকাশিত হইল। তিনি ভাবিলেন—“মানব যখন জ্ঞানদৃষ্টির
দ্বারা অমঙ্গল কর্মের ফলাফল প্রত্যক্ষ করে, তখনই সে বাসনার
আক্রমণহইতে অব্যাহতি লাভ করে। ভোগলালসা হইতেই
দুঃখের উৎপত্তি হইয়া থাকে। বাসনাবিলোপের পূর্বে মৃত্যু
ঘটিলেও মানব শান্তিলাভ করিতে পারে না। কারণ তাহার
বাঁচিয়া থাকিবার কামনা থাকিয়া যায় এবং তাহাকে পুনঃ পুনঃ
জন্মগ্রহণ করিতে হয়।

বুদ্ধদেব জ্ঞানেন্ত্রে দেখিলেন “ধর্ম্মই সত্য, ধর্ম্মই পবিত্র বিধি,
ধর্ম্মই জগৎ বিধৃত হইয়া আছে এবং একমাত্র ধর্ম্মই মানব ভ্রান্তি
পাপ এবং দুঃখ হইতে মুক্তিলাভ করিতে পারে।”

তাঁহার প্রজ্ঞানেত্রের সম্মুখে জন্ম মৃত্যুর সকল বহস্ত উদ্ঘাটিত
হইল। তিনি বুঝিলেন, দুঃখ, দুঃখের কারণ, দুঃখের নিরোধ এবং
দুঃখনিরোধের উপায় এই চারিটি আর্থা সত্য—অর্থাৎ (১) জন্মে
দুঃখ, জরা ব্যাধি মৃত্যুতে দুঃখ, অপ্রিয়ের সহিত মিলনে দুঃখ, প্রিয়ের
সহিত বিচ্ছেদে দুঃখ; (২) তৃষ্ণা হইতেই দুঃখের উৎপত্তি হইয়া
থাকে; (৩) তৃষ্ণার নিবৃত্তি হইলেই দুঃখের নিরোধ ঘটে;

বুদ্ধের জীবন ও বাণী

(৪) এই হৃৎকনিবৃত্তির উপায় আটটি, যথা—সম্যক্ দৃষ্টি, সম্যক্ সঙ্কল্প, সম্যক্ বাক্, সম্যক্ কৰ্ম্মাস্ত, সম্যগাজীব, সম্যক্ ব্যায়াম, সম্যক্ শ্রুতি ও সম্যক্ সমাধি ।

ষষ্ঠ অধ্যায়

—:~:—

বুদ্ধ ও তাঁহার পঞ্চ শিষ্য

যুক্তির বিনশ্চ আনন্দে বুদ্ধের অন্তর পূর্ণ হইল । যে বনস্পতি-মূলে তিনি বুদ্ধত্ব লাভ করিয়াছেন, তথায় একাকী তিনি সাত সপ্তাহ তাঁহার নবলব্ধ অমৃত-উৎসের রসধারা নীরবে সম্ভোগ করিলেন ।

বুদ্ধদেব এখন বিশ্বব্যাপী আনন্দ ও অমৃতের আশ্বাদন পাইয়াছেন । সকল সংস্কার ও সকল বাসনার বিলোপ দ্বারা তিনি নির্মল আনন্দ ও শাশ্বত জীবনলাভ করিয়াছেন ।

নির্ব্যাণের এই মঙ্গলবাণী তিনি কেমন করিয়া সকলের বোধগম্য করিবেন, ইহাই এখন তাঁহার ভাবিবার বিষয় হইল । বাঁহার মন হইতে অহংবুদ্ধি নিঃশেষে দূরীভূত হয় নাই, তিনি কোনমতেই পরিপূর্ণ শান্তি লাভ করিতে পারেন না ; এই বুদ্ধিই সমস্ত পাপ, সমস্ত অকল্যাণ, সমস্ত ভ্রান্তির উৎস । একথণ্ড মেঘ যেমন বৃহৎ সূর্য্যকে দৃষ্টির আড়াল করিয়া দেয় অহংবুদ্ধি তেমনি বিশ্বব্যাপী আনন্দকে অদৃশ্য ও অবোধ্য করিয়া রাখে ।

বুদ্ধ ভাবিলেন—“আমি যে মহাসত্য লাভ করিয়াছি, যদি তাহা সাধারণের মধ্যে প্রচার না করি, তাহা হইলেই ইহা দ্বারা জীবের কি লাভ হইল ? হৃৎথের কাঁদে পড়িয়া যাহারা জন্মজন্মান্তর কঠোর সংগ্রাম করিতেছে এবং তৎসঙ্গে অশেষ যাতনা ভোগ করিতেছে আমার তাহাদিগকে নির্কারণের বাণী শুনাইতে হইবে। সর্ব হৃৎথ-নির্কাপক এই বাণী একবার তাহাদের চিত্ত স্পর্শ করিলেই, তাহারা পরম শান্তি লাভ করিতে পারিবে।”

বুদ্ধের চিত্তে সময়ের জ্ঞান সংশয় উপস্থিত হইল। তিনি ভাবিলেন, যাহারা তৃষ্ণায় অভিভূত, তাহারা আমার এই জ্ঞানগম্য গভীর ধর্ম বুঝিবে না। তাহাদের চঞ্চলবুদ্ধি জগতের কার্য কারণের নিয়ম, সংস্কার ও উপাধির নিরোধ, সংযম এবং নির্কারণ ধারণা করিতে পারিব না। সুতরাং এই ধর্ম প্রচার করিলে আমার চেষ্টা ব্যর্থ হইবে। একদিকে এই সংশয়, অপরদিকে জীবের প্রতি অপ্রমেয় করুণা, দুইদিক্ হইতে বুদ্ধের চিত্তকে আঘাত করিতে লাগিল। আপনার মনের মধ্যে আপনি তর্কবিতর্ক করিয়া অবশেষে তিনি এই সিদ্ধান্তে উপনীত হইলেন যে, সত্যানুগামী শ্রদ্ধাশীলদের নিকটে আমার এই মুক্তির বাণী প্রথমে প্রচার করিতে হইবে ; তাহার পরে সত্য ধীরে ধীরে আপনাকে আপনি প্রতিষ্ঠিত করিবে। কিন্তু কে সেই শক্তিশালী ব্যক্তি যিনি সর্বপ্রথমে এই নব ধর্মের পতাকা বহন করিবেন ?

প্রথমে অড়ার কালাম ও রামপুত্র রুদ্রকের কথা বুদ্ধের মনে পড়িল। কিন্তু তিনি জানিতে পারিলেন যে, তাঁহারা আর জীবিত নাই। ইহার পর পঞ্চ শিষ্যের স্মৃতি তাঁহার মনে উদ্ভিত হইল।

বুদ্ধের জীবন ও বাণী

এই শ্রদ্ধাশীল ও বিশ্বাসী পঞ্চশিষ্য একদিন গভীর ধর্মক্ষুধা মিটাইবার জন্য তাঁহার আহুগত্য স্বীকার করিয়াছিল। কিন্তু সে সময়ে বুদ্ধের অন্তরের অন্তরতম গোপন ভাঙার অমৃতাম্লে পূর্ণ হইয়া উঠে নাই; তিনি তখন তাঁহাদিগকে ক্ষুধায় অন্নদান করিতে পারেন নাই। কিন্তু এখন তাঁহার ভাঙারে যে অমৃত সঞ্চিত হইয়া উঠিয়াছে, তাহা দ্বারা পঞ্চশিষ্য কেন, সমগ্র নরনারী ভৃগুলাভ করিতে পারেন। যাহারা একদিন বিমুগ্ধ হইয়া তাঁহাকে পরিত্যাগ করিয়া গিয়াছিলেন, তিনি আর কাল বিলম্ব না করিয়া তাঁহাদের সন্ধানে মৃগদাব বা ঋষিপতনের অভিযুখে ছুটিলেন।

বুদ্ধের আগমনবার্তা পূর্বেই শিষ্যদের কর্ণগোচর হইয়াছিল। তাঁহারা কিছুতেই বুঝিতে পারেন নাই যে, সিদ্ধার্থ সাধনায় সিদ্ধি লাভ করিয়া বুদ্ধ হইয়াছেন। তাঁহাদের প্রতীতি হইল, তিনি তপোব্রষ্ট হইয়া আসিতেছেন। মনে মনে হ্রির করিয়া রাখিলেন সিদ্ধার্থকে তাঁহারা কদাচ গুরু বলিয়া শ্রদ্ধা দেখাইবেন না; কার্যতঃ কিন্তু উণ্টা ব্যাপার দাঁড়াইল। বুদ্ধদেবের প্রসন্নমুখের দিব্য জ্যোতিঃ দেখিবামাত্র তাঁহাদের সকল সংশয় দূর হইল এবং মন শ্রদ্ধায় অবনত হইয়া পড়িল। তিনি তাঁহাদের সম্মুখে উপস্থিত হইবামাত্র তাঁহারা আসন ত্যাগ করিয়া তাঁহার চরণ বন্দনা করিলেন।

বুদ্ধ কহিলেন—“প্রিয় শিষ্যগণ, কৃচ্ছ্রসাধনা ও ভোগবিলাসের আতিশয্য এই দুইয়ের মধ্যবর্তী কল্যাণময় মুক্তিবন্ধ আমি আবিষ্কার করিয়াছি। সেই নির্ঝগ লাভ করিবার উপায় আমি তোমাদিগকে দেখাইয়া দিব।” বুদ্ধদেবের তেজোময়ী বাণী শ্রবণ করিয়া শিষ্যদের

মন শ্রদ্ধায় ভক্তিতে পূর্ণ হইল। তাঁহার নবধর্মে দীক্ষিত হইবার নিমিত্ত ব্যাকুল হইয়া উঠিলেন।

অতঃপর একদিন সন্ধ্যার প্রাক্কালে ভগবান্ বুদ্ধদেব তাঁহার পাঁচ-জন শিষ্যকে লইয়া ঋষিপত্তনের অদূরবর্তী এক হ্রদের তীরে গমন করিলেন। হ্রদের একপার্শ্বে উচ্চ-টিবি রহিয়াছে। ঐ টিবির নিম্নদেশ হইতে সোপান বাহিয়া জলাশয়ে নামিতে হয়। দীক্ষার্থী শিষ্যেরা জলাশয়ে উপস্থিত হইলে বুদ্ধ কহিলেন—“বৎসগণ, তোমাদের আজিকার স্নান প্রতিদিনের স্নানের ত্যায় একান্ত সামান্য নহে, আজ তোমাদের কেবলমাত্র দেহের মলিনতা ধুইয়া ফেলিলে চলিবে না, আজ তোমাদের দেহের ও মনের সর্বপ্রকার মলিনতা ধুইয়া-মুছিয়া অন্তরে বাহিরে পবিত্র হইতে হইবে।”

স্নান শেষ করিয়া শিষ্যেরা তীরে আসিলেন। বুদ্ধদেব জিজ্ঞাসা করিলেন—“বৎসগণ, তোমাদের অন্তর ও বাহির পবিত্র হইল কি?”

শিষ্যেরা উত্তর করিলেন “হাঁ”! তখন তিনি মধুরকণ্ঠে গম্ভীর-ভাবে বলিতে লাগিলেন— বৎসগণ, সাধারণতঃ তিন শ্রেণীর শিষ্য দেখা যায়। এক শ্রেণীর শিষ্যদিগকে অধোমুখ কুস্তুর সহিত তুলনা করা যায়। অধোমুখ কুস্ত্র জলে নিমগ্ন হইয়াও ভরিয়া উঠে না, ইহাদের মনও তেমনি গুরুর উপদেশের প্রতি বিমুগ্ধ বলিয়া কখন কালেও তাঁহার উপদেশামৃতে পূর্ণ হইয়া উঠে না। ইহারা যুগের পর যুগ গুরুর সহিত বাস করিয়াও কোন সফল প্রত্যাশা করিতে পারে না। তোমরা কি এই শ্রেণীর শিষ্য হইতে চাও?” শিষ্যেরা উত্তর করিলেন—“না”। বুদ্ধ বলিতে লাগিলেন, দ্বিতীয় শ্রেণীর শিষ্যদিগকে “উৎসঙ্গবদর” নাম দেওয়া যাইতে

বুদ্ধের জীবন ও বাণী

পারে। আঁচল ভরিয়া কুল গ্রহণ করিয়া যদি কোন ব্যক্তি দেওলাকে না বাধিয়া দণ্ডায়মান হয়, তাহা হইলে তাহার ক্রোড়স্থিত আঁচলের সমস্ত কুল ভুতলে পড়িয়া যায় ; তদ্রূপ এক শ্রেণীর শিষ্যেরা গুরুগৃহে অবস্থানসময়ে গুরুর নানা গুণ বাহ্যতঃ লাভ করিয়া থাকে ; তখন তাহাদের বাক্যে, কার্যে ও ব্যবহারে স্বেজনতা প্রকাশ পাইয়া থাকে, কিন্তু গুরুর বিবিধগুণ ও উপদেশ শ্রদ্ধাপূর্বক হৃদয়ে বাধিয়া রাখিবার জন্য তাহাদের কোন চেষ্টা থাকে না বলিয়া, যখন গুরুর সঙ্গ হইতে তাহারা দূরে চলিয়া যায়, তখন তাহারা সেই ক্ষণস্থায়ী গুণগুলি উৎসঙ্গস্থিত বদরের ন্যায় হারাইয়া ফেলে। তাহাদের প্রকৃতি তখন আমূল পরিবর্তিত হইয়া থাকে। বৎসগণ ! তোমরা কি এই শ্রেণীর শিষ্য হইতে ইচ্ছা কর ?” উত্তর হইল না।”

বুদ্ধ ধীরকণ্ঠে আবার কহিলেন—“সৌম্যগণ, তৃতীয় প্রকারের শিষ্যদিগকে উর্দ্ধমুখ কুস্তুর সহিত তুলনা করা হইয়া থাকে। উর্দ্ধমুখ কুস্তুর যেমন সহজেই সলিলের মধ্যে প্রবেশ করিয়া কানায়-কানায় পূর্ণ হইয়া থাকে, এই-জাতীয় শিষ্যদের চিত্তও তেমনি অবাধে গুরুর উপদেশামৃতের মধ্যে নিমগ্ন হইয়া অমৃতরসে ভরিয়া উঠে। পূর্ণকুস্তুর বারি যেমন তৃষিত তাপিতের পিপাসা ও তাপ দূর করে, এই শ্রেণীর শিষ্যদের হৃৎকুস্তুরিত অমৃতরসও তেমনি শত শত পাপতাপ-জর্জরিত নরনারীর পাপ তাপ দূর করিয়া থাকে। তোমরা কি এই-জাতীয় শিষ্য হইতে ইচ্ছা কর ? শিষ্যেরা বিনীতভাবে দৃঢ়কণ্ঠে কহিলেন—“হাঁ।”

রাত্রির স্নিগ্ধতা ও স্তব্ধতা সর্বত্র প্রসারিত হইল। গুরুর পশ্চাৎ পশ্চাৎ শিষ্যেরা জলান্ত হইতে উচ্চ ভূমির উপরিভাগে

আরোহণ করিলেন। শ্রদ্ধানয়ন শিষ্যেরা তাঁহাদের হৃদয়পাত্রের মুখ উন্মোচন করিয়া নিঃশব্দে গুরুর সম্মুখে ধারণ করিলেন। তিনি তাঁহার সত্যধর্মের রসধারা বর্ষণ করিতে লাগিলেন।

শিষ্যেরা হৃদয় দিয়া বুঝিলেন যে, এই সত্যধর্মের আদিতে কল্যাণ, অন্তে কল্যাণ। গুরুর উপদেশে তাঁহাদের চিত্তের সমস্ত সংশয় দূর হইবামাত্র তাঁহারা (১) জগতে দুঃখের অস্তিত্ব, (২) দুঃখের উৎপত্তির কারণ (৩) দুঃখ-অতিক্রমের পন্থা এবং (৪) দুঃখ-নিবৃত্তির উপায়, এই চতুরায্য সত্যের সুস্পষ্ট উপলব্ধি করিলেন; অর্থাৎ তাঁহারা বুঝিলেন, জগতে সুখ দুঃখ আছে ইহা সত্য, দুঃখ-উদ্ভবের কারণ রহিয়াছে ইহা সত্য, দুঃখ হইতে মুক্তি লাভ করা যায় ইহা সত্য এবং দুঃখ দূর করিবার উপায় আছে, ইহাও সত্য। এই দুঃখ দূর করিবার জন্ত,—(১) সম্যক-দৃষ্টি (২) সম্যক-সঙ্কল্প (৩) সম্যক-বাক (৪) সম্যক-কর্মান্ত (৫) সম্যগাজীব (৬) সম্যক-ব্যায়াম (৭) সম্যক-স্মৃতি (৮) সম্যক-সমাধি, আষ্টাঙ্গিক সাধনা আবশ্যিক।

শিষ্যেরা বুঝিলেন দুঃখের নির্বাণ করিয়া পরমানন্দ পরমশান্তি লাভ করিতে হইলে যে সাধনা গ্রহণ করিতে হয়, তাহা প্রাণহীন বাহ্য অনুষ্ঠান নহে, সেই সাধনা গ্রহণ করিতে হইলে, সেই সাধনায় সিদ্ধিলাভ করিতে হইলে, দৃষ্টি, সঙ্কল্প, বাক্য, কর্ম, জীবিকা, ব্যায়াম, স্মৃতি, ধ্যান পবিত্র করিতে হইবে।

বিস্মিত আনন্দে বিনিদ্ৰ শিষ্যগণ সমস্ত রজনী সমস্ত হৃদয় মন দিয়া গুরুর মুখে নবধর্মের অমৃতময়ী বাণী শ্রবণ করিলেন। অরুণোদয়ে আবার সূর্য্যাত শুচি হইয়া গুরুর সহিত ঋষিপতনে

বুদ্ধের জীবন ও বাণী

ফিরিয়া আসিলেন। গুরুর নির্দেশে তাঁহারা সেইখানে একস্থানে প্রাশ্ণুপ হইয়া দণ্ডায়মান হইলেন। গুরুর চরণে মস্তক অবনত করিয়া তাঁহারা গুরুকে এবং তাঁহার উপলব্ধ মহাসত্যকে মানিয়া লইলেন। উত্তরকালে রাজর্ষি অশোক এই পবিত্র ভূমিতে নানা কারুকার্য-খচিত একটি মনোহর স্তূপ নির্মাণ করেন। এই স্তূপটি অব্ধা “সারনাথ স্তূপ” নামে খ্যাত।

সপ্তম অধ্যায়

—:~:—

নবধর্মের প্রচার ও ব্যাপ্তি

পঞ্চ শিষ্যের মধ্যে কোণ্ডিষ্ঠ প্রথমে নবধর্মের নিগূঢ় তাৎপর্যের সমাক উপলব্ধি করেন। ক্রমে অল্প চারিজনও এই সর্ব্ব দুঃখ-নির্ব্বাপক কল্যাণময় ধর্ম্ম হৃদয়ঙ্গম করিলেন। তাঁহারা যখন সর্ব্বাস্তঃকরণে এই ধর্ম্মের সার সত্য স্বীকার করেন, তখন বুদ্ধ তাঁহাদিগকে সম্বোধন করিয়া বলিলেন—“ভিক্ষুগণ, সদধর্ম্ম গ্রহণ করিয়া তোমরা নবজন্ম লাভ করিয়াছ, তোমরা পরস্পরকে সহোদর বলিয়া জানিও, প্রেমে তোমরা এক হও, পবিত্রতায় তোমরা এক হও, সত্যের প্রতি অবিচলিত নিষ্ঠায় তোমরা এক হও।”

সমগ্র সঙ্কল্প গ্রহণ করিয়া মানুষ যখন একাকী সত্যসাধনায়



সাবনাথ স্তূপ

প্রবৃত্ত হয়, তখনও সে মধ্য মধ্যে দুর্বল হইয়া পড়ে, তখনও তাহার সত্যপথ হইতে ভ্রষ্ট হইবার আশঙ্কা থাকে ; তজ্জন্ত তোমরা পরস্পরের সহায় হইও, সহানুভূতি দ্বারা একে অন্নের সাধু চেষ্টার আনুকূল্য করিও । তোমাদের ভ্রাতৃবন্ধন পবিত্র হউক; তোমাদের এই “সংঘ” শ্রদ্ধাবান্দিগের মিলনভূমি হউক ।”

এই সময়ে একদিন যশনামক কাশীধামের এক ধনবান্ বণিকের পুত্র সংসারে বীতরাগ হইয়া গোপনে রাত্রিকালে পিতৃগৃহ হইতে পলায়ন করেন । ঋষিপুত্রে যেখানে ভগবান্ বুদ্ধদেব বাস করিতে ছিলেন যুবক তাহারই সন্নিকটে আগমন করিয়া বলিয়া উঠিলেন— “অহো, কি উপদ্রব ! কি উপসর্গ !” বুদ্ধ স্নেহকণ্ঠে কহিলেন, এখানে উপদ্রব নাই, কোন উপসর্গ নাই । তুমি আমার নিকটে আইস, আমি তোমাকে ধর্মশিক্ষা দিব । যুবক বুদ্ধের সমীপে গমন করিয়া উপবেশন করিলেন, বুদ্ধ তাঁহাকে চুঃখনিবৃত্তির মঙ্গলবাণী শুনাইলেন । বশের জ্ঞাননেত্র প্রস্ফুটিত হইল ; তিনি গভীর মাদুনা লাভ করিয়া বুদ্ধের চরণে আপনাকে সমর্পণ করিলেন ।

ধনীর পুত্র যশ মূল্যবান্ নানা অলঙ্কারে বিভূষিত ছিলেন বলিয়া লজ্জা অনুভব করিতেছিলেন । বুদ্ধ বলিলেন—“বৎস, ধর্ম বাহিরের ব্যাপার নহে, ইহা মন হইতে উৎপন্ন হয় । মহামূল্য পরিচ্ছদে ভূষিত ব্যক্তিও আপনার প্রবৃত্তিগুলি জয় করিতে পারেন ; আবার গৈরিকধারী শ্রমণের চিত্তও সাংসারিক ভোগবিলাসের মধ্যে নিমগ্ন থাকিতে পারে । সন্ন্যাসী ও গৃহী এই দুইয়ের মধ্যে কোন প্রভেদ নাই । যিনি আপনার অহংবোধকে নির্বাসিত করিতে পারেন, তিনিই কল্যাণময় সত্য লাভ করিয়া থাকেন ।”

বুদ্ধের জীবন ও বাণী

যশের পিতা পুত্রের সন্ধানে আসিয়া বুদ্ধের মধুর উপদেশ শ্রবণে মুগ্ধ হইলেন। তিনি প্রথমে বুদ্ধের গৃহশিষ্য হইলেন। যশ আর সংসারে ফিরিলেন না, তিনি নবধর্মের দীক্ষিত হইয়া সংঘে যোগদান করিলেন।

অল্পদিন মধ্যে বুদ্ধের খ্যাতি চারিদিকে ব্যাপ্ত হইয়া পড়িল; তাঁহার মুখে মধুর ধর্মকথা শুনিবার জন্য দলে দলে লোক আসিতে লাগিল। শাস্তিপ্রদ নির্ঝগলাভের জন্য কেহ কেহ প্রচলিত ধর্ম-মত ত্যাগ করিয়া নবধর্ম গ্রহণ করিল। কয়েক মাস মধ্যে বুদ্ধের শিষ্যসংখ্যা বাট হইল। তিনি সমস্ত বর্ষা ঋতু শিষ্যদের লইয়া নব-ধর্মের তত্ত্ব আলোচনা করিলেন। সত্যাশ্রমী শ্রদ্ধালুগণের চিন্তে এই ধর্মের মঙ্গলবাণী চিরদিনের জন্য মুদ্রিত হইয়া গেল। বর্ষান্তে বুদ্ধ শিষ্যদিগকে কহিলেন—“ভিক্ষুগণ, বহুজনের হিতের জন্য বহু-জনের স্ত্রের জন্য লোকের প্রতি অনুকম্পা করিয়া এই আদি-কল্যাণ, মধ্যকল্যাণ, অন্তকল্যাণ নবধর্মের নির্ঝগবাণী তোমা-দিগকে দেশে দেশে দিকে দিকে প্রচার করিতে হইবে। তোমরা একদিকে দুইজন যাইও না। কামনার ধূলিজাল যাহাদের মন-শচক্ষু আচ্ছন্ন করে নাই, তাহারা অনায়াসে এই ধর্মের সত্য প্রত্যক্ষ করিবে। অমৃতের স্বাদ পাইলে মানব প্রবৃত্তির দাসত্ব ত্যাগ করিয়া নির্ঝগপথের যাত্রী হইবে। তোমরা অকুণ্ঠিত উৎসাহের সহিত মানবের ঘরে ঘরে পরিত্রাণের শুভবাণী প্রচার কর।”

বুদ্ধ স্বয়ং ধর্মপ্রচারোদ্দেশে উরুবিল্বের অভিমুখে যাত্রা করিলেন। শিষ্যেরাও গুরুর আদেশ শিরোধার্য্য করিয়া বিভিন্নদিকে প্রচারের জন্য বাহির হইলেন। উরুবিল্ব তখন জটিল সম্প্রদায়ভুক্ত অশ্বি-

উপাসকদের প্রধান বাসভূমি ছিল। সুবিখ্যাত কাশ্যপ ইহাদের আচার্য্য ছিলেন। বুদ্ধ এই প্রবীণ আচার্য্যের ভবনে আতিথ্য গ্রহণ করিলেন। তাঁহার প্রশান্ত মুখকান্তি, মধুর ব্যবহার, সুখকর ও কল্যাণকর প্রসঙ্গ কাশ্যপকে মুগ্ধ করিল। বুদ্ধ কাশ্যপ এই প্রতিভা-শালী যুবক মহাপুরুষের শিষ্যত্ব স্বীকার করিতে কিছুমাত্র কুণ্ঠা বোধ করিলেন না। তাঁহার অনুগত জটিলগণও বুদ্ধের শরণাপন্ন হইল। তাহারা তাহাদের অগ্নিপূজার বিবিধ পাত্রাদি নদীগর্ভে নিক্ষেপ করিল।

উরুবিশ্বে কাশ্যপের দুই ভ্রাতা নদীকাশ্যপ ও গয়াকাশ্যপ অদূরেই বাস করিতেন। তাঁহারা নদীশ্রোতে প্রবাহিত পূজাপাত্র দেখিয়া চিন্তিতমনে অনুচরগণের সহিত ভ্রাতার আশ্রমে আসিয়া উপস্থিত হইলেন। বুদ্ধ সেই স্থানে ভিক্ষুগণকে উপদেশ দেন—“ভিক্ষুগণ, এই সবই জলিতেছে! ভৃক্ষার অগ্নিতে, ঘেষের অগ্নিতে ও মোহের অগ্নিতে এই সবই জলিতেছে; জন্ম জরা ব্যাধি মরণ শোকে হৃৎখে এই সবই জলিতেছে। এইরূপ ভাবিলে বিষয়ে নির্বেদ উপস্থিত হয় এবং চিন্তে বিমুক্তি লাভ করা যায়। জটিলগণ বুদ্ধের মধুর উপদেশ শুনিয়া মুগ্ধ হইল এবং ধর্মের আশ্রয় গ্রহণ করিল।”

কাশ্যপ ও অপর বহুসংখ্যক শিষ্যসহ বুদ্ধ উরুবিশ্ব হইতে রাজগৃহে গমন করিলেন। তাঁহার আগমনবার্তা শ্রবণ করিয়া নৃপতি বিম্বিসার, অনুচরগণ-সমভিব্যাহারে তাঁহার বাসভবনে উপস্থিত হইলেন। বুদ্ধের শান্তোজ্জল মুখশ্রী দেখিয়া সমাগত ব্যক্তিবর্গ প্রীত হইলেন। তিনি তাহাদিগকে নবধর্ম বুঝাইয়া দিলেন। তাঁহার সেই উপদেশের মর্ম এই—“সকল পাপপরিত্যাগ, কুশলকর্ম-সম্পাদন ও চিন্তের

বুদ্ধের জীবন ও বাণী

পবিত্রতাসাধন, সংক্ষেপতঃ ইহাই ধর্ম। জননী যেমন আপনার জীবন দিয়াও পুত্রকে রক্ষা করেন, যিনি সার সত্য অবগত হন, তিনিও তেমনি সর্বজীবের প্রতি অপরিমেয় বিস্তৃত প্রীতি রক্ষা করিয়া থাকেন। তাঁহার হিংসাশূন্য বৈরশূন্য বাধাশূন্য প্রীতি, ইহলোক কেন, লোকলোকান্তরেও পরিব্যাপ্ত হইয়া থাকে। এই মৈত্রীময় ভাবের মধ্যে তিনি বিহার করিয়া থাকেন।”

স্বমধুর ধর্মবাণী শ্রবণ করিয়া নগধরাজ বিশ্বিসারের অন্তর ভক্তিতে ও বিশ্বয়ে পূর্ণ হইল। বুদ্ধের চরণে প্রণত হইয়া তিনি তাঁহার শিষ্যত্ব স্বীকার করিলেন। বুদ্ধের এবং তাঁহার অনুচরদিগের বাসের নিমিত্ত তিনি নগরের বহির্ভাগস্থ “বেণুবন” নামক একটি মনোহর ও নিভৃত উদ্যান দান করিলেন। এই সময়ে বুদ্ধদেবের পঞ্চ শিষ্যের অত্যন্ত অশ্বজিৎ জম্বুদ্বীপে পরিভ্রমণ করিয়া রাজগৃহে গুরুসমীপে প্রত্যাগমন করেন। তিনি একদিন ভিক্ষাপাত্র হস্তে নগরে গৃহে গৃহে ভিক্ষা করিতেছিলেন, এমন সময়ে উপতীষ্য-নামক এক জিজ্ঞাসু ব্রাহ্মণ পরিব্রাজক তাঁহার সেই সৌম্যমুষ্টি দর্শন করিয়া বিস্ময়াবিষ্ট হইলেন। উপতীষ্যের মনে এইরূপ দৃঢ় প্রত্যয় জন্মিল যে, এই ভিক্ষুক সত্য পথের সন্ধান পাইয়াছেন। তিনি বিনীতভাবে অশ্বজিৎকে জিজ্ঞাসা করিলেন—“আর্য্য, আপনি কোন মহাত্মার শিষ্যত্ব স্বীকার করিয়াছেন?” অশ্বজিৎ বুদ্ধের নাম করিলেন। উপতীষ্য বুদ্ধের ধর্মমত শুনিবার নিমিত্ত আবার প্রশ্ন করিলেন। অশ্বজিৎ মনে করিলেন, উপতীষ্য নবধর্মের মত খণ্ডন করিবার নিমিত্ত হয়ত তাহার সহিত বাক্যাশুদ্ধি প্রবৃত্ত হইবেন। তিনি সঙ্কুচিতচিত্তে কহিলেন—“ধর্ম বিষয়টি অতি গভীর। আমি

বয়সে একান্ত অপ্রবীণ, আমি কিরূপে আপনার নিকটে ইহা ব্যাখ্যা করিব ?” উপতীষ্য কহিলেন—“মহাত্মন, আপনার কোনপ্রকার সঙ্কোচের হেতু নাই, আপনি আপনার ধর্মের বাণী অহুগ্রহপূর্ব্বক আমার নিকট কিঞ্চিৎ ব্যাখ্যা করিলে আমি পরম আনন্দ লাভ করিব।” অতঃপর অশ্বজিতের মুখে নবধর্মের মধুর কথা শুনিয়া উপতীষ্য এই ধর্মের আশ্রয় গ্রহণ করিবার জন্ম ব্যাকুল হইলেন। তিনি ক্ষণবিলম্ব না করিয়া তাঁহার প্রিয় স্নহৃদ কালিতের নিকট গমন করিলেন এবং তাঁহাকে জানাইলেন যে, তিনি এতদিন পরে নির্বাণ-পথের সন্ধান পাইয়াছেন। হুই বন্ধু অল্পদিন-মধ্যেই নবধর্মে দীক্ষিত হইলেন। দীক্ষা গ্রহণ করিয়া উপতীষ্য সারিপুত্র এবং কালিত মোদগল্যায়ন নাম লাভ করিলেন। এই বন্ধুযুগল তাঁহাদের অবিচলিত ধর্মনিষ্ঠার জন্ম অবিলম্বে সংঘমধ্যে প্রাধান্য লাভ করেন।

ইহার কিছুদিন পরে এক পূর্ণিমাৰজনীতে বুদ্ধের শিষ্যগণ রাজ-গৃহের নিকটবর্তী এক গিরিগুহায় সমবেত হন। সুশিক্ষিত সাধুদের নিকটে ধর্মতত্ত্ব ব্যাখ্যা করিবার সময়ের প্রারম্ভে বুদ্ধ বলিয়াছিলেন—

সর্বপাপস্ অকরণং কুসলস্ উপসম্পাদিতা।

সচিন্তপরিয়োদপনং, এতং বুদ্ধান সাসনং ॥

সকলপ্রকার পাপের বর্জন, কুশল কর্মের অমুষ্ঠান এবং চিন্তের নির্মলতাসাধন, ইহাই বুদ্ধগণের অমুশাসন।

মগধপ্রদেশে অনেকে নবধর্ম গ্রহণ করার, তত্রত্য রক্ষণশীলদের মধ্যে একটি অসন্তোষের ভাব প্রকাশ পাইল। তাঁহারা বলিতে লাগিলেন—“শাক্যমুনি পতিপত্নীর মধ্যে বিচ্ছেদ ঘটাইয়া সৃষ্টি বিলোপ

বুদ্ধের জীবন ও বাণী

করিবার উপক্রম করিয়াছেন।” তাঁহারা বৌদ্ধভিক্ষুদিগকে বিদ্রূপ-
স্বরে কহিলেন—‘তোমাদের প্রভু যুবকদিগকে যাহমধ্যে বশ
করিতেছেন, এক্ষণে কাহার উপরে তাঁহার দৃষ্টি পড়িয়াছে, তিনি
সংপ্রতি কাহাকে যাহ করিয়া ঘরের বাহির করিবার ষড়যন্ত্র
করিয়াছেন?’ এইসব উক্তি শ্রবণ করিয়া বুদ্ধদেব বলিলেন—
“তোমরা চিন্তিত হইও না, এই অসন্তোষ দীর্ঘকাল-স্থায়ী হইতে
পারে না, তোমরা বিদ্রূপকারীদের ধীরভাবে বলিও, বুদ্ধদেব
লোককে সত্যপথে আহ্বান করিয়া থাকেন, তিনি সংযম, ধর্মনিষ্ঠা
ও পরিত্রাণই প্রচার করিয়া থাকেন।”

এই সময়ে হৃদত্তনামক এক সত্যানুরাগী ধনবান্ ব্যক্তি মহাপুরুষ
বুদ্ধের স্তবশ্রবণ করিয়া তাঁহার দর্শনলালসায় রাজগৃহে আগমন
করেন। অমিত ঐশ্বর্যের অধিকারী এই পুণ্যশীল ব্যক্তির নিবাস
কোশলরাজের রাজধানী শ্রাবস্তীনগর। তিনি দরিদ্রের বন্ধু,
নিরাশ্রয়ের শরণ ছিলেন। অনাথের অন্নদাতা বলিয়া তিনি অনাথ-
পিণ্ডদ নামে অভিহিত হইতেন। বুদ্ধদেব এই সাধুশীল ধনীর
হৃদয়ের শোভনতার পরিচয় পাইয়া তাঁহাকে মধুর ধর্ম্যালাপে পরিতৃপ্ত
করিলেন। বুদ্ধের হৃদয়স্পর্শী উপদেশ শুনিয়া অনাথপিণ্ডদ বিমুগ্ধ
হইলেন; তিনি অকপটচিত্তে তাঁহাকে বলিলেন—“প্রভূত সম্পদের
অধিকারী বলিয়া আমার মন সর্বদা চিন্তায় আচ্ছন্ন থাকে, তথাপি
কর্ম করিয়া আমি আনন্দ পাইয়া থাকি, অলসভাবে সর্বদা আপনাকে
নানাকর্মে ব্যাপ্ত রাখিয়া থাকি। বহুব্যক্তি আমার আশ্রয়ে
কার্য্য করে এবং আমার সফলতার উপরে তাহাদের ভাগ্য নির্ভর
করিয়া থাকে।”

“হে দেব ! আপনার শিষ্যেরা গৃহত্যাগী সাধুজীবনের শাস্তির প্রশংসা এবং সাংসারিক জীবনের অশাস্তির নিন্দা করিয়া থাকেন । তাঁহারা বলেন, আপনি সর্ববিধ সম্পদ ত্যাগ করিয়া ধর্মরাজ্যের প্রতিষ্ঠা করিয়াছেন এবং বিশ্ববাসীকে নির্বাণলাভের দৃষ্টান্ত দেখাইয়াছেন ।

“প্রভো ! মঙ্গলকর্মে নিযুক্ত থাকিয়াও আমি লোক সেবার জন্য ব্যাকুলতা অনুভব করিয়া থাকি । এক্ষণে আমার জিজ্ঞাস্ত এই যে, শ্রমোলাভের নিমিত্ত আমাকে কি ধন সম্পদ গৃহ ও ব্যবসায়-বাণিজ্য ত্যাগ করিয়া উদাসীন হইতে হইবে ?” বুদ্ধ উত্তর করিলেন—“যিনি আধ্যম্য্য অবলম্বন করিবেন, তিনিই শাস্তি লাভ করিতে পারিবেন । ঐশ্বর্যের উন্মাদন যাহার চিত্ত অভিভূত করে, তাঁহার পক্ষে উহা বর্জন করাই শ্রেয় ; কিন্তু ধনের প্রতি যাহার আসক্তি নাই, যিনি অকুণ্ঠিতচিত্তে আপনার সম্পদ লোককল্যাণে ব্যয় করিতে পারেন, তাঁহার সম্পত্তি পরিত্যাগ করার কোন আবশ্যকতা নাই ।”

“আমি তোমাকে কহিতেছি তুমি সগৌরবে নিজ পদে প্রতিষ্ঠিত থাকিয়া আপনার শক্তি ব্যবসায়-বাণিজ্যের শ্রীবৃদ্ধিসাধনে প্রয়োগ কর । আমার ধর্ম কাহাকেও অকারণে গৃহহীন হইতে বলে না ; আমার ধর্ম অহঙ্কার, মলিনতা ও ভোগবিলাস বর্জন করিয়া সাধুপথে বিচরণ করিবার জন্য মানবকে আহ্বান করিয়া থাকে ।”

“অনেকেতন ভিক্ষুও যদি নিরুগ্ধম, নিবীৰ্য্য, অলস ও বিলাসপ্রিয় হইয়া উঠেন, তাহা হইলে তিনিও কদাচ শ্রমোলাভ করিতে পারেন না ।”

“কি গৃহী, কি গৃহহীন যিনিই পবিত্র ধর্মভাবনার দ্বারা চিত্ত আবৃত করিয়া রাখিবেন, যিনি আপনার সমগ্র চেষ্টা ধর্মসাধনার প্রয়োগ করিবেন, যিনি সরোবরের মধ্যবর্তী গ্ৰহমান শতদলের স্থান সংসারের মধ্যে অনাসক্তভাবে বিচরণ করিতে পারিবেন, তিনিই নিঃসন্দেহ আনন্দ, কল্যাণ ও শান্তিলাভ করিয়া কৃতার্থ হইবেন।”

বুদ্ধের বাণী শ্রবণ করিয়া অনাথপিণ্ডদ পরম পুলকিত হইলেন। তিনি শ্রদ্ধান্ব-চিত্তে কহিলেন—“দেব, বৌদ্ধ সাধুদের বাসের নিমিত্ত আমি শ্রাবস্তী নগরে একটি বিহার নির্মাণ করিয়া দিতে ইচ্ছা করি। আমার এই প্রার্থনা পূর্ণ করিলে আমি আপনাকে কৃতার্থ জ্ঞান করিব।”

অনাথপিণ্ডদের হৃদয় সম্পূর্ণ উদযাতিত হইয়াছিল। বুদ্ধ তাঁহার দিব্য দৃষ্টি দ্বারা এই পুণ্যব্রত ধর্মীর হৃদয়ের উদারতা দেখিয়া পরম আনন্দ লাভ করিলেন, তিনি তাঁহার দানগ্রহণে সম্মতি জানাইয়া বলিলেন—

“দানশীল ব্যক্তি সর্বজনপ্রিয়, তাঁহার বন্ধু অতিশয় মূল্যবান বলিয়া বিবেচিত হইয়া থাকে। মৃত্যুর পরে তাঁহাকে অন্ততঃ হইতে হয় না বলিয়া মৃত্যুতেও তিনি আনন্দ ও শান্তি লাভ করেন। তাঁহার মঙ্গলব্রত-সম্পূর্ণ বিকশিত পুষ্প ও রসালফল তিনি ইহ-লোকে ও পরলোকে লাভ করিয়া থাকেন।”

“অনেকেই ইহা বিশ্বাস করে না যে, নিরন্নকে অন্নদান করিলেই আমাদের বলবৃদ্ধি হয়, বস্ত্রহীনকে বস্ত্রে ভূষিত করিলেই আমাদের সৌন্দর্য্য বৃদ্ধিপ্রাপ্ত হয়, গৃহহীনদিগের জন্ত গৃহনির্মাণে অর্থ ব্যয় করিলেই আমাদের অর্থ বাড়িতে থাকে।”

“হৃদয় যোদ্ধা যেমন যুদ্ধের সর্ববিধ কৌশল অবগত বলিয়া নিপুণতার সহিত যুদ্ধ পরিচালনা করিয়া থাকেন, সাধুশীল বুদ্ধিমান দাতাও তেমনি কালাকাল পাত্রাপাত্র নির্ধাচন করিতে জানেন বলিয়া অচাক্ষুরূপে তাঁহার পুণ্যব্রতের অনুষ্ঠান করিয়া থাকেন। এইরূপ যে দাতার চিত্ত প্রীতি ও করুণার রসে অভিষিক্ত, তিনি শ্রদ্ধা-পূর্বক দান করিয়া থাকেন ; তাঁহার হৃদয় হইতে ঘৃণা হিংসা ঘেঘ ও ক্রোধ অন্তর্হিত হইয়া যায়।”

“দানশীল সাধুর মঙ্গলকর্ম তাঁহার মুক্তির সোপান। তিনি তাঁহার মঙ্গলব্রতরূপে যে সরস বৃক্ষাকুর রোপণ করেন, তাহা ভবিষ্যতে তাঁহাকে ছায়া পুষ্প ফল দান করিবেই।”

অনাথপিণ্ড দ কোশলে ফিরিবার সময়ে বিহারের স্থান নির্ধাচন করিয়া দিবার নিমিত্ত সারিপুত্রকে সঙ্গে লইয়া গেলেন।

বুদ্ধদেব যখন রাজগৃহে অবস্থান করিতেছিলেন, তখন তাঁহার পিতা শুদ্ধোদন লোকদ্বারা পুত্রকে জানাইলেন—“আমি এক্ষণে বুদ্ধ, অল্পদিনমধ্যেই হয়তো আমাকে ইহলোক ত্যাগ করিতে হইবে ; মৃত্যুর পূর্বে একবার তোমাকে দেখিবার জন্ত আমার চিত্ত উৎকর্ষিত হইয়াছে। তোমার নবধর্মের বাণী সহস্র সহস্র লোকে শ্রবণ করিয়া উপকৃত হইতেছে ; তোমার জনক ও স্বজনদিগকে উহা হইতে বঞ্চিত করিতেছ কেন ?”

দূতমুখে পিতার অভিপ্রায় অবগত হইয়া বুদ্ধ অবিলম্বে কপিল-বাস্ত্র যাত্রা করিলেন। তথায় নগরের সমীপবর্তী একটি উজানে তিনি সশিষ্যে আশ্রয় গ্রহণ করেন।

গৃহত্যাগের সাত বৎসর পরে পিতা পুত্রকে আবার সংসারে

বুদ্ধের জীবন ও বাণী

ফিরিবার জন্ত অহুরোধ করিলেন। তিনি এই অহুরোধ রক্ষা করিতে পারিলেন না; বিনীতভাবে কহিলেন—“আপনার হৃদয় স্নেহে অভিষিক্ত, আপনি আমার জন্ত গভীর বেদনা অনুভব করিয়া থাকেন। যে অসীম স্নেহ দ্বারা আপনি আমাকে হৃদয়ে বাধিয়া রাখিয়াছেন, সেই স্নেহ সর্ব মানবের প্রতি প্রসারিত করুন, তাহা হইলে আপনি যে ক্ষুদ্র সিদ্ধার্থকে হারাইয়াছেন তাহার পরিবর্তে এক বৃহত্তর সিদ্ধার্থ লাভ করিতে পারিবেন এবং নির্বাণের শান্তি আপনার চিত্ত অধিকার করিবে।”

পুত্রের অমৃতময়ী বাণী শ্রবণ করিয়া শুদ্ধোদনের চক্ষু ভারাক্রান্ত হইল। তিনি অভিনবভাবে বিহ্বল হইয়া বলিলেন—“তুমি রাজ্য সম্পদ ত্যাগ করিয়া মহানিষ্কমণ দ্বারা পরম মঙ্গল লাভ করিয়াছ। তুমি নির্বাণের পছা আবিষ্কার করিয়াছ, তুমি এক্ষণে সর্বজীবের নিকটে মুক্তির বাণী প্রচার কর।”

শুদ্ধোদন রাজধানীতে ফিরিলেন, বুদ্ধ নগরপুরোবর্তী উদ্ভানেই অবস্থান করিতে লাগিলেন।

পরদিন প্রভাতে বুদ্ধ ভিক্ষাপাত্র হস্তে নগরে বাহির হইলেন। পুত্র দ্বারে দ্বারে ভিক্ষা করিতেছেন, এই সংবাদ শ্রবণ করিয়া পিতা শুদ্ধোদন দ্রুতগতি তাঁহার নিকটে গমন করিলেন এবং অপ্রসন্নচিত্তে তাঁহাকে জিজ্ঞাসা করিলেন—“বৎস, তুমি রাজতনয় হইয়া কেন উদরান্নের জন্ত গৃহে গৃহে ভিক্ষা করিয়া স্বয়ং ক্লেশ স্বীকার করিতেছ এবং আমাদিগকে লজ্জা দিতেছ? আমি অন্নের সংস্থান করিতে পারিতাম না?” বুদ্ধ উত্তর করিলেন—“ভিক্ষা-করাই আমার কুলাগত প্রথা।” শুদ্ধোদন বিস্মিত হইয়া কহিলেন—“সে কি

বৎস, তুমি রাজকূলে জন্মগ্রহণ করিয়াছ, তোমার বংশে কে কখন ভিক্ষায়ে জীবন ধারণ করিয়াছেন ?” বুদ্ধ বলিলেন—“রাজন্, আপনি ও আপনার পিতৃপিতামহগণ রাজকূলে জন্মিয়াছেন সত্য, কিন্তু আমি পূর্ববর্তী বুদ্ধদের বংশেই জন্মলাভ করিয়াছি, তাঁহারা সকলেই ভিক্ষায়ে জীবন রক্ষা করিতেন।” শুদ্ধোদন নির্বাক হইয়া রহিলেন। বুদ্ধ বলিতে লাগিলেন—“রাজন্, পুত্র যদি কোন অমূল্য রত্ন লাভ করে, সে স্বভাবতঃই সেই দুর্লভ রত্ন পিতার চরণে অর্পণ করিতে অভিলাষী হইয়া থাকে। আমি বহু সাধনার ফলে যে সুদুর্লভ ধর্মধন লাভ করিয়াছি, সেই রত্নভাণ্ডার আজ আপনার সমীপে উদ্ঘাটিত করিবার অনুমতি প্রার্থনা করিতেছি, আপনি অনুগ্রহপূর্বক সেই রত্ন গ্রহণ করুন।”

বুদ্ধ তাঁহার অন্তরের অন্তরতম প্রদেশে উপলব্ধ সত্য পিতৃ-সম্মিধানে ব্যাখ্যা করিলেন। শুদ্ধোদন নবধর্মে অতুরাগী হইলেন। বুদ্ধকে লইয়া তিনি রাজভবনে গমন করিলেন। তথায় পুরবাসীরা সকলে মিলিত হইয়া বুদ্ধকে অভিবাদন করিলেন।

এই সম্মিলনে তাঁহার সহধর্মিণী গোপা উপস্থিত ছিলেন না। তিনি প্রশ্ন করিয়া জানিতে পারিলেন যে, গোপা স্বয়ং অগ্রগামিনী হইয়া তাঁহার সহিত দেখা করিতে অস্বীকৃতা হইয়াছেন। বুদ্ধ এই সংবাদ শুনিবামাত্র তাঁহার কক্ষে গমন করিলেন। সুদীর্ঘ বিচ্ছেদের পর প্রথম সাক্ষাৎকারে গোপা তাঁহার হৃদয়ের গভীর শোক সংবরণ করিতে পারিলেন না। তিনি তাঁহার আরাধ্যতম দেবতার চরণে লুটাইয়া পড়িয়া অশ্রু বিসর্জন করিলেন। অনন্তর শোকাবেগ প্রশমিত করিলে তিনি একপার্শ্বে শ্রদ্ধাবনত-মস্তকে বসিয়া

বুদ্ধের জীবন ও বাণী

রহিলেন। স্বামীর শ্রীমুখ-নিঃসৃত মধুর ধর্মোপদেশে গোপা তাঁহার অনারত হৃদয়পাত্র পূর্ণ করিয়া লইলেন। গভীর সান্ত্বনা লাভ করিয়া তিনি তাঁহার স্বামীর ধর্মের আশ্রয় গ্রহণ করিলেন।

কপিলবাস্তু নগরের বহুসংখ্যক ব্যক্তি এই সময়ে বুদ্ধের ধর্ম-গ্রহণ করিয়াছিলেন। ইহাদের মধ্যে বুদ্ধের বিমাতা প্রজাবতী গোতমীর পুত্র নন্দ, তাঁহার পিতৃব্যপুত্র দেবদত্ত, স্কোরকার উপালি, দার্শনিক অনুরুদ্ধ এবং উপস্থায়ক আনন্দ ইতিহাসে সমধিক প্রসিদ্ধ।

“মনের মানুষ” বলিলে যাহা বুঝায়, আনন্দ বুদ্ধদেবের ঠিক তাহাই ছিলেন। আনন্দ যেমন সহজ অন্তরঙ্গতার সহিত বুদ্ধের উপদেশ গ্রহণ করিতে পারিতেন, আর কেহ তেমন পারিতেন না। তাঁহার মন, শ্রদ্ধা ও বিনয়ে অবনত ছিল। তিনি বুদ্ধের জীবনের শেষমূহূর্ত্ত-পর্যন্ত নিরন্তর ছায়ায় ত্রায় অমুগমন করিয়া মনে-প্রাণে তাঁহার সেবা করিয়াছিলেন।

কপিলবাস্তু নগরে বুদ্ধ একদিন প্রাসাদের অদূরবর্ত্তী কোনো একস্থানে ভোজনে বসিয়াছিলেন ; গোপা তাঁহার কক্ষের বাতায়ন হইতে বুদ্ধকে দেখিতে পাইয়া সপ্তমবর্ষীয় পুত্র রাহুলকে রাজবেশে বিভূষিত করিলেন এবং তাহাকে কহিলেন ‘বৎস, ঐ যে সৌম্য-মুষ্টি সাধু আহার করিতেছেন, তিনিই তোমার পিতা, ঐ সাধু চারিটি রত্নের খনি আবিষ্কার করিয়াছেন, তুমি তাঁহার নিকটে গমন করিয়া পিতৃধন অধিকার কর।”

মাতার নিদেশানুসারে রাহুল বুদ্ধের নিকট গমন করিয়া পিতৃ-সম্পৎ-প্রাপ্তির প্রার্থনা জানাইল। বুদ্ধ বলিলেন—“পুত্র, পার্থিব ধন রত্ন আমার কিছুই নাই, তুমি যদি ধর্মধন-লাভের জন্ত

উৎসুক হইয়া থাক, আমি তোমাকে সেই ধন প্রদান করিতে পারি।" রাহুল সেই ধনই প্রার্থনা করিল; রাহুল শৈশবেই রাজ্যসম্পদ ত্যাগ করিয়া গৃহহীন হইয়া পিতার অলুগামী হইল। প্রাণাবিক পৌত্রের ভিক্ষুব্রত গ্রহণ করিবার সংবাদ শ্রবণ করিয়া শুদ্ধোদন শোকে অধীর হইলেন। তিনি বুদ্ধের নিকট গমন করিয়া তাঁহার মনোবেদনা জানাইলেন। বুদ্ধ শুদ্ধোদন একে একে তাঁহার পুত্র সিদ্ধার্থ ও নন্দ, ভ্রাতুষ্পুত্র দেবদত্ত এবং পৌত্র রাহুল এভূতি শ্রিত্যন-দিগকে হারাইয়া এমন বিব্রত হইয়া পড়িয়াছেন যে, তাঁহার কাতরতা দর্শন করিয়া বুদ্ধের হৃদয়ও বিগলিত হইল। তিনি পিতাকে বলিলেন—“এখন হইতে আমি কদাচ কোনো অপ্রাপ্তবয়স্ক শিশুকে জনক, জননী কিংবা অভিভাবকের অলুমতি ব্যতীত দীক্ষাদান করিব না।”

ইতিপূর্বে কথিত হইয়াছে যে কোশলরাজ্যানী প্রসিদ্ধ ধনী অনাথ-পিণ্ড শ্রাবস্তীনগরে একটি বিহার নির্মাণ করিয়া দিবার অভিযাব করিয়া সাবাপুত্রকে সঙ্গে লইয়া রাজগৃহ হইতে কোশলে যাত্রা করেন। তিনি শ্রাবস্তীনগরে উপস্থিত হইয়া বিহারের উপবোগী স্থাননির্ধারণের নিমিত্ত নগরের উপকণ্ঠে ঘুরিতে লাগিলেন। বিবিধ বৃক্ষ ও স্রোতধিনীশোভিত একখানি রমনীয় উদ্যান তাঁহার দৃষ্টি আকর্ষণ করিল। কোশলরাজকুমার জেত এই উদ্যানের অধিকারী। অনাথপিণ্ড ননে মনে সন্মুগ্ন করিলেন—“এইখানেই সাধুদের নিবাসভূমি বিহার প্রতিষ্ঠিত করিতে হইবে।” তিনি রাজকুমারের নিকট অর্থবিনিময়ে উদ্যানখানি পাইবার প্রার্থনা করিলেন। জেত অসম্মতি প্রকাশ করিলেন; কিন্তু সাধুশীল

বুদ্ধের জীবন ও বাণী

অনাথপিণ্ড কিছতেই নিরস্ত হইলেন না, তিনি উদ্ধানখানি পাইবার নিমিত্ত ক্রমাগত আন্তরিক আগ্রহ প্রকাশ করিতে লাগিলেন। রাজপুত্র জেত স্নযোগ পাইয়া, একটা অসম্ভব মূল্য চাহিয়া থাকিবেন। প্রচলিত আখ্যানে বর্ণিত হইয়াছে যে তিনি কহিয়াছিলেন—“যদি উদ্ধান স্নবর্ণমুদ্রার দ্বারা আবৃত করিতে পারেন তাহা হইলেই আপন সেই মূল্যদ্বারা উদ্ধান পাইতে পারিবেন, অথথা আমি আপনাকে কিছতেই উদ্ধান দিব না।”

অনাথপিণ্ড রাজকুমারের এই প্রকার অসম্ভব আদেশ শুনিয়াও পশ্চাৎপদ হইলেন না। তাঁহার আদেশে ভাণ্ডারের দ্বার উন্মুক্ত হইল; পিতৃশিতামহের এবং তাঁহার আপনার আজন্মের সঞ্চিত অর্থ-রাশি শকটে বোঝাই করিয়া উদ্ধানে আনীত হইতে লাগিল; স্বর্ণ-স্তরণে উদ্ধানের অর্দ্ধাংশ মণ্ডিত হইয়া বল্মন্ করিতে লাগিল। এই সংবাদ শ্রবণ করিয়া রাজকুমারের বিশ্বাসের সীমা রহিল না। তিনি উৎসাহে উদ্ধানে উপস্থিত হইয়া মুদ্রা ছড়াইতে বারণ করিলেন। অনাথপিণ্ডদের ত্যাগের মহান্ দৃষ্টান্ত তাঁহার চিত্তে শুভবুদ্ধি জাগরিত করিল। তিনি কহিলেন—“এই উদ্ধান আপনারই হইল কিন্তু চতুর্দিকে আত্ম ও চন্দন তরুরাজি আমারই রহিল, আমি এই সমুদায় বুদ্ধের চরণে অর্পণ করিয়া কৃতার্থ হইতে চাহি।”

অতঃপর অনাথপিণ্ড প্রভূত অর্থব্যয়ে বিহার নির্মাণ করিলেন। রাজকুমার জেতও প্রাপ্ত অর্থ স্বয়ং গ্রহণ না করিয়া উক্ত অর্থে বিহারের চতুর্দিকে চারিটি মনোহর অষ্টতল প্রাসাদ প্রস্তুত করিলেন।

বৌদ্ধসম্মতে এই বিহার উৎসর্গ করিবার নিমিত্ত অনাথপিণ্ড

বুদ্ধকে শ্রাবস্তীনগরে আহ্বান করেন। তিনি পদব্রজে রাজগৃহ হইতে শ্রাবস্তীনগরে আগমন করিয়াছিলেন। নগরের সমস্ত নরনারী বিরাট শোভাযাত্রা করিয়া অগ্রগামী হইয়া মহাপুরুষকে অভ্যর্থনা করিল। অগণন পুষ্পে আচ্ছাদিত এবং ধূপ, ধূনা প্রভৃতি গন্ধদ্রব্যের স্নগন্ধে আমোদিত বিহারমধ্যে বুদ্ধ প্রবেশ করিলেন। অনাথপিণ্ড পৃথিবীর সাধুদিগের বাসের নিমিত্ত বিহারটি ষথারীতি বুদ্ধের চরণে অর্পণ করিলেন। বুদ্ধ দান গ্রহণ করিয়া স্নানার্থে কহিলেন—“সমস্ত অমঙ্গল দূর হউক, এই মহৎ দান ধর্ম্মরাজ্য-প্রতিষ্ঠার আহুকূল্য করুক ও এই দান সমস্ত মানবের ও দাতার কল্যাণের আকর হউক।”

অষ্টম অধ্যায় ।

—:~:—

অস্তিম জীবন

বার্দ্ধক্যের আক্রমণে মহাপুরুষ বুদ্ধদেবের দেহ এখন অবসন্ন হইয়া আসিতেছে। এতদিন তিনি বঙ্গ, মগধ, কলিঙ্গ, উৎকল, বারানসী, কোশল প্রভৃতি নানা রাজ্যে তাঁহার সদ্বর্ষ প্রচার করিয়াছেন ; আর্থ্য ও অনার্থ্য উভয় সম্প্রদায়ই তাঁহার শ্রেষ্ঠধর্ম্ম গ্রহণ করিয়াছে।

একদা শরৎকালে তিনি গৃধ্রকূট পর্বতে অবস্থান করিতে-

বুদ্ধের জীবন ও বাণী

ছিলেন ; এই সময়ে বিশ্বিসারহুত অজাতশত্রু বৃজ্জিদিগকে বিনাশ করিবার জন্ত যুদ্ধের আয়োজনে প্রবৃত্ত হইলেন । মহাপুরুষ বুদ্ধের আগমনসংবাদ শ্রবণ করিয়া তিনি তাঁহার মন্ত্রী বর্ষকারকে কহিলেন, “মহিন্, তুমি জ্ঞান আনি বৃজ্জিদের উচ্ছেদসাধনের জন্ত তুমুদযুদ্ধের আয়োজন করিতেছি, মহাত্মা বুদ্ধদেব অদূরবর্তী গৃধ্রকূট শৈলে অবস্থান করিতেছেন, তুমি আমার নাম করিয়া তাঁহার কুশল সংবাদ জিজ্ঞাসা করিয়া তাঁহাকে আমার অভিপ্রায় জ্ঞাপন করিও, তিনি তাঁহার উত্তরে বাহা বলিবেন, তুমি তাঁহার সেই উক্তি শ্রবণ করিয়া আসিয়া যথাযথ আমার নিকটে আবৃত্তি করিবে ; মহাপুরুষের বাক্য কদাচ ব্যর্থ হইতে পারে না ।”

মন্ত্রী বুদ্ধের সনীপে গমন করিয়া রাজার বক্তব্য জানাইলেন । বুদ্ধ তাঁহার উপহাসক আনন্দকে সম্বোধন করিয়া কহিলেন— “আনন্দ, তুমি কি শোন নাই যে, বৃজ্জিরা পুনঃপুনঃ সাধারণ সভায় সম্মিলিত হইয়া থাকে ?”

আনন্দ উত্তর করিলেন—“হাঁ, প্রভু তুমিয়াহি ।”

বুদ্ধদেব আবার বলিলেন—“দেখ আনন্দ, এইরূপে ঐক্যবন্ধন স্বীকার করিয়া যতকাল বৃজ্জিরা বারংবার সাধারণ সভায় নিমিত হইতে পারিবে, ততদিন তাহাদের পতন নাই, তাহাদের উত্থান অবশ্যসম্ভাবী । যতকাল তাহারা বয়োজ্যেষ্ঠদের শ্রদ্ধা করিবে, নারীদের সম্মান করিবে, ভক্তিপূর্ব্বক ধর্ম্মানুষ্ঠান করিবে, সাধুদিগের সেবায় ও রক্ষায় উৎসাহী থাকিবে, ততদিন তাহাদের পতন নাই, ততদিন ক্রমশঃ তাহারা উন্নতি লাভ করিবে ।” বুদ্ধ তখন মন্ত্রীকে সম্বোধন করিয়া জানাইলেন—“আমি যখন বৈশালীতে ছিলাম তখন আমি

স্বয়ং বুদ্ধিদিগকে ঐ সকল সামাজিক মঙ্গলকর নিয়ম শিক্ষা দিয়াছি ; যতকাল তাহারা সেই উপদেশ শ্রবণ রাখিয়া মঙ্গলপথে বিচরণ করিবে ততদিন তাহাদের অভ্যুত্থান সুনিশ্চিত ।”

মন্ত্রী চলিয়া যাইবার পরে রাজগৃহের ভিক্ষুগণ বুদ্ধের সম্মুখে উপস্থিত হইলেন । তিনি তাহাদিগকে সম্বোধন করিয়া বলিলেন— হে ভিক্ষুগণ ! আমি আজ তোমাদিগের নিকট সত্ত্বের মঙ্গলবিধি ব্যাখ্যা করিব । তোমরা শ্রীশ্রদ্ধা কর—“যতদিন তোমরা উপস্থানশালায় এক হইয়া নিশিতে পারিবে, সকলে সমবেতভাবে অভ্যুত্থানের চেষ্টা করিবে, সংঘের সনন্ত কার্য সম্মিলিত হইয়া সম্পন্ন করিবে, অভিজ্ঞাত কুশলগুলি প্রতিপালনে সঙ্কচিত হইবে না, অপরাধিত নববিধিগ্রহণে ইতস্ততঃ করিবে, যতদিন তোমরা প্রবীণদিগকে শ্রদ্ধাভক্তি ও সেবা করিবে এবং তাহাদের আদেশ বিনীতভাবে মানিয়া চলিবে, যতদিন তোমরা কামলালস্যের অধীন না হইবে, যতদিন তোমরা ধর্মসাধনায় আনন্দিত হইবে, যতদিন তোমাদের সম্মিথানে সাধুসমাগন হইবে, যতদিন অলসতা ও অল্পশ্রম পরিহার করিয়া তোমরা মনকে সত্যানুসন্ধানে নিযুক্ত রাখিবে ততদিন তোমাদের পতনের কোন আশঙ্কা থাকিবে না । অতএব হে ভিক্ষুগণ, তোমরা মন বিশ্বাসে ও বিনয়ে ভূষিত কর, তোমরা পাপচরণে ভীত হও, জ্ঞানলাভের নিমিত্ত তোমাদের মন জাগরিত হউক ! তোমাদের উৎসাহ অবিচলিত ও চিত্ত অনলস হউক ! তোমাদের বোধিলাভ হউক !”

গৃধ্রকূট ত্যাগ করিবার পরে বুদ্ধ নানা স্থানে ভ্রমণ করিয়া কিছুদিন নালন্দায় বাস করেন । সেখান হইতে তিনি পাটলি

বুদ্ধের জীবন ও বাণী

(পাটলিপুত্র) গ্রামে আগমন করেন। শিষ্যদের অহুরোধে তিনি এখানকার বিশ্রামশালায় কিছুকালের জন্ত অবস্থান করেন। বুদ্ধের উপদেশ শুনিবার জন্ত একদিন সেখানকার উপাসকগণ সমবেত হইলেন। তিনি তাহাদিকে স্নেহকণ্ঠে কহিলেন—“প্রিয় শিষ্যগণ, সাধুপথ হইতে ভ্রষ্ট হইয়া অমঙ্গলকারীরা পঞ্চবিধ পরাভব প্রাপ্ত হইয়া থাকে :—প্রথমতঃ, দুষ্কৃতকারীকে কেহ বিশ্বাস করে না এবং সে নির্বার্য হইয়া পড়ে বলিয়া দারিদ্র্য আসিয়া চারিদিক হইতে তাহাকে আক্রমণ করে। দ্বিতীয়তঃ, তাহার অপবশ আচরে বহুদূর ব্যাপ্ত হইয়া পড়ে। তৃতীয়তঃ, সমাজে তাহার কোনো স্থান নাই, যে কোনো সমাজেই তাহাকে চোরের ছায় গোপনে ভিড়ের মাঝখানে লুকাইয়া চলিতে হয়। চতুর্থতঃ, মৃত্যুতেও তাহার শাস্তি নাই, অজ্ঞাত বিভীষিকা ও উদ্বেগ লইয়া তাহাকে মরিতে হয়। পঞ্চমতঃ, মৃত্যুর পরে তাহার মন কিছুতেই শান্তিলাভ করিতে পারে না ; দুষ্কৃতজনিত দুঃখ ও যাতনা তখন তাহার মনের অহুসরণ করিতে থাকে।”

“হে গৃহিণ, সাধুপথে বিহরণকারী ব্যক্তিরাও জীবনে পঞ্চবিধ জয়লাভ করিয়া থাকেন। প্রথমতঃ, লোকে তাঁহাদিগকে বিশ্বাস করে বলিয়া তাঁহারা সাধু চেষ্টা দ্বারা ঋদ্ধি লাভ করিয়া থাকেন। দ্বিতীয়তঃ, তাঁহাদের স্নেহ দূরদূরান্ত ছড়াইয়া পড়ে। তৃতীয়তঃ, সমাজ তাঁহাদিগকে আদরে বথাস্থানে আসন প্রদান করে ; তাঁহারা নিজদের প্রতি আত্মশীল বলিয়া অসঙ্কোচে সকলের সম্মুখে সমাজের মধ্যে বিহরণ করেন। চতুর্থতঃ, মৃত্যুসময়ে তাঁহারা অকুণ্ঠিত চিন্তে মৃত্যুকে গ্রহণ করিয়া থাকেন। পঞ্চমতঃ, তাঁহাদের

দেহহীন মন শক্তির মধ্যে প্রতিষ্ঠা লাভ করে, কারণ তাঁহার আপনাদের স্বকর্ণের কলে কল্যাণ ও আনন্দই প্রাপ্ত হইয়া থাকেন ।”

পাটলিগ্রাম হইতে বুদ্ধ কোটীগ্ৰামে গমন করেন এবং পথিমধ্যে অপর একটি স্থানে বিশ্রাম করিয়া বৈশালীতে উপস্থিত হন । এখানে আত্মপালী নামক জনৈক বারাদনার কাননে তিনি সশিষ্য আশ্রয় গ্রহণ করিয়াছিলেন । আত্মপালী প্রথমমনে মহাপুরুষ বুদ্ধের সমীপে গমন করিয়া পরদিন তাঁহাকে আপন ভবনে আহ্বারের নিমন্ত্রণ করিলেন । সাধারণের চক্ষে আত্মপালী পতিতা নারী বলিয়া স্মৃতিত হইলেও মহাপুরুষের উদার হৃদয় তাঁহাকে স্মৃণা করিল না, তিনি তাহার নিমন্ত্রণ গ্রহণ করিয়া লইলেন । লিচ্ছবিবংশীর রাজারা বুদ্ধের আগমনসংবাদ পাইয়া আড়ম্বরসহকারে তাঁহার সন্নিহিত দেখা করিতে আসিলেন । তাঁহারাও পরদিন বুদ্ধকে রাজভবনে আহ্বারার্থ নিমন্ত্রণ করিলেন, বুদ্ধ তাঁহাদিগকে জানাইলেন যে, তিনি ইহার পূর্বেই আত্মপালীর নিমন্ত্রণ গ্রহণ করিয়াছেন । রাজসভাগণ এই সংবাদে সন্তুষ্ট হইলেন না, তাঁহাদের আহ্বান অস্বীকার করিয়া বুদ্ধ পতিতা নারীর গৃহে আহ্বার করিতে যাইবেন, শুনিয়া তাঁহারা বিষম হইলেন । পরদিন বথাসময়ে বুদ্ধ সশিষ্য আত্মপালীর অন্ন অকুণ্ঠিতচিত্তে গ্রহণ করিলেন । তাঁহার মুক্তির বাণী পতিতা নারীর প্রসুপ্ত বোধি জাগরিত করিল ! আত্মপালীর জীবনের গতি কল্যাণের দিকে প্রধাবিত হইল । তাহার উজ্জান-ভবন ভিক্ষু ও সাধুদের বাসের জন্য দান করিয়া সে আপনাকে কৃতার্থ মনে করিল ।

বুদ্ধ এখন অশ্রুতি বর্ষে পাদর্পণ করিয়াছেন ; বার্ষিক্য তাঁহার

যুদ্ধের জীবন ও বাণী

বিপুল বলিষ্ঠ দেহ ভাঙ্গিয়া দিয়াছে, মৃত্যুর পূর্বলক্ষণসমূহ তাঁহার দেহে প্রকাশ পাইল। প্রবীণ শিষ্যদের অনেকেই এখন জীবনমৃত্যুর সন্ধিস্থলে উপস্থিত। এই বৎসর তাঁহার অল্পগত প্রধান শিষ্য শারীপুত্র ও মৌদগল্যায়ন মৃত্যুমুখে পতিত হইলেন। ইহাদের মৃত্যুতে সংঘ বলহীন হইয়া পড়িল। সংঘের প্রাচীন নবীন সকল ভিক্ষু নবীন উচ্চমে আপনাদের সাধনার দ্বারা সংঘকে বলশালী করিবার নিমিত্ত বদ্ধ-পরিকর হইলেন। এই বৎসর বুদ্ধ এববার সাংঘাতিক বোগে আক্রান্ত হইলেন। বিস্তৃত শয্যাশায়ী হইয়াও অনন্তক্ষুণ্ণ মানসিক বল দ্বারা তিনি রোগযন্ত্রণা অতিক্রম করিয়া অবিচলিত থাকিতেন। এই সময়ে তিনি বৈশালীর এক বিহারে বাস করিতেছিলেন। আরোগ্যলাভের পরে আনন্দ এবদিন তাঁহাকে নির্জনে কহিলেন—

“অগ্নি তপনের দেহের অপূর্ববাস্তি হরণ করিয়াছে, আপনার সেই বোগের কথা মনে পড়িলে আমি এখনও চারিদিকে অন্ধকার দেখিয়া থাকি। তবে আমার মনে এই দৃঢ় ধারণা রহিয়াছে যে, সংঘরক্ষার উপায় না বলিয়া কদাচ আপনি মানবলীলা সংবরণ করিবেন না।”

বু. কহিলেন—“আনন্দ! সংঘ আমার কাছে আর কি প্রত্যাশা করিয়া থাকেন? আমি অকপটভাবে সবলের কাছে আমার উপলব্ধ সত্য ব্যাখ্যা করিয়াছি, কোনো কথাই ত গোপন করি নাই। আমি কখনো একথা মনে করি না যে আমি এই সংঘের চাবাক অথবা এই সংঘ আমার অধীন। যদি কেহ এমন কথা মনে করেন, তিনি নেতার আসনগ্রহণ করিয়া সংঘকে দৃঢ়রূপে বাধিবার নিয়মপ্রণালী প্রণয়ন করুন। সংঘরক্ষার জন্ত আমি

কোনো বাঁধা নিয়মপ্রণালী রাখিয়া বাইতে ইচ্ছা করি না। আনন্দ, আমি অশীতিবৎসরের বৃদ্ধ, যাত্রার শেষ অবস্থায় উপস্থিত হইয়াছি ; আমার শরীর এখন ভগ্ন শকটের তুল্য হইয়াছে, জোড়াতাড়া দিয়া বিশেষ সতর্কতার সহিত ইহাকে চালাইতে হইতেছে। আমার মন যখন বাহ্যবিষয় হইতে প্রত্যাবৃত্ত হইয়া গভীর ধ্যানের মধ্যে অবহান করে কেবলমাত্র তখনই আমার শরীর সুস্থ থাকে।”

“আনন্দ, আপনারাই আপনাদের নির্ভরস্থ হও, অথ কাহারও সাহায্যের প্রত্যাশা করিও না। আপনারাই আপনাদের প্রদীপ হও। ধর্মই প্রদীপ, সেই প্রদীপ দৃঢ়হস্তে ধারণ কর, সত্যকে সহায় করিয়া নির্বাণের সন্ধানে প্রবৃত্ত হও।”

“আনন্দ, আপনি আপনার প্রাণ ও নির্ভরস্থ হওয়া অসম্ভব বলিয়া মনে করিও না। সংঘের ভিক্ষুগণ যদি ধর্মসাধনা দ্বারা আপনাদের অন্তরের নিচুতাদেশে বাস করিতে পারেন, তাহা হইলেই তাঁহার দৈহিক রেশ, প্রবৃত্তির তাড়না এবং তৃষ্ণাসন্তুষ্ট সর্ববিধ দুঃখ অতিক্রম করিতে পারিবেন।”

“আনন্দ, আমার মৃত্যু ঘটিলে সংঘের অনিষ্ট হইবে কেন ? যাহাদের চিত্ত বোধিলাভের জ্ঞানকোতুহলী, যাহারা বাহিরের কোনো-প্রকার সহায়তার প্রত্যাশা না করিয়া অবিকলিত অধ্যবসায়ের সহিত সত্যসাধনা দ্বারা নির্বাণলাভের চেষ্টা করিবেন, তাঁহারা নিঃসন্দেহ চরম শ্রেয়ঃ লাভ করিবেন।”

বুদ্ধদেবের পরিনির্বাণলাভের দিন সমীপবর্তী হইয়া আসিল। মৃত্যুকে আলিঙ্গন করিবার জ্ঞান তিনি প্রাপ্ত হইয়া আছেন। একদিন তিনি প্রসঙ্গক্রমে আনন্দকে কহিলেন -- “আনন্দ ! আমার

বুদ্ধের জীবন ও বাণী

পরিনির্বাণলাভের শুভদিন অদূরবর্তী!” এই সংবাদ শুনিয়া শোকে আনন্দের বুক ভাঙ্গিয়া গেল, তাঁহার চক্ষু জলে ভরিয়া উঠিল। তাঁহাকে শোকমুগ্ধ দেখিয়া বুদ্ধ দৃঢ়কণ্ঠে কহিলেন—“আনন্দ, তুমি কি বিশ্বাস হারাইয়া ফেলিয়াছ? আমি কি বারংবার বলি নাই যে, লোকের প্রিয়বস্তুর সহিত বিচ্ছেদ ঘটিবেই? যে জন্মগ্রহণ করিবে তাহারই মৃত্যু ঘটিবে ইহাই জগতের নিয়ম; স্নতরাং আমার পক্ষে চিরকাল বাঁচিয়া থাকা কেমন করিয়া সম্ভবপর হইবে?”

অতঃপর বুদ্ধের আদেশে আনন্দ বৈশালীর সন্নিকটবর্তী ভিক্ষুদিগকে তথাকার বিহারে সমবেত হইবার নিমিত্ত আহ্বান করিলেন। সমবেত ভিক্ষুদিগকে সম্বোধন করিয়া বুদ্ধ বলিতে লাগিলেন—“ভিক্ষুগণ! আমি তোমাদের নিকটে যে ধর্ম প্রচার করিয়াছি তোমরা তাহা সম্যক্ আয়ত্ত করিয়া সেই সত্যেরই সাধনা কর, মনন কর। যাহাতে এই সদ্ধর্ম অনন্তকালস্থায়ী হইতে পারে সেই জন্ত সর্বত্র ইহার প্রচার কর। সমগ্র মানবজাতির সুখকর ও কল্যাণকর এই ধর্ম যাহাতে অনন্তকাল বিদ্যমান থাকে সেই উদ্দেশ্যে জীবের প্রতি অপ্রমেয় প্রীতিপোষণ করিয়া তোমরা এই ধর্ম প্রচার করিতে থাক।”

“এহকে শুভাশুভের কারণ বলিয়া জানা, ফলিত জ্যোতিষে আস্থা এবং নানা চিহ্নাদি দেখিয়া ভবিষ্যতের শুভাশুভ কখন প্রভূতি নির্দিষ্ট বলিয়া জানিও।”

“যে ব্যক্তি মনকে বাঁধিবার সংঘমরশ্মি একেবারে খুলিয়া দেয়, সে কোনদিনও নির্বাণলাভ করিতে পারে না। তোমরা সংঘত

হইবে, মনকে ভোগবিলাসের উত্তেজনা হইতে দূরে রাখিবে এবং মনকে প্রশান্ত করিবার অস্ত্র চেষ্টিত হইবে।”

“তোমরা পরিমিত পানাহার করিবে এবং সংবতভাবে দেহের যাবতীয় প্রয়োজন মিটাইবে। প্রজাপতি যেমন পুষ্প হইতে প্রয়োজনানুযায়ী মধুটুকুমাত্র গ্রহণ করে, ফুলের সুগন্ধ, শোভা ও দলগুলি বিনষ্ট করে না, তোমরাও তেমনি অস্ত্রকে পীড়িত ও বিনষ্ট না করিয়া আপনাদের জীবনযাত্রা নির্বাহ করিবে।”

“হে ভিক্ষুগণ! চারিটি আর্থ্যসত্য এতদিন আমরা বুঝি নাই এবং প্রাণপণে সাধন করিতে পারি নাই বলিয়াই জন্মজন্মান্তর অলম্যপথে বিচরণ করিয়াছি।”

“আমি তোমাদিগকে যে ধ্যান ও সাধনা শিক্ষা দিয়াছি তোমরা সেই ধ্যান অভ্যাস কর। পাপের বিরুদ্ধে নিরন্তর সংগ্রাম করিতে থাক। সাধুপথে বিহরণ কর এবং শীলবান হও। তোমাদের অন্তঃকণ্ঠ প্রফুটিত হউক। জ্ঞানের প্রভাবে তোমাদের হৃদয় আলোকিত হইলেই তোমরা আষ্টাঙ্গিক পথ অবলম্বন করিয়া নির্বাণলাভ করিতে পারিবে।”

“আমার পরিনির্বাণ লাভের দিন আসন্ন। আমি তোমাদিগকে দ্রুততার সহিত বলিতেছি, সংযোগোৎপন্ন পদার্থমাত্রেরই ক্রয় হইবে। বাহ্য অবিনশ্বর তাহারই সন্ধান কর। অধ্যবসায় অবলম্বন করিয়া নির্বাণপদ লাভ কর।”

আসন্নমৃত্যুর শান্তি ও গাভীর্ঘ্য বধন বুদ্ধের মন আচ্ছন্ন করিয়াছিল, সেই শুভমুহূর্ত্তে তিনি তাঁহার ধর্ম সংক্ষেপে শিষ্যদের কাছে ব্যাখ্যা করিয়াছিলেন বলিয়া বৈশালীর উপস্থানশালায় প্রদত্ত তাঁহার

বুদ্ধের জীবন ও বাণী

এই অস্তিম উপদেশটির একটি স্বতন্ত্র বিশেষত্ব আছে। দুর্ভাগ্যক্রমে তাঁহার এই উপদেশটির একাংশমাত্র পাওয়া গিয়াছে এবং তাহাই মহাপরিনির্বাণ-স্থত্রে বর্ণিত হইয়াছে। এই উপদেশমধ্যে তিনি সাধকের জ্ঞাত চারিটি ধ্যান, চারিটি ধর্মপ্রচেষ্টা, চারিটি ঈশ্বরি-পাদ, পঞ্চনৈতিক বল, সপ্তবোধাঙ্গ ও আষ্টাদিকমার্গ নির্দেশ করিয়া গিয়াছেন।

বৈশালী হইতে বুদ্ধ সশিষ্যে কুশীনগরের অভিমুখে যাত্রা করেন। পথিমধ্যে তিনি ভগুগ্রাম, আম্রগ্রাম, জম্বুগ্রাম ও ভোগনগর প্রভৃতি স্থানে অবস্থান করিয়াছিলেন। মহাপ্রয়াণের পূর্বে তিনি তাঁহার উদার ধর্মমত শিষ্যদের মনে দৃঢ়রূপে অঙ্কিত করিয়া দিবার চেষ্টা করেন। বিচারবুদ্ধি ত্যাগ করিয়া কেহ কদাপি তাঁহার বাণী স্বীকার করে ইহা তিনি ইচ্ছা করিতেন না। তাঁহার মহাপ্রয়াণের পরে কেহ কেহ আপন আপন বাণী তাঁহার নামে ঢালাইবার চেষ্টা করিতে পারেন, এই আশঙ্কায় শিষ্যদিগকে তিনি বলিলেন—“যদি কেহ বলেন, আমি স্বয়ং বুদ্ধের মুখে এই বাণী শুনিয়াছি; ইহাই সত্য, ইহাই বিধি, ইহাই তাঁহার প্রদত্ত শিক্ষা; তোমরা কখনো এইরূপ উক্তির নিন্দা বা প্রশংসা করিও না। ঐ উক্তির প্রত্যেক বাক্য প্রত্যেক শব্দ অভিনিবেশ সহকারে শুনিবে; উহার তাৎপর্য সম্যক বুঝিবার চেষ্টা করিবে। ধর্ম এবং বিনয়ের নিয়মের সহিত মিলাইয়া লইতে চেষ্টা করিবে। যদি তুলনা করিয়া দেখিতে পাও যে, ঐ উক্তির সহিত ধর্মশাস্ত্রের ও সংঘের নিয়মাবলীর কিছুতেই সামঞ্জস্য বিধান করা যায় না, তাহা হইলে বুঝিবে, ঐ উক্তি আমার নহে, কিংবা ঐ ব্যক্তি আমার বাণীর প্রকৃত তাৎপর্য হৃদয়ঙ্গম করিতে পারেন নাই।”

বুদ্ধ শিষ্যদিগকে আরো বিশদভাবে বলিলেন—“ভিক্ষুগণ! কোনো ব্যক্তি এক্রপও বলিতে পারেন যে, আমি বুদ্ধের এই বাণীটি একদল ভিক্ষুর মুখে কিংবা কোন স্থানের স্থবিরদের মুখে অথবা কোনো এক বিদ্বান্ ভিক্ষুর মুখে স্বয়ং শুনিয়াছি, তোনরা বাণীটির ঐত্যেক বাক্য, ঐত্যেক শব্দ, মনোনিবেশপূর্বক শ্রবণ করিবে; ঐ বাণী ধর্মের ও বিনয়ের নিয়নের সহিত মিলাইয়া লইতে চেষ্টা করিবে; যদি কোনরূপে সামঞ্জস্য বিধান করিতে না পার তাহা হইলে বুঝিবে ঐ বাণী আমার নহে কিংবা ঐ ব্যক্তি আমার বাক্যের নিগূত অর্থ গ্রহণ করিতে পারেন নাই।”

বুদ্ধ সশিষ্য ভ্রমণ করিতে করিতে পাবাগ্রামের চুন্দনামক কোন বর্ষাকারের আশ্রকুঞ্জে উপস্থিত হইলেন। এই সংবাদ শুনিবামাত্র চুন্দ তথায় গমন করিয়া শ্রদ্ধাসহকারে মহাপুরুষের চরণ বন্দনা করিল। বুদ্ধের মুখে অনুভব্য ধর্মকথা শুনিয়া পরম আনন্দ লাভ করিয়া সে তাঁহাকে পরদিন অল্পচরণসহ আপন ভবনে আহ্বারের জন্ত আহ্বান করিল। সৌনাগমন করিয়া বুদ্ধ এই নিমন্ত্রণ গ্রহণ করিলেন।

পরদিন চুন্দ ভিক্ষুদের সেবার জন্ত শ্রদ্ধাপূর্বক অন্ন, পিষ্টক এবং শুক শূকরমাংস রন্ধন করাইল। বুদ্ধের নিয়ম ছিল যে, তিনি শ্রদ্ধাশীল ব্যক্তিদের এদন্ত সর্বপ্রকার আহাৰ্য গ্রহণ করিতেন। আহাৰে উপবেশন করিয়া বুদ্ধ চুন্দকে কহিলেন—“হে চুন্দ, তুমি একমাত্র আমাকেই এই শূকরমাংস পরিবেষণ কর, ভিক্ষুদিগকে এই মাংস দিও না।” বলা বাহুল্য, বুদ্ধ কখনো মাংস আহাৰ করিতেন না। এই গুরুপাক অনভ্যস্ত দ্রব্য ভোজন করিয়া তিনি

বুদ্ধের জীবন ও বাণী

রক্তামাশয় রোগে আক্রান্ত হইলেন। এই অসুস্থ অবস্থাতেই তিনি কুশীনগরের দিকে যাত্রা করিলেন। তিনি পরম ধৈর্যের সহিত প্রসন্নমুখে রোগের যাতনা সহিতেছিলেন। পথিমধ্যে একটি বৃক্ষমূলে উপবেশন করিয়া তিনি আনন্দকে কহিলেন—“আমি অবসন্ন ও ক্লান্ত হইয়া পড়িয়াছি, তুমি আমার এই গাত্রাবরণ বস্ত্রখানি চারি ভাঁজ করিয়া বিছাইয়া দাও আমি কিছুকাল বিশ্রাম করিব।” বুদ্ধ শয়ন করিয়া আনন্দকে পানীয় জল আনিবার আদেশ করিলেন। জলপানে তৃষ্ণা নিবারণ করিয়া তিনি বিশ্রাম করিতে লাগিলেন।

এই সময়ে পুঙ্কসনামক এক মল্ল যুবক ঐ স্থানদিয়া যাইতে ছিলেন। তিনি সাধু আড়ারকালামের শিষ্য। তরুণুলে সমাসীন বুদ্ধদেবের প্রসন্নমুখের কাস্তি দেখিয়া পুঙ্কস বিস্মিত হইলেন। তিনি তাঁহার চরণে প্রণত হইয়া সবিনয়ে বলিলেন—“প্রভো! গৃহত্যাগী সাধুদের ধ্যানের প্রভাব কি চমৎকার, তাঁহারা কি আশ্চর্য মানসিক শাস্তিই উপভোগ করিয়া থাকেন।” তাঁহার গুরু আড়ারকালামের অলৌকিক ধ্যানশক্তি জ্ঞাপন করিবার জন্ত পুঙ্কস বলিলেন যে, একদা যখন তিনি ধ্যানমগ্ন ছিলেন, তখন তাঁহার অতি সন্নিকট দিয়া ঘর্ঘর শব্দ করিয়া ধূলি উড়াইয়া পাঁচ শত শকট চলিয়া গেল, তাঁহার পরিচ্ছদ ধূসরিত হইল, কিন্তু তিনি কিছুই জানিতে পারিলেন না।

তাঁহার কথা শ্রবণ করিয়া বুদ্ধ উল্লসিত হইয়া বলিলেন—“পুঙ্কস, ধ্যানের শক্তি অতি আশ্চর্য্যই বটে, মানব ধ্যানের প্রভাবে মনের মধ্যে সম্পূর্ণ সচেতন থাকিয়াও বাহিরের কিছু দেখিতে বা শুনিতে পায় না। আমি এক সময়ে ধ্যানে নিযুক্ত ছিলাম; তখন বাহিরে ভীষণ বারি-বর্ষণ, মেঘ-গর্জন ও বিহ্বল-দুরগ হইতেছিল;

এই হৃষ্যোগে উক্ত স্থানের দুইজন কৃষক ও চারিটি বলীবর্দ প্রাণত্যাগ করে। আমি বাহিরে কি ঘটিতেছিল, তাহার সম্বন্ধে সম্পূর্ণ অজ্ঞ ছিলাম বলিয়া এই সকল হৃষটনার কিছুই জানিতে পারি নাই। অতঃপর ধ্যানান্তে একস্থানে বহুসংখ্যক লোকের সম্মিলন দেখিয়া আমি কোন ব্যক্তিকে জিজ্ঞাসা করিলাম “ঐস্থানে এত লোক মিলিত হইয়াছে কেন?” সে ব্যক্তি বিস্ময় প্রকাশ করিয়া আমাকে জিজ্ঞাসা করিল,— “কেন, আপনি ত এখানে ছিলেন, আপনি জানিতে পারেন নাই যে, এই হৃষ্যোগে দুইজন কৃষকের ও চারিটি বলীবর্দের মৃত্যু ঘটিয়াছে?” আমি এই বিষয় কিছুই অবগত নহি, শুনিয়া সে অধিকতর বিস্ময়-বিষ্ট হইয়া পুনর্ব্বার প্রশ্ন করিল—“আপনি যদি অবিরত বৃষ্টিপতন ও মেঘগর্জনের শব্দ শুনিয়া না থাকেন, তাহা হইলে আপনি কি নিদ্রিত ছিলেন?” উত্তর করিলাম—“আমি সম্পূর্ণ জাগরিত ছিলাম।” আমার উত্তর শ্রবণ করিয়া সে ব্যক্তি অবাক হইয়া রহিল।

বুদ্ধদেবের অনন্তস্থলত ধ্যানশক্তির কথা শুনিয়া পুঙ্কস তাঁহার শিষ্যত্ব গ্রহণ করিলেন।

পুঙ্কসের অভিপ্রায়-অনুসারে একব্যক্তি সোনালি রঙ্গের দুইটী মনোহর পরিচ্ছদ আনয়ন করিল। তিনি ঐ পোষাক দুইটী লইয়া ভগবান্ বুদ্ধদেবের সমীপে উপস্থিত হইয়া কৃতাজ্ঞলিপুটে কহিলেন— “প্রভো! আপনি এই পরিচ্ছদ দুইটী গ্রহণ করিলে আমি পরম শ্রীতলাভ করিব।” বুদ্ধ বলিলেন—“পুঙ্কস, তুমি আপন হস্তে একটি পোষাক আমাকে ও একটি আনন্দকে পরাইয়া দাও।” তিনি তাহাই করিলেন। বুদ্ধ তাঁহাকে মধুর ধর্ম্মোপদেশে পরিচরিত করিলেন।

বুদ্ধের জীবন ও বাণী

অতঃপর বুদ্ধ ভিক্ষুগণসহ আবার অগ্রসর হইতে লাগিলেন। তাঁহারা কুকুথানারী এক নদীর তীরে উপস্থিত হইয়া স্নান ও জল পান করিয়া ক্লান্তি দূর করিলেন। এখানে এক আত্মকুঞ্জে বিশ্রাম করিবার সময়ে বুদ্ধ আনন্দকে নিভূতে আহ্বান করিয়া বলিলেন—
“আনন্দ! পরিনির্কীর্ণভের শুভমূহূর্ত্ত উপস্থিত হইয়াছে। দেখ, আমার মৃত্যুতে শোকাভিভূত হইয়া কেহ হয় ত এই কথা বলিয়া চূন্দের মনে বেদনা জন্মাইতে পারেন যে, তাহারই অন্নগ্রহণ করিয়া আমার জীবনবিয়োগ ঘটিয়াছে। কিন্তু তুমি চূন্দকে সাহুনা দিবার জ্ঞান করিও—“চূন্দ, তথাগত তোমারই হস্তে শেব আহার গ্রহণ করিয়া পরিনির্কীর্ণ লাভ করিয়াছেন, ইহা তোমার পক্ষে পরম মঙ্গল, পরম লাভ। আমি তাঁহারই মুখে শুনিয়াছি, জীবনে দুইটী মাত্র মহৎ ভোজ্য তিনি দানরূপে গ্রহণ করিয়াছেন, এই দুইটী ভোজ্যই তিনি তুল্য কল্যাণ ও তুল্য কল্যাণকর মনে করিয়াছেন। স্নজাতার হস্তে মহামূল্য আহার গ্রহণ করিয়া তিনি বোধিসাত্ত্ব করিয়াছিলেন। অপর একদিন তোমারই হস্তে শেব আহার গ্রহণ করিয়া তিনি পরিনির্কীর্ণ প্রাপ্ত হইয়াছেন।”

আত্মকুঞ্জে কিছুকাল বিশ্রাম করিয়া বুদ্ধ আনন্দকে কহিলেন—
“চল আনন্দ, আমরা কুশীগরের উপপত্তনে শালবনে গমন করি।”
যথাসময়ে ভিক্ষুগণসহ বুদ্ধ মল্লদের শালকুঞ্জে উপস্থিত হইলেন। তাঁহার আদেশ শিরোধার্য্য করিয়া, আনন্দ দুইটী পল্লবিত শালতরুর অবকাশস্থলে উচ্চমঞ্চে শয্যা রচনা করিলেন। বুদ্ধ উত্তরশীর্ষ হইয়া তথায় শয়ন করিলেন এবং আনন্দকে ধীরকণ্ঠে কহিলেন—
“আজ রাত্রির শেব প্রহরে আমার পরিনির্কীর্ণ লাভ হইবে,

তুমি কুশীনগরের মল্লদিগের নিকটে অবিলম্বে এই সংবাদ প্রেরণ কর ।”

এই সময়ে সুভদ্রানামক এক জিজ্ঞাসু পরিব্রাজক কুশীনগরে অবস্থান করিতেছিলেন। বুদ্ধদেবের আগমন ও আসন্নপরিনির্বাণ-লাভের সংবাদ শ্রবণ করিয়া তিনি একান্ত উৎসুকচিত্তে ধর্মবিষয়ক কয়েকটি সন্দেহভঞ্জনের নিমিত্ত তাঁহার সহিত দেখা করিতে চাহিলেন। শালকুঞ্জে আগমন করিয়া সুভদ্র বুদ্ধের সমীপবর্তী হইবার উত্তোগ করিলেন। আনন্দ তাঁহাকে বাধা প্রদান করিয়া জানাইলেন, “মহাত্মন, বুদ্ধ এখন নিরতিশয় ক্লান্ত আছেন, আপনি এমন সময়ে তাঁহাকে বিরক্ত করিবেন না।” সুভদ্রের অভিপ্রায় অবগত হইয়া বুদ্ধ কহিলেন—আনন্দ, সুভদ্রকে আমার কাছে আসিতে বারণ করিও না, তাহাকে এইখানে আসিতে দাও।

সুভদ্র বুদ্ধের সমীপে উপস্থিত হইয়া তাঁহার পরিজ্ঞাত নানা বিরোধী ধর্মমত জ্ঞাপন করিলেন এবং আপনার মনের সংশয় নিবেদন করিয়া মোনী হইলেন। বুদ্ধ বলিলেন—সুভদ্র, তোমার প্রশ্নের সুমীমাংসা করিবার সময় আমার নাই। আমি তোমাকে সত্য শিক্ষা দিব, তুমি প্রণিধান কর :—

যে ধর্ম্মে সম্যক্ দৃষ্টি, সম্যক্ সংকল্প, সম্যক্ বাক্, সম্যক্ কর্ম্মাস্ত, সম্যক্ আজীব, সম্যক্ ব্যায়াম, সম্যক্ স্মৃতি এবং সম্যক্ সমাধি এই অষ্ট আধ্যমার্গের উপদেশ নাই সেই ধর্ম্মাবলম্বীদের মধ্যে শ্রমণ থাকিতে পারে না। এই আষ্টাঙ্গিক পথে বিহরণ করিয়া ধর্ম্মার্থীরা কল্যাণ লাভ করিতে পারেন। সুভদ্র, আমি ঊনত্রিংশ বৎসর বয়সে গৃহত্যাগী হইয়া কল্যাণের সন্ধানে প্রবৃত্ত হইয়াছিলাম,

বুদ্ধের জীবন ও বাণী

পরিব্রাজকরূপে বিরাট ধর্মক্ষেত্রে আমি একাল বৎসরকাল বিহরণ করিয়াছি। আষ্টাঙ্গিক আধ্যাত্মিক ব্যতীত সদ্ব্যর্থসাধনের আমি দ্বিতীয় কোনো পন্থা জানি না।

সুভদ্র বিন্সয়াভিভূত হইয়া উত্তর করিলেন—প্রভো, আপনার শ্রীমুখের বাণী অতীব মধুর। আপনার প্রসাদে আজ সত্য বিচিত্র-রূপে আমার নিকট প্রকাশিত হইল। পথভ্রান্ত পথ পাইল, যাহা প্রচ্ছন্ন ছিল তাহা প্রকাশিত হইল, আলোকের আবির্ভাবে অন্ধকার অন্তর্হিত হইল। প্রভো, আমাকে আপনার জীবিতকালেই শিষ্যরূপে গ্রহণ করিয়া কৃতার্থ করুন। বুদ্ধের আদেশক্রমে সুভদ্র সংঘে প্রবেশাধিকার লাভ করিলেন।

অতঃপর বুদ্ধ আনন্দকে সঙ্ঘোদন করিয়া বলিলেন—ভাই আনন্দ, আমার মৃত্যুর পরে তোমাদের কেহ চালক রহিলেন না, এমন চিন্তা যেন কদাচ তোমাদের মনে স্থান পায় না। আমি তোমাদিগকে যে সকল সত্য শিক্ষাদান করিয়াছি, সেই সকল সত্য এবং সংঘের নিয়মাবলীই তোমাদের পরিচালক হইবে।


আনন্দ, এতকাল সংঘের ভ্রাতৃগণ পরস্পর বন্ধু বলিয়া সঙ্ঘোদন করিয়াছেন ; কিন্তু এখন হইতে যেন বয়ঃকনিষ্ঠ নবীন ভিক্ষুরা প্রাচীন ভিক্ষুদিগকে “ভস্তে বা আয়স্মা” অর্থাৎ মাননীয় বা পূজনীয় বলিয়া সঙ্ঘোদন করেন। বয়োজ্যেষ্ঠ ভিক্ষুরা নব্য ভিক্ষুদিগকে নাম বা গোত্র উল্লেখ করিয়া “আবুসো” অর্থাৎ বন্ধু বলিয়া সঙ্ঘোদন করিবেন।

অনন্তর তিনি ভিক্ষুমণ্ডলীকে সঙ্ঘোদন করিয়া বলিলেন—ভিক্ষু-গণ, আমার প্রচারিত ধর্মের কোনো বিষয়ে যদি আপনাদের মনে


কোনো সন্দেহ থাকে, আপনারা তাহা অকপটে প্রকাশ করুন। বুদ্ধ একবার দুইবার তিনবার এইরূপ প্রশ্ন করিলেন, তথাপি ভিক্ষুগণ মোনাবলম্বন করিয়া রহিলেন। কিয়ৎকাল পরে আনন্দ বলিলেন, —প্রভো, আপনার প্রবর্তিত ধর্মের কোন বিষয়ে কাহারো মনে সন্দেহ নাই।

পরিশেষে বুদ্ধ স্মৃঢ়কণ্ঠে ভিক্ষুদিগকে বলিলেন,—সংযোগোৎপন্ন দ্রব্যমাত্রেরই বিনাশ অবশুস্তাবী, আপনারা অবিচলিত অধ্যবসায় অবলম্বন করিয়া নির্ব্বাণ পদ লাভ করুন।

ইহাই মহাপুরুষ বুদ্ধের শেষ বাণী। উল্লিখিত বাক্য উচ্চারণ করিয়া তিনি গভীর ধ্যানে নিমগ্ন হইলেন, তাঁহার সেই মহাধ্যান আর ভঙ্গ হইল না—তিনি ধ্যানপ্রভাবে আনন্দলোকে মহাপ্রস্থান করিলেন।



ସାଗୀ



বুদ্ধের সার্বভৌমিকতা

সমগ্র পৃথিবী ঘাঁহাদিগকে মহামানব বলিয়া বন্দনা করিয়া থাকে, তাঁহাদের জীবন ও বাণী-অবলম্বনে ক্ষুদ্র বৃহৎ সম্প্রদায়ের সৃষ্টি হইয়া থাকিলেও তাঁহারা সাম্প্রদায়িক সংকীর্ণতার বহু উর্দ্ধে বিরাজ করিয়া থাকেন। জ্ঞানে বিজ্ঞানে ভাষায় আচারে আকারে বর্ণে গুণে মানুষে মানুষে বৈষম্য আছে এবং চিরকালই থাকিবে ; এত সব ভেদবিভেদ-সত্ত্বেও মানুষের আত্মা দেশদেশান্তরের মানবের সহিত আপনার ঐক্যানুভূতির নিমিত্ত ক্রন্দন করিয়া থাকে। সাধারণতঃ যে সমাজের মধ্যে মানুষ জন্মগ্রহণ করে, সেই সমাজ তাহার মনের উপর অসামান্য প্রভাব বিস্তার করিয়া থাকে ; দেশাচার, লোকাচার এবং বংশগৌরব ইত্যাদি নানা কৃত্রিম ব্যবধান ধর্মের নাম ধারণ করিয়া তাহার শুভবুদ্ধিকে আচ্ছন্ন করিয়া রাখে। এক একটি সমাজ বা সম্প্রদায় এমনি করিয়া শত শত নরনারীকে আপন আপন পরিকল্পিত প্রাচীরमध्ये বদ্ধ করিয়া রাখিয়া থাকে। অভ্যস্ত ও সুপরিচিত সীমার মধ্যে চলিয়া-ফিরিয়া মানুষের বুদ্ধি এমন জড়তাপ্রাপ্ত হইয়া থাকে যে, গভীর মধ্যে বাস করাই সে সুখকর বলিয়া মনে করে এবং গভী অতিক্রম করিয়া বাহিরের সহিত আপনার যোগসাধন করিবার নিমিত্ত কোনো উৎসাহ বোধ করে না। এইরূপ দেখা যায় যে, প্রত্যেক সমাজের বা সম্প্রদায়ের মধ্যে এমন এক-এক জন প্রতিভাশালী মহাত্মার আবির্ভাব

বুদ্ধের জীবন ও বাণী

হইয়া থাকে, তাঁহাদের মঙ্গলবুদ্ধি কখনো সাম্প্রদায়িক সংকীর্ণতাকে স্বীকার করে নাই, তাঁহারা সাম্প্রদায়িক গণ্ডী অতিক্রম করিয়া এমন এক উদার রাজবৈশিষ্ট্য দাঁড়াইয়া মানুষকে আহ্বান করেন যে, সেখানে আসিয়া তাঁহাদের সহিত সম্মিলিত হইতে কোনো দেশের কোনো কালের মানুষ সঙ্কোচ বোধ করে না।

সার্কি দ্বিসহস্র বৎসর পূর্বে ভগবান্ বুদ্ধদেব মুক্তির এমনি একটি উদার রাজপথে বিশ্বের সকল মানবকে আহ্বান করিয়াছিলেন; সেখানে সমবেত হইতে কোনো মানুষের চিত্ত বাধাপ্রাপ্ত হইতে পারে না। তিনি তাঁহার অনুগামী শিষ্যদিগকে বলিয়াছেন—গঙ্গা যমুনা প্রভৃতি বড় বড় নদী নানা দিগদেশ হইতে উৎপন্ন হইয়াও, যেমন সমুদ্রে মিলিয়া আপনাদের স্বতন্ত্র সত্তা ও নাম হারাইয়া ফেলে, তেমনি ব্রাহ্মণ ক্ষত্রিয় বৈশ্য শূদ্র প্রভৃতি সকল-জাতীয় মানব সত্যধর্ম গ্রহণ করিবামাত্র তাহাদের জাতি ও গোত্র হারাইয়া থাকে। ক্ষৌরকার উপালি হীনজাতি হইয়াও মহাপুরুষ বুদ্ধের দক্ষিণহস্ত হইলেন; নবধর্মের মহিমায় তিনি আর শূদ্র রহিলেন না, তিনি পরম সাধু, অর্হৎ এবং সত্যধর্মের ব্যাখ্যাতা হইয়া পরম সম্মান লাভ করিলেন।

বুদ্ধের বাণী এক সময়ে ভারতীয় পতিতদিগের কর্ণে অভয়মন্ত্র শুনাইয়াছে এবং তাঁহার প্রচারিত ধর্ম তাহাদিগকে আশ্রয় দান করিয়াছিল, ইহা নিঃসন্দেহ। খেরগাথায় একজন খের নিজ মুখে আপনার জীবনকাহিনী এইরূপ ব্যক্ত করিয়াছেন:—নীচ কুলে আমার জন্ম, আমি দীন দরিদ্র ছিলাম, আমার ব্যবসায়ও অতি নীচ ছিল। লোকে আমাকে অবজ্ঞা করিত। আমি অবনত-

মস্তকে সকলকে সম্মান দেখাইতাম। অতঃপর আমি মহানগরী মগধে ভিক্ষুসমভিষাহারী মহাপুরুষ বুদ্ধদেবের দর্শন পাই। তাঁহার দর্শনমাত্র আমার চিত্ত ভক্তিতে অবনত হইল, আমি মাথার বোঝা ছুঁড়িয়া ফেলিয়া তাঁহার শ্রীপাদপদ্মে আত্মসমর্পণ করিলাম। সেই লোকশ্রেষ্ঠ আমার প্রতি করুণা করিয়া দণ্ডায়মান হইলে, আমি তাঁহার অনুগামী শিষ্য হইবার অধিকার চাহিলাম। করুণাময় প্রভু তৎক্ষণাৎ আমাকে সঙ্ঘোদন করিয়া কহিলেন— আইস সাধু, আমার সহিত আইস।

বুদ্ধের জীবনকাহিনী পাঠ করিয়া অবগত হওয়া যায় যে, তিনি অসঙ্কোচে পতিতা বারাসনা আশ্রমপালীর গৃহে অন্ন গ্রহণ করিয়াছিলেন ; তাঁহার এই ব্যবহারের তাৎপর্য্য গ্রহণ করিতে না পারিয়া লিচ্ছবিরাজগণ অসন্তোষ প্রদর্শন করায়ও তিনি বিন্দুমাত্র বিচলিত হন নাই। মহাপুরুষের করুণার শুভ্ররশ্মিসম্পাতে পতিতা নারীর চিত্তশতদল নিমেষমধ্যে প্রস্ফুটিত হইয়াছিল এবং তাহার মনোহর সুগন্ধ সমগ্র বৌদ্ধসমাজকে বিম্মিত করিয়াছিল।

সকল মানবের বরণীয় এই মহাপুরুষ অনর্থকর জাতিভেদ, ধন-গোরব, পদগোরব প্রভৃতি অগ্রাহ্য করিতেন বলিয়াই উচ্চ নীচ, ধনী দরিদ্র, আৰ্য্য অনাৰ্য্য সকলের চিত্তে তাঁহার বাণী অবোধে প্রবেশ লাভ করিয়াছিল, এবং তাঁহার বাণী সার্বভৌম বলিয়া সর্বপ্রথমে ভারতের পতিত জাতি উহা আনন্দে গ্রহণ করিয়াছিল।

হাঁ, একথা স্বীকার্য্য যে বুদ্ধদেব ব্রাহ্মণ এবং শ্রমণকে তুল্যরূপে সম্মান দেখাইতে বলিয়াছেন। কিন্তু তিনি ব্রাহ্মণ বলিয়া স্বীকার করেন কাঁহাকে ? ধম্মপদে উক্ত হইয়াছে :—

বুদ্ধের জীবন ও বাণী

“যিনি গভীর-প্রজ্ঞ, মেধাবী, সত্যাসত্য পথপ্রদর্শনে পণ্ডিত, উত্তমপদ-নির্মাণ-প্রাপ্ত আমি তাঁহাকে ব্রাহ্মণ বলি।”

“আপনার হৃৎথের ক্ষয় হইয়াছে জানিয়া, যিনি এই সংসারেই ভারশূন্য ও বন্ধনমুক্ত তাঁহাকে আমি ব্রাহ্মণ বলি।”

“যিনি বৈরীদিগের সহিত মিত্রভাব দেখাইয়া থাকেন, দণ্ড-বিধানকারীর প্রতি সম্ভাব্যভাব দেখাইয়া থাকেন এবং সংসারী-দিগের মধ্যে অনাসক্ত আমি তাঁহাকে ব্রাহ্মণ বলি।”

মহাপুরুষ বুদ্ধের মতে বাহ্য কোনো কারণে কিংবা আকস্মিক জন্ম হেতু কেহ ব্রাহ্মণ হইতে পারে না। ধর্মপদে উক্ত হইয়াছে :—

। “জটধারণদ্বারা, গোত্রদ্বারা এবং জাতিদ্বারা কেহ ব্রাহ্মণ হয় না। কিন্তু যিনি ধর্ম্যে ও সত্যে প্রতিষ্ঠিত তিনিই শুচি ও ব্রাহ্মণ।”

সুতরাং একথা স্বীকার করিতেই হইবে যে ভগবান্ বুদ্ধ বংশানুগত জাতিভেদকে আদৌ গ্রাহ্য করিতেন না।

“বৃষলহৃত্রে” তিনি তাঁহার এই অভিমত অতি স্পষ্ট ভাষায় অগ্নিভরদ্বাজের নিকট ব্যক্ত করিয়াছেন। তিনি বলিয়াছেন—
জন্ম হেতু কেহ ব্রাহ্মণ বা চণ্ডাল হয় না, কর্ম দ্বারাই মানুষ ব্রাহ্মণ, কর্ম দ্বারাই মানুষ চণ্ডাল হইয়া থাকে। উক্তহৃত্রে তিনি চণ্ডালের নিম্নলিখিত লক্ষণ নির্দেশ করিয়াছেন :—

“যে পাপাচার কপটী ক্রোধী ও হিংসক, যে অসত্য দর্শন আশ্রয় করিয়াছে, যে মায়াবী, যে সর্বদা প্রবঞ্চনা করে, সেই ব্যক্তি চণ্ডাল।”

“যে ব্যক্তি নিজ হস্তে পশু পক্ষী প্রভৃতি জীবদিগকে হিংসা করে, যে নিষ্ঠুর, সেই ব্যক্তি চণ্ডাল।”

“যে অকারণ অন্তকে নিগৃহীত করে, যে পরের ধন অপহরণ

করে, যে ঋণগ্রস্ত হইয়া সেই ঋণ অস্বীকার করে, যে অর্থলোভে
অন্তের জীবন নাশ করে, যে ব্যভিচার করে, সেই ব্যক্তি চণ্ডাল।”

“যে অতীত-যৌবন ও জরাক্লিষ্ট জনক জননীর সেবা করে
না, বাক্যবাণে স্বজনদিগকে জ্বালাতন করে, সেই ব্যক্তি চণ্ডাল।”

“লোকে ভাল পরামর্শ চাহিতে আসিলে, যে মন্দ পরামর্শ দেয়,
সত্য গোপন করিয়া যে মিথ্যা বলে, সেই ব্যক্তি চণ্ডালের প্রধান।”

“যে ব্যক্তি অহঙ্কারে মত্ত হইয়া আপন মুখে আপনার প্রশংসা
করে, ঘৃণাপূর্বক অন্তকে নিন্দা করে, সেই ব্যক্তি চণ্ডাল।”

সাধুশীল ঋপচও ইহলোকে এবং পরলোকে কিরূপ সুখশান্তি
লাভ করে, বুদ্ধদেব তাহা দৃষ্টান্তদ্বারা ব্যাখ্যা করিয়াছেন। তিনি
বলিয়াছেন—“মাতঙ্গ নামক এক চণ্ডালনন্দন কামক্রোধাদি
বিসর্জন করিয়া পরম সাধু হইয়াছিলেন। তাঁহার অনন্ত-স্থলভ
যশ সর্বত্র পরিব্যাপ্ত হওয়ার দলে দলে ব্রাহ্মণ ক্ষত্রিয় আসিয়া
তাঁহাকে বন্দনা করিত। মৃত্যুর পরে তিনি মহানন্দে ব্রহ্মলোকে গমন
করিয়াছিলেন। পক্ষান্তরে অধ্যাপককুলজাত এক ব্রাহ্মণনন্দন
বেদমন্ত্রে সুশিক্ষিত হইয়াও পাপাচারী হইয়াছিল। সে ইহলোকে
কদাচ শান্তি লাভ করে নাই, পরলোকেও নিরয়গামী হইয়াছিল।
কুল ও বেদজ্ঞান তাহাকে পতন হইতে রক্ষা করিতে পারে নাই।

বুদ্ধের জ্ঞানগর্ভ সরল বাণী অগ্নিভরদ্বাজের হৃদয় স্পর্শ করিয়া-
ছিল, তিনি জাতিগোত্রের অভিমান ত্যাগ করিয়া তাঁহার শিষ্য
হইলেন।

সমাজ যাহাদিগকে পতিত বলিয়া উপেক্ষা করিত, বুদ্ধদেব কদাচ,
তাহাদিগকে পতিত বলিয়া উপেক্ষা করেন নাই। তিনি সকলের

বুদ্ধের জীবন ও বাণী

বোধগম্য সরল আখ্যানের দ্বারা দেশপ্রচলিত ভাষায় তাহাদিগকে নির্ঝাঁগের অমৃতময়ী বাণী শুনাইয়াছেন। তিনি পতিতকে টানিয়া তুলিলেন, পথভ্রাস্তকে পথ দেখাইলেন, অন্ধকারে নিমজ্জিত চক্ষুমান্দিগের সম্মুখে করুণার রসধারাপূর্ণ প্রজ্বলিত জ্ঞানের প্রদীপ ধারণ করিলেন।

বৌদ্ধধর্মের ইতিবৃত্তপাঠে অবগত হওয়া যায় যে, অভ্যুদয়-মাত্রেই এই ধর্ম অনার্য্যপ্রধান মগধে অপেক্ষাকৃত অধিকসংখ্যক লোকের মধ্যে প্রচারিত হইয়াছিল; এবং খৃষ্টপূর্ব তৃতীয় শতাব্দীতে যখন এই অনার্য্যপ্রধান মগধের রাজশ্রীর সম্মুখে সমস্ত ভারত মাথা নত করিয়াছিল, তখনই রাজশক্তির পৃষ্ঠপোষণে বৌদ্ধ-ধর্ম সমস্ত ভারতের ধর্ম্মে পরিণত হইয়াছিল।

মহাপুরুষ বুদ্ধের চিন্ত যদি কোনো কৃত্রিম বাধাকে স্বীকার করিত, তাহা হইলে কিছুতেই এই ধর্ম্ম পতিতকে নবপ্রাণ দান করিতে পারিত না এবং গিরি নদী সমুদ্র প্রভৃতি নৈসর্গিক বাধা লঙ্ঘন করিয়া নানাভাষাভাষী জনগণের বিচিত্র সমাজে প্রতিষ্ঠা লাভ করিত না। বৌদ্ধধর্ম্ম পৃথিবীর একটা প্রধান ধর্ম্মে পরিণত হইয়া ইহার অত্যুচ্চ উদারতারই সাক্ষ্য দান করিয়াছে। বুদ্ধের বাণী এক সময়ে ভারতে অমৃতসেচন করিয়া অত্যাশ্চর্য্য সাহিত্য বিজ্ঞান শিল্প প্রভৃতির সৃষ্টি করিয়াছিল। ভারতের সেই অতীত যুগের সত্যতাভাঙার হইতে এখনো সর্ব্বদেশের সুধীগণ নব নব রত্ন-আহরণের চেষ্টা করিতেছেন। মহাপুরুষ বুদ্ধ যাহা দান করিয়াছেন, তাহা সার্বভৌম বলিয়া সর্ব্ব পৃথিবী গ্রহণ করিয়াছেন এবং চিরকাল করিবে, ইহা স্রব সত্য।

বুদ্ধের আহ্বান

আধ্যাত্মিক উন্নতির কোনো খানে সীমারেখা টানিবার উপায় আর নাই। যাহা চরম তাহা একসময়ে মানুষের কাছে আপনি প্রকাশিত হয়, কিংবা সেই অনির্বচনীয়তার মধ্যে সাধনার শেষে সাধক একদিন স্বয়ং উপস্থিত হন। মানুষের বাক্য ইহাকে আকার দান করিয়া অতের কাছে উপস্থিত করিতে পারে না। সাধনায় সিদ্ধিলাভ করিয়া যাঁহারা এই অনির্বচনীয় লোকে উত্তীর্ণ হইয়াছেন, তাঁহারা অত্থকে এই পথের সন্ধান বলিয়া দিতে পারেন, কিন্তু সেই অনির্বচনীয় চরমকে ভাষায় প্রকাশ করিয়া বলিবেন কি করিয়া? বুদ্ধ বলেন, সাধকই আপনার উপর সম্পূর্ণ নির্ভর করিয়া নিজের অধ্যবসায়ে সমস্ত পথ অতিক্রম করিয়া যাত্রার শেষে চরমে উত্তীর্ণ হইবেন। এইজন্ত দৃঢ়কণ্ঠে সাধকদিগকে তিনি কহিতেছেন— তোমরা আপনারাই আপনাদের নির্ভরের দণ্ড হও, অস্ত্র কাহারো উপর তোমরা নির্ভর করিও না। তিনি মানবকে অনির্বচনীয় রহস্যের কথা না বলিয়া নির্ভয়ে তেজের সহিত আহ্বান করিয়া যাহা বলেন, তাহার মর্ম এই—

তোমাদিগকে অমঙ্গল হইতে মঙ্গলের মধ্যে আসিতে হইবে, তোমাদিগকে রোগ শোক জরা মৃত্যু হইতে নির্বাণের শান্তির মধ্যে আসিতে হইবে। হে নির্বাণ পথের যাত্রিদল, তোমরা আমার নিকট চলিয়া আইস, আমি তোমাদিগকে নির্বাণের সরল পথ দেখাইয়া দিব। সে পথের কোন রহস্ত আমার অবিদিত নাই।

বুদ্ধের জীবন ও বাণী

মহাপুরুষ বুদ্ধের যাহা বক্তব্য, তাহা তিনি এমন সুস্পষ্ট করিয়া অসঙ্কোচে অনন্তমূলত সরলতা ও প্রাজ্ঞলতার সহিত বলিয়াছেন যে, তাহা অনায়াসে মানবহৃদয়ে প্রবেশলাভ করিয়াছে। আবার যাহা পাওয়া যায়, অসুভব করা যায়, কিন্তু যাহা বাক্যে বলা যায় না, তাহার সম্বন্ধে তিনি একেবারেই নির্বাক ছিলেন। তিনি সর্বমানবকে ডাকিয়া কহিয়াছেন—তোমরা জড়তা ত্যাগ করিয়া জাগরিত হও; রোগ যাহাদিগকে পীড়া দেয়, দুঃখ শোকের বাণে যাহাদের হৃদয় বিদ্ধ হয়, নিদ্রা কি তাহাদের শোভা পায়? তোমরা জড়তা ত্যাগ করিয়া জাগরিত হও, শান্তিলাভের জন্ত তোমরা অনলস দৃঢ়তা অবলম্বন কর; তোমাদিগকে প্রমত্ত জানিয়া মৃত্যুরাজ তোমাদের অহুসরণে প্রবৃত্ত হইয়াছেন, সাবধান তিনি যেন তোমাদিগকে মৃত্যু প্রতিপন্ন করিয়া তাঁহার অধিকারে লইয়া না যান।

তোমরা শুভমুহূর্ত্ত চলিয়া যাইতে দিও না, দেবমানব যে বাসনার অধীন, তোমরা দ্বারায় সেই বাসনাকে জয় কর; সুযোগ হারাইলে নিরয়গামী হইয়া একদিন তোমাদিগকে অহুতাপ করিতেই হইবে।

প্রমাদই কলুষতা অতএব অপ্রমাদ ও জ্ঞানের আশ্রয় গ্রহণ করিয়া কামনার শরটি তুলিয়া ফেল।

বুদ্ধের সহজ বাক্যগুলি কি স্বভূ, কি হৃদয়স্পর্শী! তিনি মানবের নিকটে ধর্মপ্রচার করিতে যাইয়া, অবিচলিত দৃঢ়তার সহিত কহিলেন—আমি তোমাকে যে ধর্মে আহ্বান করিতেছি, তাহা মজল, তাহা অনবচ্ছ, তাহা সুধীজনের নিকট প্রশস্ত। এই শর্মাচরণ করিলে তুমি সুখ ও কল্যাণ লাভ করিবে। আইস হে

মানব, তুমি আমার নিকটে আইস, আমি তোমাকে সেকালের কোনো পুরাতন কথা বলিব না, আমি তোমাকে কোনো হুজুর রহস্যের কথা বলিব না, আমি তোমাকে পরের কথায় বিশ্বাস করিতে বলিব না ; আমি তোমাকে যাহা বলিব তাহা তুমি নিজের চক্ষু দিয়া দেখিয়া লও, বুদ্ধি দিয়া বিচার করিয়া গ্রহণ কর, ইহার সফল তুমি অবিলম্বে বুঝিতে পারিবে ; আমি যাহা বলিব সমস্ত সুস্পষ্ট ও সমস্ত সুপ্রত্যক্ষ ।

বুদ্ধদেবের বাণী ঋাহারা পাঠ করিবেন, তাঁহারা ইহার অসামান্য সরলতায় তেজস্বিতায় ও সুযুক্তিতে বিম্বিত না হইয়া থাকিতে পারিবেন না । সুখ্যালোক যেমন ধরণীর সর্বাত্ম প্রকাশিত করিয়া দেয়, মহাপুরুষ বুদ্ধের স্থির প্রজ্ঞার বিমল আলোক তেমনি মানবের সাধনমার্গের সর্বাত্ম প্রকাশিত করিয়া দিয়াছে ।

শাস্ত্রবিধি ও লোকাচারের কাছে আপনার বুদ্ধি ও যুক্তিকে বলি দিয়া মাহুষ যে সহজ সত্য বিন্ধিত হইয়াছিল, বুদ্ধদেবের নির্মল বোধ সেই সত্যকেই প্রত্যক্ষ করিয়াছিল । সুতরাং, তিনি দার্শনিকতার দিকে পাণ্ডিত্যের দিকে না যাইয়া, সকলের উপযোগী ভাষায় তাঁহার সুখকর কল্যাণকর ধর্মমত ব্যাখ্যা করিলেন । তিনি বেদ বেদান্ত তর্কশাস্ত্রের আশ্রয় ছাড়িয়া দেশবাসীর জ্ঞায়, বুদ্ধি, সাধারণ যুক্তি এবং তাহাদেরই কথিত ভাষায় শরণ লইলেন । বুদ্ধ যাহা বলিলেন, তাহা একান্ত সরল বলিয়া মানবের চিত্ত, বুদ্ধি ও বিচারশক্তি অসঙ্কোচে তাহাতে সায় দিল । এইজন্যই তাঁহার প্রচারিত ধর্মমত সর্ব বাধা অতিক্রম করিয়া অল্প দিনের মধ্যেই সমস্ত এশিয়াখণ্ডের ধর্ম হইয়াছিল ।

বুদ্ধ মানবকে কোনো ব্যর্থ আশা না দিয়া, খোলাখুলি বলিয়া দিলেন—“তুম্হেহি কিচ্চং আতপ্পং”, অর্থাৎ তোমার নিজেকেই উত্তমের সহিত মঙ্গল আচরণ করিতে হইবে, তোমাকেই আষ্টাঙ্গিক সাধুপথ ধরিয়া চলিতে হইবে, তোমাকেই ধ্যানপরায়ণ হইয়া মুক্তিলাভ করিতে হইবে, আমি কেবল পথের পরিচয় দিতে পারি মাত্র। তোমাকে জাগরিত হইতে হইবে ; তুমি আলম্ভপরায়ণ হইলে চলিবে না। তোমার চিত্তকে ও সঙ্কল্পকে জাগাইয়া তোল, কারণ “কুসীদপঞ্ণায় মগ্গং অলসো ন বিন্দ্ভতি” অর্থাৎ নির্বোধ ও অলস ব্যক্তি জ্ঞানপথ লাভ করিতে পারে না।

বুদ্ধ বলিলেন—তুমি বাক্যে ও মনে সংযত হও, শরীর দ্বারা কোনো পাপ করিও না ; এইরূপ করিলে দেহে বাক্যে ও মনে পবিত্র হইয়া তুমি ধর্মপথে বিচরণ করিতে পারিবে। পাপাভিনাশ হইতে তুমি তোমার চিত্তকে উদ্ধার কর। মহান্ জলপ্রবাহ যেমন সুপ্ত গ্রাম ভাসাইয়া লইয়া যায়, পাপপ্রমত্ত ব্যক্তিকে মৃত্যু তেমন করিয়া নিজ অধিকারে লইয়া যায়।

হে নির্বোধকামী মানব, ধর্মকে তোমার বিচরণের প্রমোদকানন কর, ধর্মকে তোমার আনন্দ কর, ধর্মে তোমার প্রতিষ্ঠান হউক, ধর্মই তোমার জ্ঞাতব্য বিষয় হউক ; বাহাতে ধর্ম জ্ঞান হইতে পারে এমন কোনো বিতণ্ডা তোমার মনে স্থান দিও না এবং সুভাষিত সত্যালোচনায় তোমার সময় অতিবাহিত হউক।

হে নির্বোধপথের বাতী, তুমি স্থিরধী ও সুপণ্ডিত সাধুর সঙ্গ কর। সুদক্ষ নাবিক যেমন অরিত্রযুক্ত দৃঢ়-নৌকায় করিয়া বহু ব্যক্তিকে তাহার পরিজ্ঞাত পথ দিয়া স্থানান্তরে লইয়া বাইতে পারে,

জ্ঞানবান্ সাধু ব্যক্তিও তেমনি তোমাকে অনায়াসে তাঁহার সুবিদিত ধর্ম ও কল্যাণের পথ দেখাইয়া দিতে পারিবেন।

চিন্তের সন্তোষ, শীলপালন ও ইন্দ্রিয়সংযম তোমার কর্তব্য বলিয়া জানিও।

শীলপালনের দ্বারা তোমার বুদ্ধিচাক্ষুস্য দূর হইলেই তুমি সুস্থানুভব করিবে এবং তোমার হৃৎ দূর হইবে। ফুলের গাছে নূতন ফুল ফুটিলে যেমন ম্লান ফুলগুলি আপনা-আপনি ঝরিয়া পড়ে, তেমনি তোমার চিত্ত পুণ্যে পবিত্রতায় মগ্নিত হইলেই কামাভিলাষ আপনি দূরীভূত হইবে। বুদ্ধিপূর্বক শীলপালন করিয়া তুমি তোমার মন আপন বশে আনয়ন কর, তাহা হইলেই পরমানন্দে বিচরণ করিতে পারিবে। আষ্টাঙ্গিক পথকে সকল পথের মধ্যে শ্রেষ্ঠ এবং চারি আর্ঘ্য সত্যকে সকল সত্যের মধ্যে শ্রেষ্ঠ বলিয়া জানিও। প্রসন্নচিত্তে এই অনুশাসনগুলি প্রতিপালন কর এবং মৈত্রীময় চিত্ত সর্বত্র প্রসারিত কর, তাহা হইলে অচিরেই তুমি সুখকর নির্বাণ লাভ করিতে পারিবে।

বৌদ্ধনীতি .

যে সাধক শ্রেয়কে লাভ করিতে চাহেন, তাঁহাকে অনলস হইয়া অন্তরে বাহিরে শুচি হইতে হইবে। এই শুচিতালাভ সাধনার ক্ষেত্রে প্রথম ও প্রধান কথা। ইহারই জন্ত ব্রহ্মচর্য্যব্রত-পালন, ইহারই জন্ত শীলগ্রহণ। অধ্যাত্মদৃষ্টি প্রস্ফুটিত না হইলে, সত্যের সাক্ষাৎকার হয় না। এইজন্তই সাধক সর্ব্বপ্রযত্নে মনকে নিশ্চল করেন। তিনি জানেন, যখনি তাঁহার মন স্বচ্ছ ও স্থির হইবে, তখনি সেখানে সত্য প্রতিবিম্বিত হইবে।

কুর্ম্ম যেমন অনায়াসে নিজ গুণ প্রত্যাহরণ করিয়া থাকে, সাধক তেমনি অভ্যাসের দ্বারা নিজের মনকে সর্ব্বপ্রকার কলুষ হইতে প্রত্যাহৃত করিতে যত্নশীল হন। মন বাহার বশীকৃত হয় নাই, তাহার ধ্যান নাই, উপাসনা নাই, স্মৃতি নাই, শাস্তি নাই। মনের গুপ্ত স্থানে যে সমুদায় পাপাভিলাষ জন্মিয়া থাকে, সেগুলি পণ্ডিত ব্যক্তির মনকেও ব্যাকুল করিয়া দেয়। সুতরাং, পাপকে পাপ বলিয়া বুঝিলেই আমরা ইহার হাত হইতে নিষ্কৃতি পাইতে পারিব এ কথা সত্য নহে। অথবা বাহিরের ব্যবহারে ভাল মানুষ্য হইলেও, সাধনার জীবনে আমরা অগ্রসর হওয়ার আশা করিতে পারি না। এইজন্তই ধর্ম্মপদে উক্ত হইয়াছে—

আকাসে চ পদং নথি সমগো নথি বাহিরে।

আকাশে যেমন পথ নাই, তেমনি বাহ্যকর্ম্মের দ্বারা মনুষ্য শ্রমণ অর্থাৎ সাধু হয় না। বাহির হইতে হস্তপদাদি কন্মেন্দ্রিয়সমূহকে সংযত

করিয়া, যদি আমরা মনে মনে পাপানুধ্যানে নিরত থাকি, তাহা হইলে আমরা কেমন করিয়া সত্যভের আশা করিতে পারি? সত্য বল, ধর্ম বল সকলি মনের ব্যাপার। ধর্মপদে উক্ত হইয়াছে,—
 ধর্ম মন হইতেই উৎপন্ন হয়। আমাদের বাক্যকে, আমাদের কার্যকে মনের নির্মলতা দ্বারা আচ্ছন্ন করিতে হইবে।

মনসা চে পসন্নেন ভাসতি বা করোতি বা।

ততো নং সুখমম্বেতি ছায়া ব অনপায়িনী ॥

যদি কেহ নির্মলাস্তঃকরণে কথা কহেন কিংবা কার্য করেন, তবে সুখ তাঁহাকে সর্বদা ছায়ার ছায় অনুসরণ করে।

আবার অত্র পক্ষে বলা হইয়াছে :—

মনসা চে পহুট্টেন ভাসতি বা করোতি বা।

ততো নং দুঃখমম্বেতি চক্কং চ বহতো পদং ॥

যদি কেহ দূষিত মনে কথা কহে বা কার্য করে, তবে চক্র যেমন ভারবাহী বলীবর্দের পদাঙ্ক অনুসরণ করে, দুঃখও তাহাকে সেইরূপ অনুসরণ করে।

যিনি সুখার্থী, যিনি ধর্মার্থী, তাঁহাকে যেমন করিয়া হউক, নিজের মনকে স্ববশে আনিতে হইবে এবং মনটিকে সর্ববিধ মলিনতা হইতে মুক্ত করিয়া শুদ্ধ ও তেজস্বী করিতে হইবে। এইজন্তই বুদ্ধদেব বিশ্বাসীদিগকে শীল গ্রহণ করিতে বলিয়াছেন। বৌদ্ধ সাধনার শীলই নির্বাণের পাত্বেয়। শীলগুলি চরিত্রকে বলিষ্ঠ করে এবং চরিত্রকে গড়িয়া তোলে। সুতরাং, সাধনার পথে অগ্রসর হইবার সম্বলই শীল। “সুখং যাব জরা সীলং”—বার্দ্ধক্যপর্য্যন্ত শীলপালন সুখকর।

বুদ্ধের জীবন ও বাণী

বৌদ্ধশীলগুলি আলোচনা করিলে, আমরা এইগুলির মধ্যে বুদ্ধদেবের একটি আশ্চর্য্য প্রতিভার পরিচয় পাই। নীতিশাস্ত্রের যে দিকটা মানুষের বাহ্য আচার ব্যবহার নিয়মিত করে, তাঁহার প্রবর্তিত শীলগুলি সে দিকটা উপেক্ষা করে নাই, অথচ নীতিশাস্ত্রের যে দিকটা মানবের মনকে কল্যাণের পথে লইয়া যায়, সেই দিকটার উপর তিনি প্রথম দৃষ্টি রাখিয়াছেন। ইহলোক ও পরলোকের সুখকামনায যাগ যজ্ঞ বাহ্যক্রিয়া-কলাপকে বুদ্ধদেব সুদূতকণ্ঠে একান্ত-নিষ্ফল বলিয়া ঘোষণা করিয়াছেন ; ইন্দ্রিয়বিজয় ও চরিত্রসংশোধন করিয়া, দয়াদাক্ষিণ্যমৈত্রীমূলক কল্যাণব্রত-সাধনকেই তিনি শ্রেয়ো-লাভের একমাত্র পন্থা বলিয়া নির্দেশ করিয়াছেন। সুপরিচালিত চিত্ত দ্বারাই আমরা শ্রেয়োলাভের আশা করিতে পারি, বাহ্য অনুষ্ঠানের দ্বারা নহে। এইজন্তই বুদ্ধদেব বলিয়াছেন :—

ন তং মাতাপিতা কয়িরা অঞ্ঞে বাপি চ ঞ্জাতকা ।

সম্মাপণিহিতং চিত্তং সেয্যসো তং ততো করে ॥

সম্যক্‌পরিচালিত চিত্ত মানুষের যেরূপ শ্রেয়ঃ করিয়া থাকে, মাতা পিতা কিংবা অন্য কোনো আত্মীয় তেমন পারেন না।

বৌদ্ধনীতি বিশ্বাসীর আচরণ, কার্য্য ও ভাবনা এই তিনকেই সুখকর ও কল্যাণকর করিয়া তোলে। সাধু বৌদ্ধ কদাচ নিশ্চেষ্ট থাকিবেন না, সমগ্র মানবজাতির কল্যাণসাধনে আপনাকে তিনি নিরন্তর নিযুক্ত রাখিবেন। সাধু বৌদ্ধ আপনার চিত্তকেও কদাচ অনাবৃত রাখিবেন না, মঙ্গল ভাবনা দ্বারা তিনি তাঁহার চিত্তকে আচ্ছাদিত করিয়া রাখিবেন। বুদ্ধ বলেন :—

যথাগারং সূচ্ছনং বুট্ঠী ন সমতি বিজ্জাতি ।

এবং সুভাবিতং চিত্তং রাগো ন সমতি বিজ্জাতি ॥

যেমন সূন্দররূপে আচ্ছাদিত গৃহ ভেদ করিয়া বৃষ্টি প্রবেশ করিতে পারে না, সেইরূপ সুভাবিত চিত্ত ভেদ করিয়া পাপাসক্তি প্রবেশ করিতে পারে না ।

বৌদ্ধনীতি মানবকে পাপ হইতে নিবৃত্ত করিয়া কল্যাণের পথে আহ্বান করিয়াই ক্ষান্ত হয় নাই, মানবকে অতঞ্জিত হইয়া পুণ্য কর্ম সাধন করিতে বলিতেছে । বুদ্ধ বলিতেছেন :—

অভিথরেথ কল্যাণে পাপা চিত্তং নিবারয়ে ।

দন্ধং হি করাতো পুণ্ণং পাপস্মিৎ রমতী মনো ॥

কল্যাণলাভের জন্ত তোমরা অতি দূরায় ধাবমান হও, পাপ হইতে মনকে নিবৃত্ত কর । আলস্যের সহিত পুণ্যকর্ম করিলে মন পাপে রত হইয়া থাকে ।

বুদ্ধদেব বাহু অনুষ্ঠানক্রিয়াকলাপের উপকারিতায় বিশ্বাস করিতেন না ; প্রাণহীন শ্রদ্ধাহীন পুণ্য কার্যও তেমনি তিনি অকল্যাণকর মনে করিতেন । যতক্ষণপর্যন্ত আমরা অমুরাগের সহিত পুণ্যকার্য না করি, ততক্ষণপর্যন্ত সেগুলি আমাদের নিকট সুখকর ও কল্যাণকর হয় না । এইজন্ত পুণ্যকর্ম পুনঃ পুনঃ শ্রদ্ধাপূর্বক করিতে হয় । তাহা হইতেই ঐ পুণ্যানুষ্ঠানগুলির প্রতি আমাদের হৃদয়ের স্বাভাবিক প্রবণতা জন্মিয়া থাকে । বুদ্ধ বলিতেছেন—

পুণ্ণং পুরিসো কয়িরা কয়িরাথেনং পুনঙ্গুনং ।

তম্হি ছন্দং কয়িরাথ সুখো পুণ্ণংসু উচ্ছয়ো ॥

বুদ্ধের জীবন ও বাণী

যদি কোন ব্যক্তি পুণ্যকর্ম করে, তাহা হইলে সে যেন ইহা পুনঃ পুনঃ করে—যেন ইহাতে তাহার অনুরাগ জন্মায় ; কারণ পুণ্যসঞ্চয় সুখকর ।

পুণ্যানুষ্ঠানকে আমাদের সহজ করিয়া ফেলিতে হইবে, কর্তব্য-বোধে নয়, অন্তরের অনুরোধে নয় ; নিজের মনের আনন্দে আমাদের পুণ্য আচরণ করিতে হইবে। পাখী যেমন মনের আনন্দে গান গায়, ফুল যেমন সহজে ফুটিয়া উঠে, তেমনি আনন্দে তেমনি সহজে আমরা আপনাদিগকে কল্যাণ ব্রতে নিয়োজিত করিব। অভ্যাস দ্বারা পুণ্যানুষ্ঠানগুলি যখন এমন অনায়াস হইয়া উঠে, তখনই সেগুলি মঙ্গল হইয়া উঠে। বুদ্ধ বলেন :—

ভদ্রো পি পস্‌সতি পাপং যাব ভদ্রং ন পচতি

যদা চ পচতি ভদ্রং অথ ভদ্রো ভদ্রানি পস্‌সতি ॥

যাবৎ পুণ্যকর্ম পরিপাক প্রাপ্ত না হয়, তাবৎ সাধু ব্যক্তি পুণ্য কর্মের মধ্যেও অশুভ দর্শন করিয়া থাকেন ; কিন্তু যখন পুণ্যকর্ম পরিপক্ব হয়, তখন তিনি মঙ্গল দর্শন করেন। পরিপক্ব বস্তু যেমন আমাদের রক্তমাংসে পরিণত হইয়া আমাদেরই অঙ্গীভূত হইয়া থাকে, অভ্যাস দ্বারা পুণ্যচরণকে তেমনি আমাদের মনের সহজ বিষয় করিয়া ফেলিতে হইবে। মন যখন এইরূপ স্বাভাবিক পুণ্যপ্রভার মগ্নিত হইবে, তখনই আমাদের প্রত্যেক অনুষ্ঠান মঙ্গল হইয়া উঠিবে।

বাস্তবতার দিকে বৌদ্ধধর্মের ঝোঁক থাকিলেও নীতির ক্ষেত্রে এই ধর্ম ভাবকে অতি উচ্চ আসন দিয়াছে। বৌদ্ধনীতি জোরের সহিত এই কথাই প্রচার করিয়া থাকে যে, ভূমি যাহা বল, তুমি

যাহা কর, সমস্তই মন হইতে বলিবে মন হইতে করিবে। মন হইতেই ধর্ম উপন্ন বলিয়া মন হইতেই তোমাকে হইয়া উঠিতে হইবে। তুমি যে শীল গ্রহণ করিবে তাহা স্বেচ্ছায় প্রবৃত্ত শীল হইবে, সে সমুদায় কতগুলি বিধির অচলগতী হইয়া তোমাকে চাপিয়া ধরিলে চলিবে না। তুমি যে শীলকে স্বীকার করিবে তাহা স্বাধীন শীল হইবে। লোকযশঃ কিংবা অর্থলাভের জন্ত তোমার শীল আচরিত হইবে না। তুমি যে মঙ্গল কার্যের অনুষ্ঠান করিবে, তাহা বিমূঢ়ের অভ্যস্ত আচার হইলে চলিবে না, তাহা সমাগ্জ্ঞানপূর্ব্বক আচরিত হইবে। বুদ্ধদেব বলেন—

অন্তদখমভিঞ্জ্ঞায় সদত্থপমুতো সিয়া।

নিজের মঙ্গলকর কার্য সম্যগ্রূপে জানিয়া তাহাতে নিবিষ্ট থাকি কর্তব্য। ভিতর হইতে মানুষ ভাল না হইলে, সে ভাল হওয়ার কোনো ফল নাই বলিয়া, বুদ্ধ বলিয়াছেন—তোমরা মনের ক্রোধ ত্যাগ করিবে, মনকে সংযত করিবে, মনের হুঁষ্ট আচরণ ত্যাগ করিয়া মনের দ্বারা সংকল্প সাধন করিবে। তিনি তাঁহাকেই বথার্থ সুসংযত বলেন, যাহার দেহ বাক্য এবং মন এই তিনই সুসংযত। তিনি বলেন, প্রেম দ্বারা ক্রোধ, মঙ্গল দ্বারা অমঙ্গল, নিঃস্বার্থতা দ্বারা স্বার্থ এবং সত্য দ্বারা মিথ্যা জয় কর। যে অপকার করে তাহার প্রতি ক্রোধ না করিয়া প্রেম দান কর। যে যত অপকার করে, তাহার তত উপকার কর। সংগ্রামে যে লক্ষ লোককে জয় করে সে প্রকৃত বিজয়ী নহে, যে আপনাকে জয় করিয়াছে সেই প্রকৃত বিজয়ী। যে তোমার শত্রু সে তোমার কি অপকার করিতে পারে? তোমার গুরুতর অনিষ্ট করে তোমারই বিপদগামী

বুদ্ধের জীবন ও বাণী

মন। সুতরাং, তোমার চঞ্চল মন, যাহা সর্বদা পরিভ্রমণ করিয়া থাকে, তাহাকে সংযত কর, বহু কল্যাণ হইবে। সংযত মনই সুখ আনয়ন করে। পাপ ও পুণ্য সমস্তই তোমার নিজকৃত। অত্ন কেহ তোমাকে পবিত্র করিতে পারিবে না।

বুদ্ধ বলেন, মনকে নিষ্কলুষ করিতে হইলে (১) প্রাণীহত্যা করিও না, (২) যাহা তোমাকে দেওয়া হয় নাই, তাহা তুমি গ্রহণ করিও না, (৩) ব্যভিচার করিও না, (৪) মিথ্যা কহিও না, (৫) সুরাপান করিও না; এবং (১) তোমার দৃষ্টি সাধু কর (২) তোমার সঙ্কল্প সাধু কর (৩) তোমার বাক্য সাধু কর (৪) তোমার ব্যবহার সাধু কর (৫) তোমার জীবিকা অর্জন সাধু কর (৬) তোমার সর্বচেষ্টা সাধু কর (৭) তোমার চিন্তা সাধু কর (৮) সাধুধ্যানে তোমার চিত্ত সমাহিত কর।

নির্বাণপথের যাত্রীকে বুদ্ধ বলিতেছেন—

(১) তুমি যে পুণ্য লাভ করিয়াছ তাহা রক্ষা করিবার চেষ্টা কর।

(২) নব নব পুণ্যলাভের চেষ্টা কর।

(৩) পূর্বের সঞ্চিত পাপ অবিলম্বে ত্যাগ কর।

(৪) নূতন পাপ তোমাকে আক্রমণ না করে, তজ্জন্ত সতর্ক হও।

উপরিউক্ত প্রথম পাঁচটি নৈতিক নিষেধকে আশুষ্ঠানিক বোধগণ “পঞ্চশীল” বলেন। তাঁহারা “পঞ্চশীল”, “অষ্টশীল” বা “দশশীল” গ্রহণ করিয়া থাকেন। শীলকে তাঁহারা নির্বাণলাভের পাত্থের বলিয়া জানেন। তাঁহারা শীলপালন দ্বারা কল্যাণলাভ করেন বলিয়া শীলকে “মহামঙ্গল,” “কুশল” প্রভৃতি নাম দিয়াছেন।

মাতৃস্বের হৃদয়ে যে পাপ, যে চঞ্চলতা জন্মিয়া উঠিয়া তাহাকে

সত্যের সাক্ষাৎকার লাভ হইতে বঞ্চিত করিয়া থাকে, বুদ্ধদেব মানব-মনের সেই মলিনতাকে “অবিজ্ঞা” নাম দিয়াছেন। সকল মলিনতা হইতে এই অবিজ্ঞাকে তিনি নিরুৎকৃষ্টতম মলিনতা বলিয়াছেন।

ততো মলা মলতরং অবিজ্জা পরমং মলং ।

এতং মলং পহন্তান নিম্মলা হোথ ভিক্খবো ॥

অপর মলিনতা অপেক্ষা অধিকতর মলিনতা আছে; অবিজ্ঞাই সেই মলিনতা। হে ভিক্ষুগণ, তোমরা সেই মলিনতা ত্যাগ করিয়া নিম্মল হও। এই মলিনতা বা অবিজ্ঞাকে বিনাশ করিতে পারিলেই মানুষের মন শুদ্ধ অপাপবিদ্ধ হয় এবং তখনই মানব সত্যের সাক্ষাৎকার লাভ করিয়া ধত্ত্ব হয়।

উত্তরকালে মহাপুরুষ যিশুও ঠিক ঐ কথাটি ঘোষণা করিয়াছেন

|| “Blessed are the pure in heart for they shall see God”—অর্থাৎ, নিম্মল-হৃদয় ব্যক্তির ধত্ত্ব, কারণ তাঁহারাই ঈশ্বরের দেখা পাইবেন।

বৌদ্ধ গৃহ ও গৃহী

ভগবান্ বুদ্ধ বলিলেন—হে গৃহী, তুমি তোমার গৃহকে মঙ্গলের উজ্জ্বল আলোকে প্রদীপ্ত কর তোমার গৃহের সৰ্বদিক মঙ্গল দ্বারা সুরক্ষিত কর ; প্রাণহীন বাহ ক্রিয়াকলাপ দ্বারা ইহা রক্ষিত হইতে পারে না ।

হে গৃহী, পিতামাতার সেবা কর, তাঁহাদের সম্পত্তি রক্ষা কর, সৰ্ব্বতোভাবে তাঁহাদের উত্তরাধিকারী হইবার যোগ্য হও, তাঁহারা পরলোকে গমন করিয়া থাকিলে শ্রদ্ধার সহিত তাঁহাদিগকে স্মরণ কর, তাহা হইলেই তোমার গৃহের একদিক সুরক্ষিত হইবে । যিনি তোমার জ্ঞাননেত্র উন্মীলিত করিলেন, সেই গুরুকে দেখিবামাত্র দণ্ডায়মান হইও, তাঁহার সেবা করিও, আদেশ পালন করিও, তাঁহার অভাব মোচন করিও এবং তিনি যে উপদেশ দান করিবেন, তাহা মনোযোগপূৰ্ব্বক শ্রবণ করিও ; তাহা হইতে তোমার গৃহের অন্য একটি দিক মঙ্গলে রক্ষিত হইবে । যিনি তোমার সহধর্মিণী, সহকর্মিণী, সহভোগিনী সেই স্ত্রীকে সম্মান দেখাইও, তাঁহার সহিত কখনো বিবাদযাতকতা করিও না, তিনি যাহাতে তোমার প্রতি শ্রদ্ধাসম্পন্ন হন তাহার চেষ্টা করিও, তাঁহাকে বস্ত্রালঙ্কার দান করিও এবং তোমার আব্রাহ্ম পুত্র কন্তাদিগকে পাপ কর্ম হইতে বিরত রাখিও । ধর্ম, বিজ্ঞান ও শিল্প শিক্ষা দিও, তাহাদিগকে আপন সম্পত্তির উপযুক্ত উত্তরাধিকারী করিও ; তাহা হইতে তোমার গৃহের অপর একটি

দিক মঙ্গল দ্বারা সুরক্ষিত হইবে। যাহারা তোমার হিতৈষী আত্মীয় স্বজন ও বন্ধু, তাঁহাদের সহিত সদালাপ করিও, তাঁহাদিগকে উপহার দিও, তাঁহাদের হিতসাধন করিও, তাঁহাদিগকে আপনার তুল্য জ্ঞান করিও, নিজের ধন সম্পদের একাংশ তাঁহাদিগকে দান করিও, তাঁহাদিগকে বিপথগামী হইতে দিও না, দরিদ্র হইয়া পড়িলে তাঁহাদিগকে আশ্রয় দিও, তাহাদের পরিজনগণের সহিত সদয় ব্যবহার করিও ; তাহা হইলে তোমার গৃহের একটি দিক মঙ্গলে রক্ষিত হইবে। পরার্থে যাহারা আপনাদিগকে উৎসর্জন করিয়াছেন, যাহাদের কল্যাণ কামনা নিরপেক্ষভাবে সর্বজীবের প্রতি বর্ষিত হইতেছে, সেই সাধুসজ্জনদিগকে তুমি কায়মনোবাক্যে সেবা করিও, তাঁহাদিকে অন্ন বস্ত্র দান করিও, শ্রদ্ধাপূর্বক তাহাদিগকে স্বগৃহে অতিথিরূপে বরণ করিয়া লইও ; তাহা হইলে তোমার গৃহের আর একটি দিক মহামঙ্গলের প্রভায় রক্ষিত হইবে। দেহের দ্বারা মনের দ্বারা যাহারা তোমার সেবা করে, তোমার সম্ভাববিধানের জন্য বাহারা সর্বদা তৎপর রহিয়াছে, তুমি সেই দাসদাসীদিগকে কৰ্ম ভাগ করিয়া দিও ; অন্ন দিয়া বেতন দিয়া পারিতোষিক দিয়া তাহাদিগকে প্রতিপালন করিও ; আপনি যে সুস্বাদু দ্রব্য আহার কর তাহার অংশ তাহাদিগকে বণ্টন করিয়া দিও, মাঝে মাঝে তাহাদিগকে কৰ্ম হইতে অবসর দিয়া সন্তুষ্ট রাখিও এবং তাহারা ক্লান্ত হইলে তাহাদিগকে ঔষধ পথ্য দান করিও ; তাহা হইলে তোমার গৃহের অপর একটি দিক মঙ্গলমণ্ডিত হইয়া সুরক্ষিত হইবে।

বুদ্ধ বলিলেন,—হে গৃহী, যিনি ধর্মকে ভাল বাসিবেন, তিনিই

বুদ্ধের জীবন ও বাণী

বিজয়ী হইবেন, যিনি ধর্মকে ঘৃণা করিবেন, তিনিই পরাভূত হইবেন। দুর্জনের যাহার প্রিয়, যে ব্যক্তি সাধুজনের আচরণ বর্জন করিয়া দুর্জনের অনুসরণ করে, তাহার পরাভব স্থনিশ্চিত। জনশ্রোতের সঙ্গে যে জন আপনাকে ভাসাইয়া দিয়া তদ্রূপভাবে উদ্যমহীন বার্থ্যহীন জীবন যাপন করে এবং যে ব্যক্তি ক্রোধপরায়ণ তাহাকে পরাভব স্বীকার করিতেই হয়। যে ব্যক্তি ঐশ্বর্যের অধিকারী হইয়াও বৃদ্ধ জনকজননীর ভরণ পোষণ করে না তাহার পরাভব অবশ্যস্তাবী। সাধুসজ্জনকে যে ব্যক্তি মিথ্যাদ্বারা প্রতারিত করে, তাহাকেই পরাভূত হইতে হয়। যে আত্মস্তুতি ব্যক্তি অশেষ ধনধান্যের অধিকারী হইয়াও সমস্ত সুখসেব্য পদার্থ একাকী ভোগ করে, তাহার পরাভব নিশ্চিত। ধনের গর্বে, কুলের অভিমানে এবং বংশের গৌরবে যে ব্যক্তি অন্ধ হইয়া আত্মীয়দিগকে ঘৃণা করিয়া থাকে, তাহারি পরাভব ঘটিয়া থাকে। যে ব্যক্তি ব্যাভিচারে, মত্তপানে এবং অক্ষত্রীড়ায় প্রমত্ত, সে পরাভূত হইবেই। তাহারই পরাভব হইবে, যে আপনার ধর্মপত্নীর প্রতি বিরক্ত, অস্ত্রের জীর প্রতি অনুরক্ত। যে ব্যক্তি আপনার অন্ন সম্পত্তিতে অতৃপ্ত হইয়া সাম্রাজ্যের অধিকার কামনা করে তাহাকেই পরাভব স্বীকার করিতেই হয়।

গৃহের সর্বদিক যেমন মঙ্গলের দ্বারা সুরক্ষিত করিবার জন্ত বুদ্ধদেব গৃহীকে আদেশ করিলেন, তেমনি তিনি তাঁহার আপনার অন্তর বাহির উভয়দিক পুণ্য পবিত্রতার মঙ্গলবর্শে আচ্ছাদিত করিতে উপদেশ দান করিয়াছেন। তিনি গৃহীকে কহিলেন—হে গৃহী, তোমাকে যখন গৃহধর্ম পালন করিতে হইবে, তুমি কোনো-

বৌদ্ধ গৃহ ও গৃহী

ক্রমে ভিক্ষুর ব্রত সম্যক্ প্রতিপালন করিতে পারিবে না, তুমি যাহাতে সাধু গৃহস্থ হইতে পার, আমি তাহার জন্য তোমাকে নিম্ন-লিখিত ব্রত গ্রহণ করিতে বলিতেছি—

তুমি কদাচ জীবহত্যা করিও না, করাইও না কিংবা অপরের জীবহত্যার অনুমোদন করিও না। সবল, দুর্বল সর্বপ্রাণীর হিংসা হইতে বিরত হও।

যাহা তোমাকে দেওয়া হয় নাই, তাহা স্বয়ং কিংবা অন্যের সহায়তায় অপহরণ করিও না। সর্বপ্রকার চোর্থ্য হইতে বিরত হও।

জ্ঞানী ব্যক্তি ইন্দ্রিয়ের অসংযম জলন্ত অঙ্গার তুলাজ্ঞান করিয়া বর্জন করিয়া থাকেন। যদি তুমি তোমার প্রবৃত্তির উপর সম্পূর্ণ জয়ী হইতে অসমর্থ হও, তাহা হইলেও কদাচ ব্যভিচার করিও না। তুমি মিথ্যা কহিও না, অত্ৰকে দিয়া মিথ্যা বলাইও না। মিথ্যা-ভাষণের পক্ষ সমর্থন করিও না, সর্ববিধ মিথ্যার সংশ্রব হইতে মুক্ত থাকিবে। সদ্ধর্মের প্রতি তোমার যদি কিছুমাত্র অমুরাগ থাকে, তাহা হইলে সুরাপান করিও না, অত্ৰকে পান করিতে দিও না, অন্যের পানের অনুমোদন করিও না। 'সুরাপানে উন্মত্ত হইয়া নির্বোধেরা নানা পাপাচরণ করিয়া থাকে, অত্ৰকে ইহা পান করাইয়া উন্মত্ত করিয়া তোলে; পাপের বাসভূমি এই সুরাপান এবং তজ্জনিত প্রমত্ততা অসজ্জনেরই প্রিয়, তুমি ইহা পরিবর্জন কর। তুমি মালা ধারণ, সুগন্ধদ্রব্য ব্যবহার এবং সুকোমল শয্যা শয়ন করিও না।

বুদ্ধ কহিলেন,—হে গৃহী, পরম মঙ্গল লাভ করিতে হইলে,

বুদ্ধের জীবন ও বাণী

তুমি বুদ্ধকে সম্মান করিও, কদাচ পরশ্রী-কাতর হইও না ; ধর্ম্মে তোমার আশ্লাদ হউক, ধর্ম্মে তোমার প্রীতি হউক, ধর্ম্মজ্ঞান-লাভের জন্ত তোমার পিপাসা হউক, ধর্ম্মেই তুমি স্থিত হও, ধর্ম্মের প্রতিকূলে কোন বিতণ্ডা তুলিও না, যাহাতে ধর্ম্মে কলঙ্কস্পর্শ করিতে পারে, এমন কোনো আচরণ কখনো করিও না । অসত্য ভাষণ ত্যাগ করিয়া শৌভন বাক্যালাপে দিন যাপন করিও । যিনি তোমার গুরু, যথাকালে তাঁহার সমীপে গমন করিও । সর্ব্বপ্রকার ষ্ট্রীতা ত্যাগ করিয়া তোমার শ্রদ্ধাবনত চিত্ত সর্ব্বদা তাঁহার সন্মুখে স্থাপন করিও । যাহা মঙ্গল তাহা করিও এবং তাহা পুনঃ পুনঃ শ্রবণ করিয়া অভ্যাস করিয়া লইও । তুমি ভগ্নতা ক্লেশতা, লোভ, মোহ অহঙ্কারাদি বর্জন করিয়া দৃঢ়চিত্তে প্রসন্নভাবে দিন যাপন কর । সদ্ধর্ম্মে তোমার চিত্ত যদি নন্দিত হয়, তুমি শান্তি প্রেম ও ধ্যানের মধ্যেই অবস্থান করিতে পারিবে ।

বৌদ্ধজীবন

দুঃখের অস্তিত্ব একটি মহাসত্য।* মানবজীবনের অপরিহার্য অনন্ত দুঃখ যখন সিদ্ধার্থের প্রজাগোচর হইল, তখন তিনি ভোগৈশ্বর্যের প্রতি বীতশ্রদ্ধ হইয়া ভিক্ষুব্রত গ্রহণ করেন। তিনি দেখিয়াছিলেন, সাধারণ মানবকে অশেষ দুঃখ ভোগ করিতে হয়। একটি দুঃখের অবসান হইতে না হইতেই দ্বিতীয় একটি দুঃখের উত্থান হইতেছে। উত্তাল তরঙ্গমালার তুল্য দুঃখপরম্পরা একটির পর আর একটি মানবকে আক্রমণ করিতেছে; তাহার সংগ্রামের বিরতি নাই।

সিদ্ধার্থের মনে প্রশ্ন উত্থিত হইল, এই দুঃখের মূলীভূত কারণ কি? মানব আত্মশক্তি দ্বারা এই দুঃখরাশি নিঃশেষে নিরাকরণ করিতে পারে কি না? কি উপায় অবলম্বন করিলে এই দুঃখের নিবৃত্তি হইতে পারে?

সাধারণ মানব আপন ব্যক্তিত্বের নিগূঢ় তাৎপর্য আপনি অবগত নহে; ঐহিক জীবনযাত্রার শেষে সে যে কোন্ পরিণামে উদ্ভীর্ণ হইবে তাহা কখনো তাহার কল্পনায়ই উদ্ভিত হয় না; তাহার প্রত্যেক কার্য, প্রত্যেক বাক্য, প্রত্যেক চিন্তা কোন্ পরিণামের সৃষ্টি করিতেছে, সে তাহা অবগত নহে; তাহার বর্তমান ব্যক্তিত্ব

* দুঃখ, দুঃখের উদ্ভব, দুঃখের নিবৃত্তি এবং দুঃখনিবৃত্তির উপায় এই চারিটি বৌদ্ধশাস্ত্রে চতুরার্যসত্য নামে উক্ত হইয়া থাকে।

বুদ্ধের জীবন ও বাণী

কেমন করিয়া সম্ভব হইল, সেই রহস্যসম্বন্ধেও সে সম্পূর্ণ অন্ত। আপনাকে আপনি না জানিয়া মানব আপনার সত্তা রক্ষা করিবার নিমিত্ত নিরন্তর সংগ্রাম করিতেছে। অন্ধ যেমন আপনার গন্তব্য-পথ দেখিতে পায় না, তথাপি দণ্ড হস্তে কোনরূপে যাতায়াত করে, মানবও তদ্রূপ অন্ধভাবে জীবনপথে চলিতে থাকে। সত্তা রক্ষা করিবার জন্ত এই সংগ্রামে মানব যেমন অশেষ দুঃখ পাইয়া থাকে, তেমনি স্থূল সুখও লাভ করিয়া থাকে। জীবন এই সুখ দুঃখের সংমিশ্রণ। শশিকলার যেমন হাস ও বুদ্ধি আছে, তরঙ্গের যেমন উত্থান ও পতন আছে, জীবনে তেমনি সুখ ও দুঃখ রহিয়াছে।

দুঃখের অস্তিত্বসম্বন্ধে কাহারো সন্দেহ করিবার কোন হেতু নাই। সমগ্র বিশ্বজীবন হইতে আপনাকে বিচ্ছিন্ন করিয়া মানব যখন আপনার ক্ষুদ্র সীমাবিশিষ্ট সত্তা রক্ষা করিবার জন্ত সংগ্রাম করে, তখন তাহাকে দুঃখভোগ করিতেই হয়। সমগ্র জগতে সংযোগবিরোধের যে অমোঘ বিধান বিद्यমান আছে, দেব মানব কেহই সেই বিধান অতিক্রম করিতে পারিবেন না। যে শক্তিসমূহের সমবায়ের একটি স্বতন্ত্র সত্তার উদ্ভব হইল, একদিন-না-একদিন সেই শক্তিপূঞ্জ বিল্লিষ্ট হইয়া পড়িবেই। যে মুহূর্ত্তে একটি সত্তার সৃষ্টি হইল, সেই মুহূর্ত্তেই তাহার উপর জরাব্যাদিমৃত্যুর ক্রিয়া আরম্ভ হইল। মানবের সত্তা সীমার দ্বারা আবদ্ধ ; যেখানে সীমা, সেইখানেই অবিদ্ধা ; যেখানে অবিদ্ধা, সেইখানেই দুঃখ।

মানব যখন একটি স্বতন্ত্র সত্তা লাভ করে, তখন তাহার মন ও পঞ্চ জ্ঞানেন্দ্রিয় এই ছয়টি মুক্ত দ্বার দিয়া বাহিরের বিশ্ব প্রকৃতি তাহার উপর প্রভাব বিস্তার করিয়া থাকে ; ইহারই ফলে মানবের

মনে বেদনার সঞ্চার হয় এবং ঐ বেদনা নানা তৃষ্ণার আকারে আপনাকে প্রকাশ করে। মানব তাহার এই তৃষ্ণার দাবী কিছুতেই সম্পূর্ণরূপে পূরণ করিতে পারে না ;—মন প্রেয় বলিয়া যাহা চায় তাহা সকল সময়ে পায় না, এবং অপ্রিয় বলিয়া যাহা বর্জন করিতে চায়, তাহাও সময়ে সময়ে তাহাকে গ্রহণ করিতে হয়।

তৃষ্ণার রসদ যোগাইতে এই অসমর্থতাই মানবের যাবতীয় দুঃখের মূলীভূত কারণ। যে মানব আপনাকে আপনি সমাগ্জাত নহে, তাহার তৃষ্ণা লতার ছায় ক্রমশঃ বিস্তৃত হইয়া পড়ে। মেঘবর্ষণে তৃণরাজি যেমন দিন দিন বর্দ্ধিত হয়, তৃষ্ণাভিভূত ব্যক্তির দুঃখও তেমনি দিন দিন বৃদ্ধিপ্রাপ্ত হইয়া থাকে। জালবন্ধ শশকের ছায় তৃষ্ণাপরিতৃপ্ত ব্যক্তি পঞ্চ ইন্দ্রিয় ও পঞ্চ বিষয় এই দশ-প্রকার শৃঙ্খলে সংযুক্ত থাকিয়া বারংবার দুঃখ পাইয়া থাকে।

অবিজ্ঞাবশে মানব আপনাকে বিশ্ব হইতে স্বতন্ত্র বলিয়া মনে করিয়া থাকে, কিন্তু সে এই অনন্ত বিশ্বরূপ মহাসাগরের একটি ক্ষণস্থায়ী বুদবুদমাত্র। স্বভাবতঃই তাহার মনে হয়, যেন সে ভূত কালের, বর্তমান কালের ও ভবিষ্যৎকালের চেতন অচেতন সকল পদার্থ হইতে স্বতন্ত্র। এই বোধের বশবর্তী হইয়াই সে তাহার ক্ষুদ্র ব্যক্তিত্বের প্রীতিসাধনের জন্ত নিয়ত চেষ্টা করিয়া থাকে ; অথচ সংগ্রামের ফলে তুচ্ছ সুখোপকরণ লাভ করিয়া তাহার তৃষ্ণা শাস্ত না হইয়া বৃদ্ধিপ্রাপ্তই হয় ; এই প্রকারে সে বৃহত্তর দুঃখ এবং উগ্রতর নৈরাশ্রের সম্মুখীন হইতে থাকে।

ক্ষিপ্ৰবেগে অথ ছুটাইয়া সমতল ভূমির উপর দিয়া সারথি শকটারোহণে অগ্রসর হইতে হইতে প্রতিমুহূর্তেই তাহার প্রচণ্ড

বুদ্ধের জীবন ও বাণী

গতি অনুভব করিতেছে, বলদর্পিত অথও পদপীড়িত পৃথিবী হইতে আপনাকে স্বতন্ত্র বলিয়া মনে করিতেছে ; কিন্তু অত্যাচ্ছ প্রাচীরের উপরে দণ্ডায়মান এক গ্রহরী ইহাদের স্বতন্ত্র সত্তা আদৌ লক্ষ্য করিতেছে না, সে দেখিতেছে একটি অথও পদার্থ পৃথিবীর উপরে নড়িতেছে ; বায়ুবেগে আন্দোলিত কেশর যেমন অশ্বেরই দেহাংশমাত্র, উক্ত অথও পদার্থটি তদ্রূপ ধরণীরই অংশমাত্র । তেমনি যিনি জ্ঞানের উচ্চ চূড়ায় আরোহণ করেন, তিনিই পূর্ণ সত্যের সাক্ষাৎকার লাভ করিয়া থাকেন ।

মানব যতদিন আপনার প্রীতিকামনায় তুচ্ছ স্মৃতিভোগের অন্বেষণ করিবে এবং আপনার ক্ষুদ্র ব্যক্তিত্বকে ফাঁপাইয়া-ফুলাইয়া তুলিবে, ততদিন সে কোনোক্রমে হৃৎথের হাত এড়াইতে পারিবে না । আর যখন তাহার রাগদ্বেষাদি থাকিবে না, চিত্ত শাস্ত হইবে, তখনই ধর্ম সম্যক উপলব্ধি করিয়া অলৌকিক আনন্দ লাভ করিবে ।

মহাপুরুষ বুদ্ধের জীবন মানবকে এই কথাই বলিতেছে—হে মানব, যে ক্ষুদ্র অহংবুদ্ধি তোমাকে বিশ্ব হইতে পৃথক রাখিয়াছে, ঐ ভেদবুদ্ধি তোমার প্রার্থনীয় নহে ; বুদ্ধি স্থির করিয়া তুমি শীল গ্রহণ কর ; মঙ্গলব্রতসাধনের বিমল আনন্দ লাভ করিলে ক্রমশঃ তোমার সকল হৃৎথের ধ্বংস হইবে । পুণ্ডিত তরুর ছায় তুমি রাগদ্বেষাদি-মান কুসুমগুলি ত্যাগ কর । বোধকে জাগরিত করিয়া তুমি আপনাকে প্রসারিত করিলেই সকল হীনতার, সকল ক্ষুদ্রতার উর্দ্ধে উঠিয়া দেশকালের অতীত বিশ্বের সহিত ঐক্য অনুভব করিবে । এই ঐক্যানুভূতিই তোমার প্রার্থনীয় । এই

বোধই সকল সত্যের সার। সঙ্কুচিত হইও না, নির্ভয়ে অগ্রসর হইতে থাক, তুমি কল্যাণকর নির্বাণ লাভ করিতে পারিবে।

হে মানব, সকল সংশয় ছিন্ন করিয়া তুমি সার সত্যের অমুসন্ধানে প্রবৃত্ত হও, ঐ সত্যের বীজ তোমারি অন্তরে প্রচ্ছন্ন আছে। তোমার ক্ষুদ্র সত্তামুভূতি কি কখনো তোমাকে বিমল আনন্দ দান করিয়াছে? তুমি কোন্ বস্তুর জ্ঞান সংগ্রাম করিতেছ? স্বাস্থ্য সম্পদ সুখ শান্তি সাফল্য খ্যাতি হয়ত তোমার কাক্ষিত বিষয় হইবে; কিন্তু ইহারা কি তোমাকে শাশ্বত আনন্দ দান করিতে পারে? জরা ও ব্যাধি তোমার স্বাস্থ্যের বিনাশসাধনের জ্ঞাত প্রত্যহ যুদ্ধ করিতেছে; যাবৎ তুমি চিন্তে শান্তিলাভ করিতে না পারিবে, তাবৎ সম্পদ ভোগ সুখ শক্তি সাফল্য খ্যাতি কিছুতেই তোমাকে বিমল আনন্দ দান করিতে পারিবে না। ক্ষুদ্র সুখভোগের বন্ধনগুলি ছিন্ন করিয়া তুমি যখন সত্যের বিমল জ্যোতির সাক্ষাৎকার লাভ করিবে, তখন দেখিতে পাইবে তুমি যে কল্যাণ লাভ করিয়াছ তাহা কত গভীর, কত পরিপূর্ণ, কেমন অনন্ত-প্রসারী।

হে নির্বণকামী মানব, তোমার চিন্ত-অশ্বকে সংযত করিতেই হইবে, তৃষ্ণার মূল উৎপাটন করিতেই হইবে। নচেৎ নদীর স্রোত যেমন কুলজাত নলকে পুনঃ পুনঃ বক্র করিয়া থাকে, কামলালসা তেমনি তোমাকে বারংবার আক্রমণ করিয়া পীড়িত করিবে। মূল অচ্ছিন্ন থাকিলে বৃক্ষ যেমন পুনর্ব্যার অঙ্কুরিত হয়, তেমনি তৃষ্ণার মূল উৎপাটিত না হইলে দুঃখ পুনঃ পুনঃ আসিবেই। তুমি উর্গনাভের স্থায়ী ক্ষুদ্র জাল রচনা করিয়া তাহারই মধ্যে আপনাকে আবদ্ধ করিয়া রাখিয়াছ, মণ্ডুকের স্থায়ী কুপকেই সর্বস্ব মনে করিতেছ;